

山東政俗視察記

上冊

序

昔孔子謂齊一變至於魯魯一變至於道之二國者山東疆域也居今而稽古政治沿革民俗變遷而以言至道則歷萬世而不渝民國既建修改訓俗與民更始從政者之責也余主魯政越三年矣政令實施於民者屬於縣市官吏而觀民察吏之責則屬於民政廳頃者 李廳長樹春以所編山東政俗視察記進而言曰受事以來勉循所職慮舉措之未當與民間疾苦之弗聞故躬自巡行或遣員視察遍及省區博訪周諮詢俗觀風期得爲政之標準已陳諸案牘者屢矣茲蒐集考察之經過事實編纂成帙斯爲懲前毖後補偏救弊之微意耳余受而閱之稽查詳審分別項目燦然明備是有裨於修改訓俗之舉也余亦嘗巡歷全省見管仲晏子之遺蹟鄉禮魯樂之流風孔孟道德猶有存者默

然以思必如何安閭閻綏田野化行俗美於變時雍慰人民喁喁之望
無他至道而已今是編之意殆有合乎向道之基與吾心有不期然而
然者踵起而邁進以躋於道是余之望也夫於其揭櫫也樂而序之
中華民國二十三年五月韓復榘

序

政必因其地而施教必順其序而化故文公治蜀雅重德教太史翰軒尤資博采因時制宜觀風問俗爲政之道有由來矣魯省爲聖賢故鄉文化舊區官山府海物產豐富流風善政猶有存者樹耆忝長民政夙夕競勤訪求地方利病考察民生疾苦竭智盡慮日昃未遑思欲興利除弊整一民風必須博訪周諮集思廣益故對於各縣政治措施之狀況地方利弊之興革或親赴各地巡視或派員隨時考查或根據所屬報告莫不審其輕重之宜辨其緩急之務然後循序而進次第設施以期民風臻於善良政治底於正軌如機關之複雜官吏之泄沓則釐正甄裁以增其效率地方之弊竇官署之陋規則爬梳廓清以除其積習匪類之搆煽伏莽之潛滋則整飭警團以綏靖之衰弱之農村災民之

失業則施賑設倉以救卹之腐化之風尙侈靡之習俗則取締以轉移之公共之衛生人民之健康則講求以提倡之毒品鴉片之充斥與夫不正當之營業則嚴厲查禁以杜絕之他如地方自治之推行河流道路之修治古蹟古物之保存工業物產之振興莫不注意體察因勢利導凡此興革之端措施之宜中夜徬徨未敢自信惟有實心實力以赴隨時隨事而進不事粉飾不尙空談竭其智能盡其職責以期無廢於事無愧於心而已今集年來調查所得分別項目據實記載編爲山東政俗視察記付諸手民用代報告卽此刊布雖未足以慰民望而愜初衷然鑑往卽所以知來懲前斯可以愆後擇善而從不善必改前事不忘後事之師則斯記者固爲今日視察之實錄亦爲將來敷政理民移風易俗之考鏡也茲當發刊之始爰綴數語而爲之序

中華民國二十三年五月保陽李樹春

凡例

- 一 本記取材以歷年視察之記載爲根據而以各項調查報告參核定之
- 一 本記內容分政治風俗附錄三門並分別項目記載之
- 一 本記自十九年九月爲始至二十三年三月爲止
- 一 關於各縣距離里數查核原來記載此縣與彼縣之間間有不同者姑從多數列入
- 一 關於主要物價係按當時市價記載與現在物價相較或有漲落
- 一 關於全省各縣之順序仍以舊制縣綱爲準以便檢查
- 一 本記倉卒付印譌誤之處在所不免閱者諒之

山東政俗視察記 凡例

上卷縣目

歷城	一至八
章邱	九至一八
鄒平	一九至二六
淄川	二七至三四
長山	三五至四二
桓臺	四三至五〇
齊河	五一至五八
齊東	五九至六六
濟陽	六七至七四
長清	七五至八四
博興	八五至九二

高苑	九三至九八
博山	九九至一〇六
泰安	一〇七至一一四
新泰	一一五至一二二
萊蕪	一二三至一三〇
肥城	一三一至一三八
惠民	一三九至一四四
陽信	一四五至一五二
無棣	一五三至一五八
濱縣	一五九至一六四
利津	一六五至一七二
樂陵	一七三至一七八

霑化	一七九至一八四
蒲台	一八五至一九二
商河	一九三至二〇〇
青城	二〇一至二〇八
滋陽	二〇九至二一六
曲阜	二一七至二二二
濰陽	二二三至二三〇
鄒縣	二三一至二三八
滕縣	二三九至二四六
泗水	二四七至二五六
汶上	二五七至二六四
嶧縣	二六五至二七二

濟甯	二七三至二八〇
金鄉	二八一至二八八
嘉祥	二八九至二九八
魚台	二九九至三〇六
臨沂	三〇七至三一六
鄒城	三一七至三二四
費縣	三二五至三三二
蒙陰	三三三至三四〇
莒縣	三四一至三四八
沂水	三四九至三五八
荷澤	三五九至三六六
曹縣	三六七至三七四

單縣	三九五至三八二
城武	三八三至三九二
定陶	三九三至四〇〇
鉅野	四〇一至四〇八
鄆城	四〇九至四一六
聊城	四一七至四二四
堂邑	四二五至四三〇

山東政俗視察記 縣目

歷城縣

政治

一疆域形勢

境界 本縣縣城東至章邱縣城一百一十里西南至長清縣城七十里南至

泰安縣城一百八十里北至濟陽縣城九十五里西北至齊河縣城四十里

山川 南鄉多山北鄉有黃河橫貫東鄉一部有小清河經流其間

土質 東西兩鄉爲平原土質肥沃東南及西南兩鄉地多礮瘠東北地勢頗

低含有鹼性北及西北則多沙質

交通 縣城位於省垣爲衝要之區東有膠濟鐵路南北有津浦鐵路加以濟

武東臨等九汽車路交通甚爲便利

二戶口



十四萬二千二百五十三戶

五十九萬五千六百八十六口

三機關

縣政府 一等縣分設五科一局公務人員計共五十六員附屬機關有度量衡檢定所合作社指導所

公安局 縣局一處派出所四處警官警士計共七十四員名有雜槍計共七十六枝

民團 有民團一大隊官佐士兵夫計共一百七十四員名均先訓練後分防惟按章編制似嫌太少不敷分佈

聯莊會 總會設於縣城由縣長兼任總會長選地方公正士紳爲副會長設十分會於各區由區長兼任分會長凡二十歲以上四十歲以下之壯丁均有充當會員之義務對於防禦匪患互相聯絡地方治安差堪維持

四自治

全縣劃分十區一百三十五鄉三十九鎮所有區公所鄉鎮公所均已先後成立現正編制閭鄰選舉閭鄰長不久即可完成

五行政概況

治匪 縣城地居首邑並無大股土匪偶有發現零星盜匪均在邊境或鄰封交界之區

衛生 城內商埠及附郭各村均有濟南市公安局管理縣境四鄉雖迭經令飭各區長竭力提倡惟經費困難無若何進展

禁毒 城關商埠及附近各村對於禁毒向由濟南市公安局管理縣境四鄉不時密派專員或駐防公安局分別查禁

禁止蓄髮纏足 機關及附近各村蓄髮纏足惡習幾已絕跡四鄉亦正督飭公安局及區鄉長等竭力勸導中

救恤 設有慈善團體凡老弱廢疾而無養贍者每名按月發給三串五串不等城內並設有平民工廠專收貧民學習各種工藝以資救濟

風俗

一生活狀況

職業概況 農商業居多數手工業及其他執業者爲數甚少

主要物價 米麥油酒肉類價格均尙平允惟蔬菜在城市者則價昂鄉間則

較低廉

服飾習尙 人民服飾大部多尙樸素不習浮華

飲食嗜好 城鎮居民多飲高粱酒食麵粉鄉民則以小米爲主要食品

居室情形 草瓦房不等而以草房爲多

家族制度 聚族而居每一姓多居住一莊仍爲大家庭制度

錢幣及度量衡現狀 縣境除濟南市外無其他紙幣多用九八京錢按當十

銅元計每四十九枚爲一串度量衡現已改用新制

二社會習尙

交際慣例 親友遇婚喪則互通慶弔並餽贈財物遇節令亦有餽遺其豐齋以貧富而異平時交際甚少

宗教情形 儒釋道耶回各教均有而以道教爲最盛其他迷信惡俗迭經勸止已減少

農佃制度 農佃按所佃地畝之多寡與地主三七或四六分糧亦間有以錢折糧者

賽會 鄉村交易多沿舊習每五日或七日一集廢歷元宵節賽燈現已廢止
訟爭 民性狡詐事無大小多訟爭

婚嫁情形 由媒介人說合家長主持雙方調查確切彼此同意即可訂婚結婚多舊式繁縟棚用喜轎備華堂行跪拜禮城市內亦有新式結婚者其結

婚年齡大約以男十七歲以上女十六歲以上者居多續娶及改嫁者亦多有之

喪葬情形 始喪移尸中堂沐浴更衣卑屬舉哀三日大殮成主後孝子主祭行哀奠禮然後成服喪服差等均遵古禮葬期不一定屆時由孝眷扶柩入塋匍匐舉哀入壙掩土後戚友弔奠之

附錄

一 古蹟名勝

有珍珠泉趵突泉等大小七十二泉及大明湖華不注山龍洞佛峪千佛山平陵城等

二 古物

有懸陽銅鏡盜鼎均係私有保存

三 外僑

外僑均住城關商埠由濟南市管理四鄉並無外僑居住

四財政特殊情形

縣政府及建設教育自治民團公安等項均有專款撥節開支尙無若何困難

五建設特殊情形

縣境原有汽車路均已加寬修築歷濟縣道龍僧東梧鎮道亦經次第修築竣事長途電話已於上年架設完竣至於縣境曲家莊挖挑河道及其他建設事業正在督飭進行中

六教育特殊情形

設有師範講習所一處附設黨義教育訓練班縣立中心小學三處完全小學二十處區立小學七處區立初級小學三百二十九處現正督飭各莊設立小學以資普及

七實業特殊情形

農產以麥穀豆大米高粱黍稷玉米落花生山查柿梨酸果等爲大宗每年產糧以人烟稠密不足食用商業因地居衝要頗爲繁盛製造品以酒麪粉布疋爲大宗他如藤葛陶器等亦頗不少鑛產則付闕如

章邱縣

政治

一疆域形勢

境界 本縣縣城東北至鄒平縣城六十里正北至齊東縣城七十里西北至濟陽縣城九十里正西至歷城縣城一百一十里正南至萊蕪縣城一百六十五里東南至博山縣城一百四十里又至淄川縣城九十里東北至長山縣城九十五里

山川 南部及東南邊境多山北部有黃河小清河繡江河

土質 西北部之黃河淤砂及南部多山處土地礮瘠其他平原及明水一帶土質肥沃

交通 接近省垣爲魯東赴省之要道膠濟鐵路橫貫東西黃河小清河經流

縣境西北可通舟楫利荷汽車路沿黃河南岸通行濟武汽車路自膠濟路棗園站辛家寨縱行南北所有縣鎮道路均已修築完竣省有電話及縣有電話均已架設成功

二戶口

十萬零零七百三十八戶

五十三萬零七百一十二口

三機關

縣政府 一等縣分設五科一局公務人員計共五十四員附屬機關有合作社指導所度量衡檢定所

公安局 縣局一處分駐所四處警官警士計共二百二十二員名有雜槍六十一枝

民團 有民團一大隊官佐士兵夫計共二百七十四員名均於訓練後分防

各處以資保衛

四自治

全縣共分十區二百二十七鄉六十九鎮最大自治區一千三百三十五方里
最小自治區三百八十方里

五行政概況

治匪 境內安謐並無盜匪

衛生 設有衛生警察逐日洒掃街道清除污穢勸導旅店住戶崇尚整潔並
隨時講求公共衛生

禁毒 設有戒烟所一處入所戒癮者頗夥並隨時督飭團警嚴密搜查所獲
毒品按月呈繳

省政府焚燬

禁止蓄髮纏足 男子蓄辮者極少間有未剪者隨時強制剪除纏足一項現

正由縣派員分赴各鄉勸導卽速解放並出示嚴禁

救恤 設有平民工廠收容失業貧民成立救濟院救濟老弱廢疾並劃定農民貸款及鑿井貸款組織各種合作社

風俗

一生活狀況

職業概況 境內農工商礦均稱發達居民均有業務尤以鐵工爲最著歷來多散處關外及內地各省以謀生活

主要物價 五穀木材布疋等物價格均尙平允並無忽貴忽賤之弊

服飾習尙 服飾尙樸素布衣布履相沿成風並無浮華之習

飲食嗜好 燒酒燒肉火燒謂之章邱三燒人多爭用主要糧食不外米麥高粱玉蜀黍等數種佐食品多用鹽漬至於酸辣諸味不甚喜食小米稀飯爲

最普通之飲料

居室情形 房屋建築尙稱整潔圍城近山一帶石料石灰採取較易居室皆起脊瓦房或草房西北原野則多平房

家族制度 家族制度頗有倫序家人對家長絕對服從族衆對族長極爲敬重若父慈子孝兄友弟恭諸美德尤爲章人所素尙且性喜合居不慣分居錢幣及度量衡現狀 錢幣以國幣銀圓爲本位以銅圓爲輔助單位小銀圓不多見度量衡尙多沿用舊制

二社會習尙

交際慣例 冠婚喪祭各有慶弔往來酬酢互爲賓主餘如甲村與乙村甲鄉與乙鄉亦有時互相應酬借聯聲氣鄉間學究於交際時多用書面通候

宗教情形 居民多屬漢人惟大冶埠村普集等處有回教三盤胡迪等處有天主教張家林有耶穌教至於迷信之風一時尙難打破婦女爲尤甚一遇水旱蟲災立即禱天祈神相率跪壇有病仍多信仰巫婆雖禁止亦無效

農佃制度 全縣無多大地主故農佃甚少但無產階級間有芸人之田以糊口者其手續不外納租或分種兩種方法

賽會 從前每遇天災必演戲賽神或建醮祈禳其他遇有闢元宵慶豐年慶安瀾祝昇平等機會亦往往演戲作賀此種舉動於地方治安不無妨碍故官府時加制止

訟爭 居民性尚和平訟爭較少城之附近幾無訟爭距城愈遠則訟事愈多各區發現之訟案與距城遠近成正比例

婚嫁情形 訂婚手續先由冰人介紹雙方同意男方即請鄉望素孚之人對女方送字女方亦答字謂之換號以後再擇吉換柬(即婚約)聘禮多用首飾衣料或布疋棉紗亦有用金錢者則近乎買賣矣結婚用親迎並祭拜天地式結婚年齡大約以男十五歲以上女十七歲以上居多男子續娶曰續絃娶來新婦曰填房女子改嫁曰再醮嫁至夫家曰後婚

喪葬情形 死者初絕氣謂之倒頭不能舉哀先與死者冠帶移至靈榻然後在門外焚化冥車冥馬同時放聲大哭謂之燒謝先燒化已畢孝子等披髮赤足至土地堂送第一次倒頭盤纏以後每進膳時必送盤纏一次至第二日爲止遺囑多用口頭用書面者極少繼承仍遵舊制入殮在死者第二日孝子抱首孝女抱足納之棺中同時置錢或鏹於死者口中再由孝眷向死者胸部點置棉絮謂之栽花然後蓋棺舉哀成服禮節則由相者引孝子等至靈前跪拜然後依親疏遠近分服持之而成服禮終訃告弔奠發引安葬祭祀各禮節均依古制

附錄

一古蹟名勝

境內古蹟頗少如陽邱城寧戚城今皆無存惟漢之劉敬終軍馬融等墓尙存

二古物

有魏造像題名隋開皇陳黑闥造像及唐誌公碑宋穆氏先塋石表元王宏墓
碑明世宗敬一箴碑均在圖書館保存

三外僑

境內並無外僑

四財政特殊情形

縣財政照預算規定開支尙無若何困難

五建設特殊情形

縣境內繡江河發源於明水鎮百脈泉水量豐富四時不涸爲農工天然之利
源除舊有水磨五十餘盤外現正督飭建設局(一)自李家亭設閘開渠引水
至山頭店洩入漯河(二)自金盤莊設閘開渠引水繞縣城一週由縣城西北
角經高家莊時家馬頭等莊洩入白雲湖兩渠沿岸田畝藉資灌溉

六教育特殊情形

小學畢業生甚衆貧苦者無力升學已呈准設立中學一處現正籌備招生

七實業特殊情形

農業西北部多沙漠宜種花生北部土質肥沃宜種棉花工業鐵工最著石工次之木工又次之香之製造亦頗有名商業之多爲本省冠故國內通商大埠各商號無不有章邱之店員自銀行綢緞以至藥舖染坊皆爲章人最熟習之營業城北近處以鈴醫出外謀生者亦復不少鑛業南及東南多煤礦東及西南多石礦人民賴以謀生者不可勝計

鄒平縣

政治

一 疆域形勢

境界 本縣縣城東至長山縣城二十五里西南至章邱縣城六十里西北至齊東縣城四十里正北至青城縣城七十五里東北至濰縣縣城一百三十里又至高苑縣城七十里

山川 南部多山北部平坦小清河橫貫中央
土質 地多礫瘠土質不良

交通 縣鎮村道路均經修築周清汽車路經過境內本城各機關及各區均
通電話

二 戶口

三萬一千三百七十五戶

十五萬五千七百六十八口

三機關

縣政府 三等縣分設五科一局公務人員計共五十八員附屬機關有度量衡檢定所合作社指導所

公安局 縣局一處設於城內分駐所一處設於孫家鎮警官警士計共八十八員名共有手槍六枝步槍十八枝

民團 有民團一大隊官佐士兵夫計共六十員名均經訓練分防以資保衛
聯莊會 總會以下設七分會縣長兼總會長各區長兼分會長凡二十歲以上四十歲以下之男子均有充當會員之義務現在分期抽調訓練俾有軍事常識以便自衛

四自治

全境劃分七區一百二十九鄉十六鎮最大自治區五百方里最小自治區十五方里

五行政概況

治匪 境內安謐並無匪患

衛生 設有衛生警察清除道路注意清潔並舉辦種痘防疫等事項

禁毒 境內絕無種植烟苗情事已設立戒煙所任煙民入所戒癮其餘金丹

海洛英等毒品經嚴密查拿絕少販賣及吸食者

禁止蓄髮纏足 男子蓄髮者絕少放足婦女達一萬五千八百人繼續勸戒

不難克竟全功

救恤 城內設有賑務分會一處紅十字會醫院各一所倉穀制度廢弛已久

經辦鑿井貸欸藉以救濟旱災

風俗

一 生活狀況

職業概況 全境人民以農桑爲本工商爲副統計農人約佔人口百分之八十以上工人約佔百分之十商人約佔百分之八公務員及其他執業者不過百分之二而已

主要物價 小麥平均每斤約值大洋五分高粱每斤約三分小米每斤約四分黃豆每斤約四分猪肉每斤約二角蔬菜價值不等但均低廉

服飾習尙 民多儉樸不尙浮華

飲食嗜好 普通居民食物以小米麪窩頭爲主惟至暑天則食麥麪或米麵
冬食小米稀粥夏飲菘豆清湯菜蔬則以蔓菁南瓜韭菜大葱白菜等爲主
以芫萎芹菜等副之

居室情形 住屋多草舍卑陋不堪門窗狹小空氣污濁實於衛生有碍惟以北屋爲尙取其向陽故也

家族制度 民俗古樸原以大家庭爲主近自西風東漸社會變化故實行析居改組小家庭者亦所在多有

錢幣及度量衡現狀 市面通行錢幣以當二十銅元與銀圓爲主鈔票角票爲副輔幣小銀圓則已絕跡至於度量衡則城鎮各處多已遵章領用法定之器惟以習俗相沿積重難返私用舊器者在所難免

二社會習尚

交際慣例 朋友交接以行客拜坐客爲常例若在途中或村鎮對人有所詢問忌呼二哥須以大哥三哥稱之始得答覆而近年風氣漸開多以先生二字代之矣別無特殊慣例

宗教情形 縣境只有基督教福音堂三五處多已銷聲匿跡不見發揚信徒寥寥統計全縣不過百人釋道兩教比耶教尤少回教則絕無其餘迷信之風如祈神問卜等事雖經取締但仍難絕跡

農佃制度 縣民自耕農約佔百分之八十以上餘爲半自耕農至純粹佃農則尙無有

賽會 縣境居民對於泰山老母特別信仰結有泰山會（卽香火社）各繳會費出放生息俟錢多時或聚衆演戲請神祈福或男女老幼結隊執旗齊赴泰山頂進香歸時其鄉鄰人等則鳴鐘擊鼓全副儀仗遠迎數十里以求神庥

訟爭 居民樸誠性稍偏執往往因口角細故致興訟端然一經審判多數服從尙鮮刁訟之風

婚嫁情形 訂婚手續多遵舊制媒妁往來以東帖通姓名雙方同意再訂正式婚約聘禮豐齋稱家有無分布疋首飾銀圓數種結婚儀式多用親迎舊禮新婦至男家後由女儂相二人扶持至天地神位前同新郎行跪拜禮結婚年齡大約男子多在十四歲至二十歲女子多在十七歲至二十歲續娶

及改嫁者亦多有之

喪葬情形 始喪孝子躃踊號哭二日入殮衣衾棺槨豐嗇不等殮時全家環視盡哀而止遵禮成服親友弔奠多用楮帛行跪拜禮有行鞠躬禮者鄉俗輒以爲不敬發引儀式則由孝子執旛前導全家及親友隨行至葬地祭畢掩埋堆土如邱形宗祧繼承財產繼承仍遵舊制昭穆分明井然不紊

附錄

一古蹟名勝

著名古蹟如漢伏生墓宋范文正公讀書處清馬宛斯故里

二古物

著名古物有文廟樂器祭器孔子畫像碑五代景範碑大寺銅佛

三外僑

城內福音堂駐有女外僑一名

四財政特殊情形

地方財政大致尙充足開支均照預算規定

五建設特殊情形

縣境南部多山村道崎嶇修築困難護城河及城北長白溝極宜修浚

六教育特殊情形

鄉村建設研究院主辦之民衆學校附設聯莊會訓練班頗爲認真縣境小學林立師資頗感缺乏

七實業特殊情形

縣境西北各部土質尙宜植棉年來提倡美棉故棉業頗稱發達縣城商業有洋貨舖雜貨舖點心舖布舖等並有小本銀錢號四家商業尙稱繁盛工藝出品以蚕絲土布爲大宗西南各山出產磁石及水晶石惜未開採

淄川縣

政治

一 疆域形勢

境界 本縣縣城東至益都縣城一百三十里南至博山縣城四十五里西北

至章邱縣城一百零五里又至長山縣城七十里北至桓台縣城一百十里

山川 東西南三面多山北略平坦有孝婦河縱貫南北

土質 地多瘠薄北境略肥沃

交通 膠濟支路直貫南北交通甚便

二 戶口

六萬一千六百九十五戶

三十四萬零八百五十二口

三機關

縣政府 二等縣分設五科一局公務人員計共七十二人

公安局 總局一處分駐所五處警官警士計共一百三十九員名手槍步槍

共有八十三枝

民團 有民團一大隊官佐兵夫共一百七十四員名分防各處以資捍衛

聯莊會 設總會於縣府由縣長兼任總會長設九分會於各區由區長兼任

分會長凡二十歲以上四十歲以下之男子均有充當會員之義務

四自治

全境劃分九區二百八十六鄉三十七鎮最大自治區六百零八方里最小自

治區三百五十二方里

五行政概況

治匪 境內無股匪惟間有架案

衛生 由公安局派衛生警督飭各花戶掃除街道並注重飲食衛生

禁毒 由縣政府出佈告嚴禁並督飭公安局偵查毒犯送縣訊辦

禁止蓄髮纏足 教育機關設有放足會隨時查禁十五歲以下女子多半解放

救恤 倉穀前已廢止現又籌設如遇災荒由各法團募捐救濟對於老弱廢疾者由縣政府呈請財政廳按月發給口糧

風俗

一生活狀況

職業概況 居民除多數業農者外其貧苦者多以勞力爲生近山民衆則開

採山料城市區域則經營業業又有磚瓦場機房瓷器廠賴以謀生

主要物價 磚瓦瓷器煤炭等物價值較低

服飾習尚 鄉民服裝習尚儉樸大半用粗藍布製成城市居民間有着絲織

品者

飲食嗜好 鄉民多食煎餅蔬菜之類城市殷實家及商號多用饅首肉食燒酒等

居室情形 鄉間築室皆係舊式草房形象簡陋但掃除清潔空氣流通頗適衛生城市商業區域多係瓦房

家族制度 人口衆多之族推有族長一族均聽從指揮一家之中有家長家中男女都受約束

錢幣及度量衡現狀 縣境銀圓銅圓均極缺乏專賴中交鈔票及本地商號發行之錢票角票流行市面但本地鈔票信用不佳至於度量衡情形均不一致斗則大小不一有二十四筒者有三十筒者尺則丈量地畝多用舊營造尺量布多用裁衣尺秤亦大小不一有行秤加一秤等甚爲複雜現在業已定期換用新器

二 社會習尚

交際慣例 民衆每過新年則帶禮物(饅首點心等類)向其親友家拜節遇

有嫁娶則送喜幛喜聯或錢財或化裝品等禮品喪事則送輓聯輓幛或錢

財貧者多用黃表紙弔喪慶祝壽誕亦送壽幛壽聯食物等類

宗教情形 民衆多尊儒教其餘天主教耶穌道教釋教信者甚寡

農佃制度 有租戶向地主納租價者大約園地每畝在六七圓之數

賽會 從前每至春節鄉民多有扮演各種燈會者現因農村經濟不振已經

廢止

訟爭 民事最多刑事次之

婚嫁情形 (一)訂婚辦法由媒妁介紹後再納禮傳柬定期迎娶 (二)婚約

形式除少數採用官婚書外尚多沿用舊式 (三)聘禮種類分奩粧首飾及

銀錢等類 (四)迎娶儀式由男家備彩轎二乘鼓樂前導向女家親迎並向

其外姑行四叩禮近亦有用三鞠躬者(五)結婚儀式新婦下轎時頭蒙紅布手持盛字如意鈎以避惡凶災殃由兩女子攙扶前行拜罷天地摘去蒙頭入室靜坐片時名曰坐時辰然後登床由親友平輩相陪飲酒合婚次日禮拜先祖塋墓及翁姑親族長輩等(六)結婚年齡男子在十六歲上下女子則十七八歲左右(七)續娶習慣與正娶略同但禮節較爲簡單(八)改嫁習慣由母家向故夫家倒取粧奩并將其夫家常著之鞋擲入故夫墳內以留作亡者紀念然後回母家另行擇配

喪葬情形 (一)始喪將亡者著好衣服由其長子向西高呼名曰指路再換孝服舉哀(二)入殮時由陰陽家推定時間子女用酒刷亡者之面部俗名曰淨面然後入殮合家舉哀(三)訃告分二種貧者由長子親往報喪富者則用訃文或張貼報告(四)弔奠多用表鏢錢財等物名曰弔儀親往弔奠者則用四叩首近亦兼用鞠躬禮(五)發引安葬多用鼓吹儀仗導入葬地

靈棺人慕孝子親友拜奠

附錄

一古蹟名勝

有公晰哀墓夾谷臺鄭康成晒書臺昌國郡城故蹟聊齋著書處

二古物

有唐金剛經殘石李北海草書千字殘石宋太平興國重修雙門樓記元趙孟頫撰修孔子廟碑

三外僑

大荒地草塢兩煤礦有日僑三百餘人

四財政特殊情形

正稅附稅均係年清年款並無拖欠

五建設特殊情形

境內多山脈區域一切建設均感困難

六教育特殊情形

縣境完全小學較他縣獨多惟各校經費多由各鄉鎮學董管理常生糾葛

七實業特殊情形

縣境多山不宜於農煤礦頗多惟大部礦區多爲魯大公司所佔有

長山縣

政治

一疆域形勢

境界 本縣縣城東至臨淄縣城一百十里東南至淄川縣城七十里又至益都縣城一百四十里西南至章邱縣城九十五里西至鄒平縣城二十五里東北至桓台縣城十八里

山川 西南爲長白山脈之東支河流有孝婦河自淄博流來有豬龍河自西北流北境有小清河

土質 除西南一隅外餘盡平原腴多瘠少

交通 膠濟路東西通行交通稱便

二戶口

四萬七千零三十戶

二十五萬六千七百五十口

三機關

縣政府 二等縣分設五科一局公務人員計共八十二員附屬機關有合作社指導所平民工廠

公安局 縣局一處分駐所一處警官警士計共五十九員名共有雜槍四十五枝

民團 有民團一大隊官佐士兵夫計共七十八員名均先訓練後分防保衛地方尙稱得力

聯莊會 總會以下設九分會縣長兼總會會長區長兼分會長二十歲以上四十歲以下之男下均有充當會員之義務所有會員業經抽調訓練俾有軍事常識以資自衛

四自治

全縣劃分九區二百十八鄉十六鎮最大自治區四百餘方里最小自治區一百餘方里

五行政概況

治匪 地方尙稱平靖並無盜匪

衛生 城市各街口俱設有垃圾箱並派衛生警察逐日掃除污穢以利公共

衛生

禁毒 由縣府督飭公安局嚴密查拿毒犯依法訊辦境內吸食及販賣者絕少

禁止蓄髮纏足 由縣府督率公安局暨各區公所親往各鄉勸導民衆頗知覺悟男子鬚髮者不過十之一二皆係年老之人女子纏足者三十歲以下業經解放十之七八

救恤 設有縣立平民工廠一處俟生徒畢業後分赴各鄉區辦理區平民工廠以濟貧民生活遇有災祲則由紅十字會紅卍字會臨時救恤之

風俗

一生活狀況

職業概況 除少數工商外餘均務農爲業

主要物價 主要物以食糧爲大宗其價格之漲落視年景之豐歉爲轉移

服飾習尙 居民崇尙樸素冬穿藍色粗布夏穿白布城市資產階級則間有

服用絲織品及洋布者婦女普通以簪環爲飾

飲食嗜好 粗糧蔬菜爲普通食物米麪酒肉之類城鎮居民間有食之者

居室情形 鄉間多草房城鎮則草瓦房兼有

家族制度 家有家長族有族長家有家長主持家政族長掌管族事

錢幣及度量衡現狀 市面交易以銀圓及中交鈔票或銅圓爲通用度量衡

舊時極複雜現正推行新制

二社會習尚

交際慣例 遇有婚喪慶弔親友酬酢禮尚往來乃爲常例

宗教情形 天主耶穌佛道教均有惟信者無多

農佃制度 佃戶與地主於秋收後平均分之

賽會 每至春節後鄉間多有旱船及小車等會

訟爭 居民樸厚訟爭甚少

婚嫁情形 男女雙方由媒人說合徵得同意即可訂婚婚約多用六折大

紅柬聘禮貧富不等選期仍由陰陽家擇定迎娶用親迎禮結婚拜華堂翌

晨拜翁姑新婦歸寧往返徧拜尊親結婚年齡男女均以二十左右爲度續

娶改嫁者亦有之贅夫則無此習慣童養媳貧家或有富家則無之多夫多

妻絕對無有

喪葬情形 始喪移屍中堂合家舉哀二日後入殮喪服遵古制訃告用舊式
喪帖親友弔奠行跪拜禮或鞠躬禮發引儀式由孝子執旛前導引入塋地
扶柩入壙掩土成墳居喪不問外事祭祀仍用跪拜禮

附錄

一古蹟名勝

城內有陳子墓南關有范文正公祠

二古物

范文正公祠內有宋槐一株縣府大禮堂前有漢槐一株又縣境有落星石一
塊由縣府保存

三財政特殊情形

地方財政按預算動用收支適合

四建設特殊情形

縣路鎮路均已修齊全境電話綫共長三百餘里

五教育特殊情形

師資缺乏各鄉初級小學經費拮据發展困難

六實業特殊情形

農產以高粱穀子豆麥等類爲大宗製造品有綢綾麻葛等類礦產無

桓台縣

政治

一 疆域形勢

境界 本縣縣城東至臨淄縣城七十五里東南至益都縣城一百五十里南至淄川縣城一百十里西南至長山縣城十八里北至高苑縣城三十里東北至博興縣城七十里

山川 東南境有馬公花山等小山河流有烏河孝婦河
土質 除東南僅有小山外餘均爲平原土質堪稱肥沃
交通 東南依膠濟路北依小清河中有周高張博兩汽車路通過境內交通甚爲便利

二 戶口

五萬零三百四十一戶

二十八萬九千七百九十八口

三機關

縣政府 三等縣分設五科一局公務人員計共六十五員附屬機關有電話局合作社指導所

公安局 縣局一處分駐所一處警官警士計共九十四員名有匣槍十四枝馬步槍六十七枝

民團 有民團一大隊官佐士兵夫計共二百三十員名均經訓練分防保衛地方尙稱得力

聯莊會 總會以下設四分會於各區縣長兼總會長區長兼分會長所有會員正在抽調訓練教以軍事常識以資保衛地方

四自治

全境劃分四區一百三十五鄉十二鎮最大自治區六百五十方里最小自治區二百六十方里

五行政概況

治匪 境內安謐並無盜匪

衛生 城鎮均有衛生警察勸導花戶注重清潔並逐日清除道路以重公共

衛生

禁毒 由縣政府佈告嚴禁並督飭查拿販賣及吸食者絕少

禁止蓄髮纏足 城關附近蓄髮纏足惡習幾已絕跡四鄉亦正在督飭公安

局及區鄉長等竭力勸禁

救恤 僅有縣賑務分會無各種工廠

風俗

一生活狀況

職業概況 農作業頗勤生活尙稱富裕其他工商等業亦均能自給

主要物價 農產品以小麥穀子豆子爲大宗而小麥價值高於一切

服飾習尙 服飾儉樸以土布爲大宗習尙多舊式

飲食嗜好 以穀子高粱爲大宗食糧

居室情形 居室簡陋以土墻草頂爲最多

家族制度 以尊親爲家長凡家中一切均由家長主持

錢幣及度量衡現狀 市面流通以銀圓銅圓爲主體度量衡已實行新制

二社會習尙

交際慣例 因經濟困難交際均從簡

宗教情形 崇信佛教者頗多他教則甚寡

賽會 每至春節後鄉民或有扮演小車旱船等會者

訟爭 營利心重訟爭之事所在多有

婚嫁情形 經媒妁介紹雙方同意即可訂婚婚約均用舊式庚帖聘禮以金錢布疋居多選期以支干字選定迎娶用親迎禮結婚在男家院內設天地桌並插弓箭男女交拜名爲拜天地結婚年齡均在二十左右續娶與初婚同改嫁習慣多因夫歿無子女可依乃自由改嫁贅夫習慣絕無亦無多夫多妻之習童養媳貧家有之

喪葬情形 始喪由孝子向西方高呼指路遺囑多用口頭宗祧繼承以長子爲主無子者則由親支過繼翌日入殮遵禮成服訃告用舊式喪帖弔奠行四拜禮發引由孝子執旛引路至塋地孝眷親友行禮畢然後安葬服喪五七以前孝子不出門祭祀行四叩禮

附錄

一 古蹟名勝

有錦秋湖風景絕佳有齊桓公繫馬台（卽縣政府地址）西安城魯連坡萬章

墓轅固塚諸葛廟

二古物

有褚遂良金剛經碑王維陀羅經碑蔡襄善氣所鐘碑王氏忠勤祠內碑碣九十種皆係鍾王褚虞以及歐柳顏趙諸真跡彌可珍貴

三外僑

張店住有日僑若干戶口數目未詳

四財政特殊情形

各機關經費全賴丁漕附捐維持

五建設特殊情形

已修築縣路一百四十五里鎮路一百八十里村路三百里架設電線路共二百七十里交換機二十門話機二十部

六教育特殊情形

八 學校開辦費多賴捐助學田地租二萬七千餘元佔全縣教育費百分之四十

七實業特殊情形

農業普遍多鑿井灌田全縣共計大小井眼九萬二千七百餘商業以張店爲最盛東南境鐵山產鐵礦昔歸日人開採今已封閉

齊河縣

政治

一疆域形勢

境界 本縣縣城東南至歷城縣城四十里西南至長清縣城四十五里西北至禹城縣城七十里又至高唐縣城一百十里北至臨邑縣城一百二十里東北至濟陽縣城一百二十里

山川 全境平原無山縣城東南兩面緊臨黃河東西北三鄉有趙牛牛角徒駭溫聰等四河道

土質 縣境西北邊區有多數鹽地畝中有少數沙壓其他地畝相等無大肥瘠

交通 縣境內有齊禹齊唐齊聊三條縣道汽車早已通行津浦車經過北境

晏城黃河內有舟楫往來交通尙稱便利

二戶口

五萬九千六百二十三戶

二十八萬八千六百零七口

三機關

縣政府 二等縣分設五科一局公務人員計共六十員附屬機關有度量衡

檢定所合作社指導所

公安局 縣局一處警官警士計共六十三員名共有手槍步槍五十四枝

民團 有民團一大隊官佐士兵夫計共一百員名均經訓練分防藉資保衛
聯莊會 以現行區治爲各分會區域全縣八區共設八分會以區長兼分會

長城內設總會以縣長兼總會長并公推正紳一人爲副總會長

四自治

全縣共分八區九十二鄉三十八鎮各區公所鄉鎮公所均早成立鄉鎮閭鄰各長均已選定

五行政概況

治匪 縣境大致平靜惟零星小匪仍不能免與禹城接壤之區時有竄擾之虞

衛生 縣境未設衛生機關僅由公安局辦理城內一切衛生事項並設有民生醫院一處

禁毒 由縣政府督飭公安局嚴厲查禁

禁止蓄髮纏足 男子蓄髮絕無惟婦女纏足者仍多迭由縣政府令行各區長勸導依期解放

救恤 縣立賑務分會一處會內設有貸濟處分貸災區貧民并設有平民工廠一處

風俗

一生活狀況

職業概況 全縣居民百分之九十皆務農境內無工廠亦無純粹之工人出外經商者最少統計全縣爲農業社會幾無工商之可言

主要物價 土布每尺核銀圓五分六分洋布每尺核銀圓八分一角小米每斤核銀圓四分五厘小麥每斤核銀圓五分六分柴薪每斤核銀圓一分上下以上均按新制市尺市秤爲準

服飾習尚 夏日短衣冬日長袍崇尚樸素均用藍色婦女多習尚鬢上壓簪橫豎托簪等以示美觀至於穿耳僻鄉依然盛行

飲食嗜好 粗糧蔬菜爲普通食物每日三餐飲酒喫茶吸烟者約佔百分之六十以上

居室情形 鄉村多草房城鎮富戶商舖建築草瓦房而通用草房者亦有

家族制度 縣俗多崇尚大家庭以五世同堂或兄弟終身不析居者爲美談
近以經濟問題已日趨於小家庭組織矣

錢幣及度量衡現狀 本縣流通錢幣除國幣銀圓外尚有當十文當二十文
銅圓兩種輔幣此外尙少發行紙幣者度量衡現已大部份實行市制矣

二社會習尙

交際習慣 遇年節及麥收後購置茶點等食品親朋互相來往頗重酬答乃
爲常例

宗教情形 奉佛教之僧尼道姑及基督教徒僅數十人僧道近年來自動歸
俗者頗不乏人回教在本縣僅三村莊但宗教界限頗清

農佃制度 本縣農佃制度普通爲佃戶四成地主六成所有納稅等事概歸
地主担負耕種收穫等事概歸佃戶佃戶對地主執奴僕禮

賽會 農暇之時演劇酬神時或有之每至廢歷元宵節鄉民有扮演各種燈

會者

訟爭 本縣爲農業社會知識薄弱而好負氣每因細故輒致興訟甚且終身纏訟至於蕩家敗產亦所不惜因調停解決而免於訟事者亦時或有之

婚嫁情形 男女兩方經媒妁介紹說明男女年庚生辰徵得同意是爲定婚婚約用紅單帖聘禮貧富不等選期仍用合婚擇定迎娶用迎親禮新婦仍乘紅轎結婚拜華堂翌晨拜翁姑新婦歸甯新郎同車赴女家歡筵與新婦尊親一一見面俗稱回門結婚年齡縣俗一般喜早婚大都男子在十五歲上下女子在十八歲上下爲結婚期續娶改嫁亦有之贅夫則無此習慣童養媳貧家或有富家則無多夫多妻絕對無之

喪葬情形 始喪舉哀遣囑罕見宗祧繼承歸長子或長孫入殮於三日後行之喪服遵古制訃告仍用舊式奠弔行跪拜或鞠躬禮發引儀式由死者親屬引導入塋地葬埋服喪期間概遵古禮親屬遠近各有等差居喪不問外

事以誌哀悼祭祀仍用跪拜禮

附錄

一古蹟名勝

縣城北晏城鎮有周朝晏城遺跡尙存

二古物

縣城教育局有唐槐現尙茂盛縣東北安頭街商氏存有商朝商氏家寶縣城定慧寺明榮國公少師畫像

三財政特殊情形

地方財政如無特別大宗支出尙足應用

四建設特殊情形

因見頻年水患開掘白毛李莊至倪辛莊溝渠一道早已完工又疏濬趙牛担杖兩河亦早完工

五 教育特殊情形

全縣教育經費按學區糧銀攤集學生概不納費現正辦理鄉村師範以廣師資

六 實業特殊情形

農產以小麥穀大豆紅糧玉蜀黍菘豆花生甘藷梨桃杏等棉花近亦有種植者礦產無

齊東縣

政治

一疆域形勢

境界 本縣縣城東南至鄒平縣城四十里西南至章邱縣城七十里西至濟陽縣城九十里北至惠民縣城一百十里東北至青城縣城五十里

山川 有黃河及小清河

地質 境內係平原東南土壤肥沃西部北部甚瘠薄

交通 陸有利荷周青長濰等汽車路水有小清河黃河等航運交通尙屬便利

二戶口

二萬七千七百八十三戶

十三萬一千二百六十六口

三機關

縣政府 三等縣分設五科一局公務人員計共六十三員附屬機關有合作社指導所度量衡檢定所

公安局 縣局一處分駐所一處警官警士計共八十一員名共有手槍步槍七十三枝

民團 有民團一大隊官佐士兵夫計共一百員名團丁均係招募先訓練後分防以資保衛

聯莊會 全境劃分六區設立分會以縣長兼總會長各區長兼分會長約有會員四千餘人槍一千二百餘枝惟土槍火槍店多數快槍甚屬寥寥由縣長督飭公安局長及民團中隊長輪流下鄉不時抽查力加整頓遇有匪警鳴鑼爲號一齊赴援頗爲齊整

四自治

全縣劃分六區一百零九鄉十三鎮最大自治區二百餘方里最小自治區十餘方里

五行政概況

治匪 無大股土匪或有三五成羣出沒無常不爲大害

衛生 由縣政府督飭公安局注重公共衛生

禁毒 派警赴鄉責成區莊長認真檢舉如有吸食毒品者依法懲辦

禁止蓄髮纏足 鄉民蓄髮纏足者尙多業已組織委員會竭力勸導

救恤 平民工廠即將設立遇有災荒臨時救濟

風俗

一生活狀況

職業概況 縣境均屬平原宜於耕種業農者約百分之八十工商學界佔百

分之二

主要物價 境內出產只有五穀棉花等類小麥每斗價洋一圓小米八角梁

豆七角籽棉每斤一角五分

服飾習尚 男女服飾崇尚儉樸所用衣料多係棉織粗布間有用洋布者甚

屬寥寥

飲食嗜好 嗜好酸甜等味飲食以小米小麥爲大宗飲酒食肉者不多見

居室情形 多係土屋平房甚尠樓閣瓦房

家族制度 一姓中以最尊者爲族長一家中以最尊者爲家長處理家族之事照例序譜按輩承繼不得紊亂如有不肖子弟由家族各長嚴加訓教倘有忤逆者即送官懲辦

錢幣及度量衡現狀 市面交易以銅幣銀幣紙幣爲主度量衡亦遵新制逐

漸劃一

二 社會習尚

交際慣例 境內民衆向例遇有婚喪等事必以財物爲餽送之禮遇年節及慶壽送禮者亦有之

宗教情形 人民多奉儒教信佛道耶回等教者不過千分之一二

賽會 從前每於春節後居民有扮演燈會者近已停止

訟爭 民性和平訟爭頗少或有因事涉訟者亦出於不得已而爲

婚嫁情形 訂婚須經媒妁之言雙方同意交換柬帖而婚約遂成再用新式

官婚書依式填寫以爲憑証聘禮多用布疋衣料洋線及各種首飾等類貧家亦有收受錢財者選期依舊曆迎娶用花轎結婚儀式用女子二人攙扶新婦下轎接入院中然後男女拜堂合巹次晨新婦拜翁姑及其祖先結婚年齡大約以男子十四五歲女子十六七歲爲多續娶與結婚程序相同改嫁則須守節三年後並得兩面家長同意始行之贅夫習慣罕見多夫習慣

絕無多妻出自富家因無子納妾以謀嗣續童養媳習慣亦極少

喪葬情形 民間遇有喪亡先舉哀然後遵禮成服遺囑用口頭無用書面者宗祧繼承歸長子或繼子人殮手續先將棺木備妥由孝子男女扶抱死者入棺釘好棺蓋焚香燒紙合家舉哀孝服用白衣白冠繫麻繩分斬衰齊衰大功小功緦麻五等訃告用白紙印刷形式大小頗不一致弔奠用跪拜禮或脫帽鞠躬禮發引多用槨架以代靈輻安葬封墳之際親友哭拜孝子繞穴三週哭泣盡哀服喪期限遵古制居喪不茹葷酒青衣素服祭禮除死者忌辰外以元旦清明及七月十五爲期

附錄

一古蹟名勝

城西有伏生墓城南有古王台

二古物

有故城碑二座係元朝所建字跡甚清有漢瓶二均在圖書館保存

三財政特殊情形

正附各稅均按期徵解並無特殊情形

四建設特殊情形

已修築齊濟齊鄒齊青齊惠齊章各縣道長臨時豆苗文各鎮道亦已完成並有周青利濰長維汽車路各一道

五教育特殊情形

設立高級小學六處初級小學二百十五處師範講習所一處

六實業特殊情形

設有農林試驗場一處工業不發達間有婦女紡織粗布及少數編製柳桑條筐籃者又有織牛毛毯者出品甚少商業亦不甚發達礦產則無之

濟陽縣

政治

一疆域形勢

境界 本縣縣城東至齊東縣城九十里東南至章邱縣城九十里西南至歷城縣城九十五里又至齊河縣城一百廿里西北至臨邑縣城九十里又至商河縣城九十五里西至禹城縣城九十里東北至惠民縣城一百五十里

山川 境內無山南有黃河北有徒駭河

土質 大部平原惟地多沙城土質瘠薄

交通 境內黃河約長八十五里來往船隻甚多河以南及夏口鎮均臨汽車路又有電報及長途電話傳遞消息交通尙稱便利

二戶口

五萬七千四百三十戶

二十八萬四千八百九十一口

三機關

縣政府 二等縣分設五科一局公務人員計共四十二員附屬機關有商會
農會救濟院等

公安局 縣局一處分駐所二處警官警士計共一百三十五員名共有槍四
十三枝

民團 有民團一大隊官佐士兵夫計共二百四十五員名均經訓練分防保
衛地方尙稱得力

聯莊會 總會設於縣政府分會八處設於各區會員計共三百名均經抽調
訓練遇警鳴鑼爲號守望相助頗能自衛

四自治

全縣劃分八區二百十七鄉三十五鎮最大自治區五百一十方里最小自治區二百九十九方里

五行政概況

治匪 無大股土匪間有竄入零星小匪隨時緝捕地方尙稱安謐

衛生 由公安局督飭衛生隊隨時檢查並飭各商民掃除街道注意清潔防

疫消毒臨時舉行

禁毒 境內並無種植煙苗及製造毒品之事督飭公安局及各區鄉鎮公所

嚴密查禁販賣吸食者絕少

禁止蓄髮纏足 男子均已剪髮城內三十歲以下之婦女皆已放足其鄉鎮

僻壤地方間有未放者均經放足處派員檢查勸令解放城內設放足總處

各區設分處常派女檢查員赴鄉認真檢查勸導解放

救恤 城內設有救濟院一處內分施醫貸欸育嬰戒煙四所又設有紅十字

分會一處對施診施粥救護等事均著成績平民工廠亦正在籌設中

風俗

一生活狀況

職業概況 農佔多數工商次之其他又次之

主要物價 棉花每斤五角棉布每尺一角五分麪粉每斤八分穀米每斤五分稻米每斤一角二分高粱每百斤五圓煤每百斤一圓五角焦炭每百斤

三圓煤油每桶五圓一角五分

服飾習尚 衣料多用土布絲織品用者甚少婦女均以金銀釵釧爲飾物地處偏僻民性儉樸無奢靡之風

飲食嗜好 穀米高粱麪粉爲人民主要食料煙酒嗜好尙不甚盛

居室情形 大都平頂土房瓦房不多

家族制度 宗族有族長家庭有家長任何事項聽其主持卑幼極爲服從小

家庭組織實所罕見

錢幣及度量衡現狀 錢幣最通行者爲銅圓銀圓並有中央中國交通各銀行鈔票角票流通市面境內各商號發行銅圓票者爲數甚多刻在取締中
度量衡檢定分所現已設立新制即可推行

二社會習尚

交際慣例 婚喪年節互有慶弔平時亦有贈送禮物或設筵聯歡者

宗教情形 信仰佛道耶回天主等教者均有但爲數甚寡鄉愚婦女迷信風水及星相卜筮巫覡者仍復不少

農佃制度 本縣無大地主間有小康之家將田地與人佃種責令納租者租額尙屬平允

賽會 年節後有高躋玩燈等會亦有醮資演戲者

訟爭 民性樸厚訟爭甚少間有因地畝婚姻債務成訟者一經判決絕對服

從上訴者甚罕見

婚嫁情形 訂婚仍沿舊習由媒妁說合家長主持婚約依舊式無用正式婚書者聘禮以首飾綢緞布疋衣服爲主間有用金錢者選期仍用陰陽家推算迎娶由男家備花轎或車輛由新郎率同鼓樂往女家親迎結婚則新婦立新郎向上跪拜名曰拜天地成婚後新婦向翁姑及夫之兄嫂姊妹依次行禮拜識三日偕新郎同回女家拜識親屬名曰回門結婚年齡以男女十五歲至二十五歲爲多中年喪妻者多續娶夫亡無子女又無財產難以生存者即行改嫁守禮之家孀婦守節以終者亦多有之富家有女無子間有招納贅婿者多妻富家或有之多夫則絕無童養媳多因女家寒苦不得已而行之

喪葬情形 初喪家屬舉哀停尸內堂遺囑用口授兩日後入殮依禮成服服制遵古訃告用舊式喪帖弔奠行跪拜禮發引由子孫前導女眷隨送於後

親友或有擺設路祭者靈輓入壙墓前獻祭名曰封墓服喪期間悉如通例
居喪停止娛樂及婚姻衣履尙素禁用絲織品祭祀行拜跪禮宗祧繼承歸
長子遺產歸諸子平均繼承

附錄

一古蹟名勝

縣境第六區曲堤鎮有聞韶臺一處相傳係孔子聞韶處

二古物

有歐陽詢書八稜碑趙孟頫書賀公神道碑均在教育館保存

三財政特殊情形

地方財政尙足敷用如有特別用款臨時籌辦

四建設特殊情形

縣境道路修築完竣長途電話及環境電話架設完備徒駭河挑挖順通遇有

險工加派民夫修堵

五 教育特殊情形

初級小學四百十六處縣立兩級小學一處區立兩級小學六處師範講習所
一處女子小學一處

六 實業特殊情形

絲及繭綢爲大宗出產行銷濟南周村各地薰棗亦出產不少商業不甚發達
礦產無有

長清縣

政治

一疆域形勢

境界 本縣縣城東南至泰安縣城一百五十里南至肥城縣城九十里西南至平陰縣城九十里西至茌平縣城一百十里北至禹城縣城一百六十里東北至歷城縣城七十里又至齊河縣城四十五里

山川 東南多山西北多河

土質 縣境年年患水高阜地畝尙有收成窪地則秋禾被災總計膏腴少而瘠土多

交通 縣境有津浦路線並有汽車路且有黃河船隻電報及長途電話均經安設交通稱便

二戶口

八萬七千八百二十五戶

四十萬零五千四百六十五口

三機關

縣政府 一等縣分設五科一局公務人員計共六十一員附屬機關有度量

衡檢定所合作社指導所

公安局 縣局一處分駐所一處派出所一處警官警士計共一百十六員名

共有馬步槍及手槍五十六枝

民團 有民團一大隊官佐士兵夫計共四百員名均經訓練分防保衛地方頗稱得力

聯莊會 總會以下設十分會縣長爲總會長各區長爲分會長每會會員自一千數百名至數千名不一遇匪警鳴鑼爲號一齊出動協剿地方賴以

安定

四自治

全縣劃分十區一百八十四鄉三十一鎮區公所均已成立各鄉鎮闈鄰長亦已訓練畢業宣誓就職按照自治施行法切實進行

五行政概況

治匪 轄境無土匪尙稱平靜

衛生 由公安局負責督飭警察協同民夫掃除街道污穢並檢查不潔之食品施種牛痘各藥房亦儲有衛生藥品

禁毒 縣府暨公安局嚴厲查禁轄境無烟苗偶有私販私吸者一經捕獲依法訊辦

禁止蓄髮纏足 蓄髮已禁絕縣城設有放足會時常派人下鄉調查并令各區公所協助查禁

救恤 縣城設有平民工廠一處收容貧民習藝以資生活如遇饑荒疫癘水火盜賊等災均係臨時救濟積穀貸款等亦已次第推行

風俗

一生活狀況

職業概況 農居十之七八工商不過十之二三皆墨守舊法迄無改進

主要物價 農產食糧爲地方貿易之主要物價值漲落每隨豐歉爲轉移近五年來如米麥類每百斤量高不過京錢八千最低不下四千平價則在五、六千之間但遇水災或旱災有漲至十數千者乃爲例外

服飾習尚 大部農民多以藍色粗布爲衣用絲織品及洋布者無多遇有婚喪慶弔則多著常禮服時髦裝束概不多見

飲食嗜好 中產以下之家率多粗糲自甘其脫粟爲飯齋鹽佐餐者卽稱精食食料以紅梁小米爲大宗麥菽次之酒肉則非宴友不用所嗜五味偏於

酸鹹嗜辛辣者甚少

居室情形 普通民居多係草房以土爲牆以茅茨覆之蓬戶竇窗甚形湫溢空氣光綫既感不充風火成災延燒堪虞間有磚瓦築成稍見宏敞者亦多依舊式於衛生建築仍多不合惟家庭尊幼男女之間多隔別居住於風俗秩序尙無窒碍

家族制度 居民所稱羨者爲大家族制恒以五世同居爲榮實則一家之中每因人事不齊或生活關係不再傳而析居然多係兄弟分居長幼析居者絕少他如族乘以誌支派同姓不結婚姻等亦族制之可取者

錢幣及度量衡現狀 市面通行者以銀圓爲主銅元輔之私出紙幣概行查

禁金融尙稱活動度量衡舊時甚爲紊亂有所謂木經尺近於工部尺而弱裁衣尺近於

木經尺爲裁衣尺白布尺爲裁衣尺量有所謂關斗市斗市斗又有九五五十之別計升之單位各以十進衡有所謂

濟秤庫秤漕秤市秤又有行稱街市稱街市稱又有三斤四兩三斤六兩三斤半之異係以前制錢爲準例如錢一貫衡之三斤四兩

者即呼爲三斤四兩稱 蕪雜紛紜詐僞百出現有檢定之令新法即可推行

二 社會習尙

交際慣例 歲時節序婚喪慶弔親族戚友之間禮尙往來視爲常例此外則短於社交

宗教情形 人民多崇儒教信奉天主耶穌者甚少奉持佛教者從前有靈巖寺僧頗稱繁盛今則稍衰此外尙有回教一部散居各村除回漢不能聯姻外餘皆同化於漢族迷信之風則以婦女爲多一時尙難開化

農佃制度 縣境絕少大地主田歸自種者居多其有田無人有人而不諳農作者始佃人承種大概辦法分爲兩種一則工力糞力籽種等概歸承佃人擔負而地主祇以所有地畝爲生產資本一應收穫折半平分俗謂掃地出門佃例一則承佃人祇出人力如耕種鋤刈運治等工歸其負擔凡應用有價物質之供給如土地牲力糞肥農具等概歸地主籽種則出官堆（從俗

稱卽未分以前之公堆先提儲籽種而後分之）所穫果實秋收以三分之一歸地主三之一歸佃戶麥收則佃戶十分抽一所餘九分歸地主（緣麥無鋤工不勞而穫且起麥仍種秋禾籽粒每年可再得也）而柴草以抵牲畜飼養料俗謂三堆份子佃例至於承佃形式有用口頭契約者有用書面契約者俗謂合同但均有居間人保證

賽會 迎神賽會其風漸息俗有舊立買賣會者多在春月行之日期地點均有一定商賈輻輳貨品羅陳不失爲工商賽會與集市並重

訟爭 縣境人民素鮮法律知識率多謬於己見利害不明輒因家庭勃谿錢物細故以口角而致爭以小忿而涉訟中正干連動以十數近因自治改進試行調解或可減少訟爭但調解委員之人選亦關重要耳

婚嫁情形 訂婚多以媒妁之言父母之命行之男女相悅自由結婚者絕無婚約用全紅柬帖只書男女年庚餘則闕如由雙方家長署名用正式婚書

者絕少聘禮用簪珥幣帛茶食酒肉之類豐儉隨宜用金錢者間或有之選期按千支推算不敢改易迎娶儀式有親迎不親迎之分奠雁改用家禽結婚儀式則由男家設案於中庭備陳香燭上供天地紙夫婦交拜送新婦入洞房行合巹禮翌日新婦拜舅姑及壻家親眷三日歸寧結婚年齡以十六七歲爲多殷實之家有以十二三歲之幼童與二十左右之女子結婚者此種陋俗實宜禁止續娶手續與初娶同孀婦改嫁多因貧而無子秉禮之家則多守節以終其身贅夫間或有之多夫則絕無多妻或有惟甚少童養媳多因女家貧寒而無生活之資始由男家收而養之

喪葬情形 人將亡先爲招魂趁屍體未寒爲之沐浴更衣以備殮子女默哀而不能號泣潰囑多口授近亦有用書面者繼承先儘同父周親次及其他昭穆相當之人再次則求之遠族入殮手續貧家多當日爲之中產以上之家有三日大殮而翌朝成服之習殮畢合家舉哀成服熬滄古制弔奠用跪

拜禮發引用儀仗前導喪主擊瓦缶扶輿就道至葬所先拜奠後下壙安葬
覆土巡視三匝而返居喪及祭祀禮節概以古制

附錄

一古蹟名勝

長清名勝以靈巖山爲多如甘露泉朗公石鐵袈裟巢鶴岩摩頂松雨花巖黃
茅崗等處古今來名人遊覽多有紀述

二古物

城內有磚塔八層有中興三藏聖教序神寶寺靈巖寺朱濟道遊靈巖寺詩等
碑碣共一百數十種縣政府有劉墉所書心經碑

三財政特殊情形

財政以丁漕爲大宗國稅之外有地方附捐遇災歉之年或減成或緩征地方
財政卽有竭蹶之虞

四建設特殊情形

縣境汽車路修築平坦現已接修村道又城鎮電話線已架設完竣現又挑浚趙牛河担杖河

五教育特殊情形

縣立初中一處高小十二處初小五百三十九處教育情形頗發展

六實業特殊情形

農田在西北境者濱臨黃河年年患水災歉頻仍境內農產品六穀惟缺稻小麥爲大宗大麥最少秋收以小穀紅梁爲主豆類次之黍稷又次之工商業不發達礦產無有

博興縣

政治

一 疆域形勢

境界 本縣縣城東至廣饒縣城六十里東南至臨淄縣城九十里西南至桓臺縣城七十里西至高苑縣城三十里北至蒲台縣城六十里又至利津縣城一百三十里

山川 全縣平原並無山脈祇有小清河由縣經過直流東北

土質 全縣多屬瘠地故民間多數窮困

交通 縣境有張博濟照各汽車路交通尙稱便利縣城至各區均係旱道僅恃驛馬通行

二 戶口

四萬八千三百六十三戶

二十五萬四千二百三十八口

三機關

縣政府 三等縣分設五科一局公務人員計共四十六員附屬機關有合作社指導所

公安局 縣局一處警官警士計共五十一員名有步槍三十三枝馬槍七枝
手槍四枝

民團 有民團一大隊官佐士兵夫計共六十員名均先訓練後分防捍衛地方尙稱得力

聯莊會 設總會於縣政府由縣長兼任總會長設七分會於各區由區長兼任分會長會員共計二百名業經抽調訓練遇警鳴鑼爲號聯絡保衛

四自治

全縣劃分七區一百九十四鄉三十九鎮最大自治區三百七十方里最小自區三百二十方里

五行政概況

治匪 縣境大致平靖團警以及聯莊會對匪盜不時密查即有小股匪警發
現立時勦滅故境內尙稱安謐

衛生 縣內未設衛生局由公安局負責清潔並對民衆極力宣傳衛生要旨
禁毒 由縣政府督飭嚴禁吸食毒品鴉片以及運種者現已漸少

禁止蓄髮纏足 蓄髮之男子已不多見纏足婦女城鎮已解放淨盡惟僻壤
鄉村不免沿守舊習一時尙難打破正在督飭解放中

救恤 縣有賑務分會一處附設貸濟處施行貸款以濟貧民並有平民工廠
一處

風俗

一 生活狀況

職業概況 全縣男耕女織工商業不過佔十分之一二

主要物價 以棉花糧食耕牛爲主要棉花每斤一角上下高粱穀豆每斤在

四分上下耕牛在四十圓至百六十圓之間

服飾習尚 民俗儉樸多衣粗布洋線布偶遇慶祝交際男子則長袍馬褂女

子則錦衣繡裙而貧者不能相提並論矣

飲食嗜好 粗糧蔬菜爲普通食物至於奢侈品惟富家兼有用之者

居室情形 居室多平房至瓦房十不一二緣近海沙土多瓦草房不抗風沙

故多建平房

家族制度 縣俗多以同居爲尙故大家庭多一族之中有族長凡族中興利

除弊之權由族長操之

錢幣及度量衡現狀 以銀圓銅圓爲主錢帖鈔票市面不甚流通秤爲二十

四兩斗爲十八箇五現改用市定新制舊器盡行廢除

二社會習尙

交際習慣 喜慶喪弔取緩濟急親朋往來多以酒食招待

宗教情形 奉孔教者佔十分之八信仰天主耶穌教者亦間有之然無教堂
釋教亦有信奉者但爲數甚少

農佃制度 本縣皆自耕農無大地主間有地多人少不敷耕種者亦不過覓
短工補助究與佃農不同

賽會 演劇酬神間或有之無其他賽會

訟爭 縣民性多馴良間有因事爭執者多以調解罷爭成訟者十不一二

婚嫁情形 男女雙方先通媒妁同意後再具柬帖繼定婚書以資信守迎娶
仍用舊制男須親迎彩轎兩乘親迎歸來同至天地桌前行合拜禮既昏方
行合巹禮成婚越三日夫婦合拜祖先是日新婦歸寧俗稱回門結婚年齡

普通在十五歲至十八歲之間早婚百不一二續娶改嫁亦有之然贅夫則無此習慣

喪葬情形 亡者多不預書遺囑因莊民識字者少對遺囑用書面者百不一二普通以口頭托後事繼承分兩種一曰宗祧一曰財產宗祧取嫡長主義財產繼承取諸子均分主義既死爲子女者親視含殮哭泣盡哀喪服悉遵古禮各有等差訃告相沿仍用舊式弔奠行四起八拜禮刻漸改用新禮普通脫帽三鞠躬發引儀式貧富不等繁簡有別大都親友執紼孝子引柩赴塋墓居喪者衣斬衰百日不剪髮三年不參加娛樂及一切喜慶事至於廬墓禮節今則絕迹不見矣

附錄

一 古物

縣城東南有魏造像四面碑城東北有龍華寺碑

二 財政特殊情形

地方附捐雜款收支相較不敷甚鉅

三 建設特殊情形

縣境台羊汽車路修築完整並修築縣鎮村道架設縣有長途電話

四 教育特殊情形

教育因限經費故不甚普及

五 實業特殊情形

棉花高粱穀子豆麥爲大宗玉蜀黍花生豌豆芝麻次之製造品有豆油豆餅
醬油香油草帽辮荆條筐等品礦產無

高苑縣

政治

一 疆域形勢

境界 本縣縣城東至博興縣城三十里南至桓台縣城三十里西南至鄒平縣城一百三十里西北至青城縣城五十里北至蒲台縣城七十里又至濰縣縣城九十里

山川 縣境均係平原距城南三里有小清河橫貫南境爲桓台河之下游
土質 地多沙城不宜井水灌溉全恃天然雨量

交通 小清河船隻往還運輸甚便陸運或由周村轉膠濟路或由汽車路轉
運北及東西縣道亦已完成

二 戶口

一萬五千五百九十五戶

七萬一千三百十三口

三機關

縣政府 三等縣分設五科一局公務人員計共四十五員附屬機關有合作社指道所縣有電話事務所

公安局 縣局一處警官警士計共五十一員名有馬步槍十五枝

民團 有民團一大隊官佐士兵夫計共六十員名招募後均經訓練然後分防捍衛地方尙稱得力

聯莊會 設總會於縣署全縣成立四分會所有會員由各區長助理員并民團班長負責每次抽調五十名輪流訓練除弱者外以各個調訓爲終止縣長并定於星期二五親赴各訓練所精神講話

四自治

全縣共分四區八十八鄉一鎮閭鄰均已編成公所及監察委員會亦皆成立
各區長鄉鎮長均經依法訓練閭鄰長尙未訓練省縣各道大致修齊清查戶
口編訂門牌亦切實施行

五行政概況

治匪 境內安謐並無盜匪發現

衛生 由縣政府督飭公安局及各區鄉鎮長注意清潔清除污穢切實進行

禁毒 境內中產以下之家向依農業爲生收入甚微貧者出外謀生閒人甚

少毒品尙不盛行並由公安局嚴行查禁不難根株淨盡

禁止蓄髮纏足 關於蓄髮纏足業經組織查禁委員會分期勸導嚴厲查禁
救恤 因財政困難尙無救恤組織現正籌辦平民工廠不久即可成立

風俗

一生活狀況

職業概況 大部務農以工商爲業者甚少

主要物價 以麥爲主要物每斗重六十斤價四元五角左右

服飾習尙 俗尙儉樸多以粗布爲衣

飲食嗜好 以組糧爲食料蔬菜佐之飲酒食肉者絕少

居室情形 土屋爲多瓦房絕少父子男女隔別居之

錢幣及度量衡現狀 紙幣及銅圓通用度量衡實行新制

二社會習尙

交際慣例 交際尙虛文以酒食酬酢爲慣例

宗教情形 崇奉儒教信仰釋道耶回者甚寡惟鄉民迷信甚深對於土偶木

像多頂禮膜拜一時難以破除

農佃制度 佃戶地主穫糧平分

賽會 酬神演劇間或有之

訟爭 風俗澆薄民多好訟

婚嫁情形 訂婚由媒妁介紹家長主之婚約用舊式紅柬聘禮用首飾布疋等物迎娶結婚均用舊式成婚三日新婦行拜見翁姑禮結婚年齡男女均在十五歲左右婦亡則續娶夫亡一年後改嫁贅夫男從女姓多夫多妻及童養媳均無此習慣

喪葬情形 始喪於門前帖白紙并懸紙旛遺囑用口授繼承歸長子入殮手續將屍入棺後再以銅錢繫綫爲銜口內然後蓋棺靈前設祭祭畢成服喪服悉遵古制訃告用喪帖弔奠用楮帛或祭品發引由親友前導孝子執旛至葬地臨穴哭奠人壙掩埋居喪期間免除娛樂不問外事祭祀行跪拜禮

附錄

一 古蹟名勝

有靈台 衛靈公魯仲連古墓 二靈侯墓 滾龍橋

二 財政特殊情形

地方財政每遇災歉收入減少不敷開支即實行緊縮以資彌補

三 建設特殊情形

縣鎮各路周高汽車路均已完成縣有長途電話及支線亦架設完竣小清河並已試辦機器灌溉

四 教育特殊情形

縣境地瘠民貧故教育不甚發達

五 實業特殊情形

農業因鑿井難灌溉不利難以發展已設有農事試驗場以資提倡工商業不發達礦產無有

博山縣

政治

一 疆域形勢

境界 本縣縣城東至臨朐縣城一百八十里東南至沂水縣城二百八十里南至蒙陰縣城二百四十里西南至萊蕪縣城一百十里西北至章邱縣城一百四十里北至淄川縣城四十五里東北至益都縣城一百八十里

山川 縣境以內無河流山地居多

土質 全縣土地礮瘠並無快田

交通 對外交通有張博汽車路線縣境以內羣山羅列道路崎嶇除一部用小車運輸外餘均用驢馬馱載頗感不便

二 戶口

四萬三千零四十九戶

二十一萬零三百零八口

三機關

縣政府 二等縣分設五科一局公務人員計共五十員附屬機關有合作社
指導所

公安局 縣局一處分駐所一處警官警士計共九十二員名有雜槍五十七
枝

民團 有民團一大隊官佐士兵夫計共二百四十五員名均先訓練後分防
捍衛地方頗稱得力

聯莊會 總會設於縣城各區設有分會由縣長兼總會長區長兼分會會長會
員防匪均極認真

四自治

全縣共分七區一百零九鄉二十七鎮各區公所早經成立鄉長亦已選出積極訓練以樹自治基礎並嚴行整理聯莊會以期人民自衛

五行政概況

治匪 縣境以內無大股土匪惟臨胸益都交界之處時有零星小匪出沒其間

衛生 逐日督飭衛生警掃除街道注意清潔

禁毒 飭警嚴密查禁販賣吸食者絕少

禁止蓄髮纏足 設有剪髮放足委員會隨時派員出發檢查以專責成蓄髮者概已絕跡纏足者幼女多已解放惟成年人者尙未盡放正竭力勸導中

救恤 設有救濟院專以救濟孤貧難民並設平民工廠以資救濟紅卅字分會及施醫院已成立數年

風俗

一 生活狀況

職業概況 縣境山多地少半數業農次業工再次業商

主要物價 小米每百斤四五圓燒炭每百斤四五角

服飾習尚 俗尚樸質鄉民多衣土布城市則多洋布

飲食嗜好 大部鄉民以小米爲主要食糧米麪魚肉等類惟資產階級多食

之

居室情形 茅屋居多瓦屋次之半爲石壁

家族制度 舊式家庭無制度可言父子兄弟析居

錢幣及度量衡現狀 紙幣盛行銅圓副之度量衡改用新制

二 社會習尚

交際慣例 重契約守信義

宗教情形 儒居多佛道耶回不盛行

農佃制度 並無大地主佃戶與地主融洽穫糧大半均分之

賽會 農暇之時或有酬神演劇者

訟爭 民性崛強訟爭時有

婚嫁情形 訂婚憑媒證婚約依舊式聘禮用金銀首飾綢緞布疋選期依曆

書迎娶用花轎男不親迎結婚儀式沿舊習用新式者間或有之結婚年齡

以男二十歲女十八九歲居多早婚亦復不少續娶改嫁者頗盛行贅夫甚

少多妻屬富家多夫屬貧家童養媳間亦有之

喪葬情形 始喪合家哀慟遺囑無定式只以田產家私告語家人繼承歸直

屬血親入殮手續有大殮小殮之稱未封棺蓋爲小殮棺蓋封固爲大殮成

服及喪服差等均遵古禮訃告用舊式訃文哀啓等類博俗又有告葬帖及

喪牌形式弔奠者靈前叩拜孝子跪謝發行告遷禮並用旌表旂幡傘蓋

間以紙人馬鼓樂僧道前行安葬儀式孝子及近服人謁墓跪拜俯伏舉哀

合土封墓居喪不茹葷酒閉門守禮祭祀則於死者忌日及春秋祭日行之

附錄

一古蹟名勝

古長城由萊蕪入境隨山起伏蜿蜒東趨入臨朐界境內團嵐嶺峨嵋岳陽諸山均有遺址縣東五十五里爲古萊蕪故城東漢范冉爲萊蕪長即此地今尙有城牆舊址又有怡園永濟橋范公祠等古蹟

二外僑

城市及八斗鎮等地方約有日僑百餘名

三財政特殊情形

地方財政入不敷出常感困難

四建設特殊情形

開鑿新井深入二十尺不見水（在良莊苗圃）

五教育特殊情形

教育經費收入不定

六實業特殊情形

農產品以穀子高粱爲大宗關於苗圃造林水利困難製造品有玻璃瓷器及其他陶器商業尙稱發達煤礦產量頗豐惟關於銷路運輸困難

泰安縣

政治

一疆域形勢

境界 本縣縣城東至萊蕪縣城一百十里東南至新泰縣城一百六十里又至費縣縣城三百六十里南至泗水縣城一百六十里西南至寧陽縣城一百三十里西南至沙上縣城一百八十里又至東平縣城一百八十里西至肥城縣城九十里北至歷城縣城一百八十里西北至長清縣城一百五十里

山川 縣境山嶺連綿河流交錯最大之山曰泰山其次徂徠山最大之河爲汶河各河流皆匯注之

土質 東南多山土地瘠薄西南平曠土壤肥厚

交通 津浦鐵路直貫南北汽車路有博東泰寧濟韓泰肥泰新泰放等路長途電話省線有泰濟線縣線有泰放泰范泰花泰魚泰變等線電報亦四通八達交通頗稱便利

二戶口

十五萬六千九百四十七戶

九十萬零四千五百八十五口

三機關

縣政府 一等縣分設五科一局公務人員計共五十二員附屬機關有合作社指導所平民工敝

公安局 縣局一處分駐所一處警官警士計共一百零五員名共有雜槍五十九枝

民團 有民團一大隊官佐士兵夫計共一百二十一員名均係先訓練後分

防

聯莊會 總會設於縣城全縣設十分會由縣長兼總會長區長兼分會長各鄉長兼甲長縣長時常下鄉整頓並規定各種聯防會哨傳信號令甚爲整齊遇警協剿頗爲得利

四自治

全縣劃分十區各區公所均已成立鄉鎮閭鄰正在劃分

五行政概況

治匪 并無大股杆匪其零星小匪由民團聯莊會隨時隨地剿獲送案法辦
轄境尙稱安謐

衛生 居民對於衛生尙知講求如春季種痘夏季防疫及清除污穢掃除街道等項均隨時曉諭人民樂從結果頗佳

禁毒 隨時嚴查犯者日少

禁止蓄髮纏足 蓄髮者經嚴禁後街市已絕跡惟放足一項雖經剴切勸導

因無放足會組織故生效較遲

救恤 有普濟堂收養癯獨平民工廠收容貧民作工以資救恤

風俗

一 生活狀況

職業概況 全境人民大率以農爲本務農者佔全縣人丁百分之八十工業佔百分之十經商者佔百分之五政學及其他各界佔百分之五全縣識字人口約有百分之四十民國以來連年征戰棄農當兵者逐漸加多軍人亦約佔人丁百分之五近年水旱盜賊閭里爲空農民經濟殊感困難

主要物價 主要物產爲大小麥穀黍高粱玉蜀黍黃黑綠豆及花生等大小麥每百斤約四元穀黍高粱每百斤約三元玉蜀黍每百斤約三元二角黃黑豆每百斤約三元綠豆每百斤約四元花生每百斤約四元

服飾習尚 衣料多用布男子遇有慶弔則著常禮服婦女則有著裙或長衫

者并以金銀爲首飾

飲食嗜好 普通食品以高粱小米或玉蜀黍磨麪作或煎餅或蒸饅而以蔬
菜佐之并喜食辛辣之物中產以上之家多有嗜茶酒者

居室情形 長幼有序男女有別翁媳不同住一室不同桌食飯夫兄及弟婦
不輕交言

家族制度 祖孫父子兄弟同居以最尊者爲家長一切家政均主之卑幼不
得自營私產家庭失和則析居另成家庭各謀生活

錢幣及度量衡現狀 市面錢幣以銀圓爲準銅圓輔之紙幣有中央中國交
通中南實業各銀行鈔票銅圓以當二十文者通用現狀尙佳度量衡正在
實施檢查中

二 社會習尙

交際慣例 鄉民對於交際頗少每屆年節或有弔慶之時不過彼此親友互

相拜謁及送迎餽遺而已

宗教情形 居民多崇儒教至於耶穌天主亦間有信者釋道兩教僅寺院僧道信之惟泰山爲五嶽之尊每至春季朝山進香及赴廟祈福者日不絕跡此外則四月八日婦女赴泰山頂六月初一日赴紅門宮九月九日赴眼光殿等會燒香者肩摩轂擊幾無容足之地然藉此遊玩者亦多有之

農佃制度 地主與佃戶頗能融洽年產糧食平均分之

賽會 酬神演劇間或有之

訟爭 人民性情怯弱訟爭尙少但自地方法院設立後外縣來此上訴者頗多而地痞流氓藉端敲詐因延訟受累者亦時所恒有

婚嫁情形 訂婚辦法由媒妁說合家長主持雙方同意交換柬帖無用正式婚書者聘禮用首飾衣料等物迎娶用親迎結婚拜天地結婚年齡男女均在二十左右續娶及改嫁均有之但禮節較初婚爲簡贅夫習慣絕無多妻

富家有之多夫則無此惡俗童養媳多出自貧家

喪葬情形 人初死覆以紙被停屍中堂二日入殮遵禮成服訃告用舊式喪帖弔奠送紙帛或現金行叩首禮發行禱道起靈禮孝子碎缶哭踊至葬所祭後入壙掩土封墓居喪不茹葷酒祭祀於忌日或年節清明行之

附錄

一古蹟名勝

有岱廟聖墓孔子小天下處奉高城柴縣城奉祀壇距縣城故城明堂故址投

書澗

二古物

有泰山刻石殘字經石峪白馬寺碑摩崖碑五大夫松漢柏唐槐溫涼玉及明清瓷器等不下數百件其保存法組有中山市場保管委員會

三外僑

有英德美國人在境內傳教并有附設醫院學校等事

四財政特殊情形

錢糧槽米均係年清年款並無民欠亦無災緩

五建設特殊情形

修省縣道總長一千六百四十里省縣電話總長六百三十里新井眼數目爲五百十五眼

六教育特殊情形

全縣已成立小學校六百餘處

七實業特殊情形

農產品以大小麥高粱玉蜀黍豆類爲大宗工業除仁德麵粉公司規模較大外餘則小本紡織而已商業不甚發達東南鄉沈于村地方有華寶煤礦公司一處創辦有年出煤甚佳但偏僻之地并無鐵路運輸甚爲困難

新泰縣

政治

一 疆域形勢

境界 本縣縣城東至蒙陰縣城六十里西南至泗水縣城一百三十里西北

至泰安縣城一百六十里東北至萊蕪縣城九十里

山川 縣境山嶺重疊沙河縱橫平原之地較少

土質 磽瘠之地居多肥沃之地甚少

交通 奉臨汽車路暨鎮內各鎮道均已修築完竣村道及橋梁涵洞亦次第

興修行旅稍覺便利惟運輸仍極困難

二 戶口

四萬三千一百八十六戶

二十二萬七千三百一十七口

三機關

縣政府 三等縣分設五科一局公務人員計共四十二員附屬機關有度量衡檢定所合作社指導所

公安局 縣局一處警官警士計共五十一員名有槍十種計五十九枝並有迫擊砲一門

民團 有民團一大隊官佐士兵夫計共七十九員名均先訓練後分防
聯莊會 總會以下設七分會於各區由縣長兼總會會長區長兼分會長鄉長或鎮長兼甲長所有會員防匪頗能認真

四自治

全縣共分七區一百二十二鄉十九鎮最大自治區五百二十方里最小自治區四百四十方里

五行政概況

治匪 境內並無股匪惟零星小匪時或有之隨時緝捕不至爲患

衛生 由公安局負責清潔道路掃除污穢以及飯店屠宰場所均令務求清潔藉免病菌之傳染並分區設立施種牛痘處俾免天花之害

禁毒 迭次令飭各區長公安局長嚴密查禁並無種植烟苗情事吸售各犯亦日見減少

禁止蓄髮纏足 男子蓄髮者已不多見間或有之皆係年齡較高者已由公安局派警隨時勸令剪除惟女子纏足流毒已深迭經布告勸導城關婦女多已解放而鄉區仍多觀望現正分區成立放足委員會以期積極剪除而祛陋習

救恤 設有賑務分會一處辦理救災事宜平民工廠亦在籌辦間

風俗

一生活狀況

職業概況 以務農爲業者約佔十分八九以工商學等爲業者約佔十分之

一一一

主要物價 以高粱穀子麥子花生蚕絲爲大宗高粱每百斤價洋三圓五角

穀子每百斤二圓五角麥子每百斤四圓花生每百斤四圓蚕絲每兩三角

五分草帽瓣每斤二角

服飾習尙 男女衣服多用青藍色布料爲之形式古樸間有趨時裝者僅學

商兩界其餘並無多見

飲食嗜好 通常以高粱穀子合治之煎餅爲食物亦有以麥麵饅首爲食者

其數甚鮮嗜好品多以煙酒爲大宗

居室情形 草房居多瓦房甚少形式多依舊制對於衛生多不相宜

家族制度 各家有家長家長以下均稱家屬五族以外稱同族如本族有事

即以閭族名義商議解決

錢幣及度量衡現狀 市面概用銀幣間有用中交兩行及省庫券等紙幣者零星交易則用銅圓度量衡城鎮已改用新制鄉間正在設法普及

二 社會習尚

交際慣例 遇有賓客拜訪則起立寒暄款以煙茶或以酒食酬酢如親友有婚喪則互通慶弔並以財物爲禮

宗教情形 人民多尊儒教至釋道天主耶穌等教信者無多並有少數回民惟民教相安並無隔閡

農佃制度 農產收穫地主與佃戶平分

賽會 年節有燈會農暇或演劇酬神以祈福無其他賽會

訟爭 民性和平尙無健訟之風

婚嫁情形 憑媒撮合家長作主八字相合雙方同意即可訂婚婚書皆用舊

式紅柬無用新式婚書者聘禮用首飾紅綢書籍筆墨等物選期新照曆廢曆合用迎娶用鼓樂花轎結婚拜天地行合巹禮結婚年齡在二十歲上下

喪葬情形 父母之喪停靈於堂承重者在庭中呼其親向西南大路走其子孫均跣足素服提哀杖赴土地祠送湯水三次或五次不等俗謂之潑湯並請陰陽生畫符以鎮懾之富裕之家三日殯葬貧窮之戶隨時殯葬墳穴有用石或磚砌成亦有用土壙者皆稱家之有無而定之

附錄

一名勝古蹟

姜太公釣魚台漢武帝離宮武帝望仙台故址高堂生故居竹溪六逸飲酒台宋殿中丞敬復故居魯周公廟齊魯二侯廟高堂生祠晉鉅平侯羊祜祠魯公伯禽夫人墓晉師曠墓齊鮑叔牙墓高堂生墓平陽羊氏八塚宋學士龔士墓

金定遠大將軍張祐墓知州徐琛墓徐氏孝女墓

二古物

有畫像碑晉任城太守夫人孫氏碑佛寺銘

三財政特殊情形

地方財政因舊時虧欠甚鉅彌補極爲困難

四建設特殊情形

長途電話通泰安萊蕪蒙陰路線以及縣境各鄉區均已架設完竣省縣鄉鎮各道路亦已修治造林育苗等成績均尙可觀

五教育特殊情形

已設師範講習所一處縣立高級小學三處初級小學二百餘處附設夜班學校一百一十餘處

六實業特殊情形

豐年產糧尙敷應用特別出品有蠶絲工商業不發達礦產無

萊蕪縣

政治

一 疆域形勢

境界 本縣縣城東南至新泰縣城九十里又至蒙陰縣城一百五十里西至泰安縣城一百十里北至章邱縣城一百六十五里東北至博山縣城一百十里

山川 境內平原甚少山河頗多著名河道有經汶牟汶羸汶淄水等土質 境內土地礫瘠者多肥沃者不及半數

交通 距火車路線甚遠交通不便

二 戶口

七萬六千八百四十三戶

四十萬零三千四百四十八口

三機關

縣政府 三等縣分設五科一局公務人員計共三十四員附屬機關有合作社指導所度量衡檢定所

公安局 縣局一處警官警士計共四十三員名槍分五種共五十二枝

民團 有民團一大隊團丁計共二十三名照原編制缺額尙多

聯莊會 總會以下設立分會十處由縣長兼總會長區長兼分會長並輪調會員常川駐會以資訓練除臨時防禦匪患外並負保護森林看守田禾之責

四自治

全境劃分十區二百五十四鄉三十鎮區公所早經成立鄉鎮長均經訓練闔鄉長亦已選定自治事宜竭力進行

五行政概況

治匪 轄境並無股匪尙稱安謐

衛生 督飭公安局逐日派清道夫沿街打掃並設垃圾箱及公共廁所

禁毒 除督飭公安局嚴屬查禁外並派委員分飭各鄉偵查責成各區鄉鎮

長隨時報告依法辦理

禁止蓄髮纏足 男子蓄髮已不多見城內設有放足總會各區亦逐漸設立

分會女子自十六歲以下多半放足

救恤 設有賑務分會救濟院紅卍字會及施醫院專司救恤事宜平民工廠

亦正在設備間

風俗

一 生活狀況

職業概況 全縣人民多以農爲業自耕農佔十分之八九半耕農佔十分之

一二畜豬織布爲農家之副業商業多係小本經營工業全屬手工業

主要物價 米麥高粱豆子及薑麻花生米爲主要物產麥價每百斤在五圓上下小米每百斤在四圓九角上下大豆每斤在四圓二角上下薑每百斤在三圓左右麻每百斤在二圓八角左右花生米每百斤在四圓上下

服飾習尙 農民均服藍色棉布短衣普通長衫卽爲農民之禮服夏季箬笠冬季毡帽女子服裝其質料與男子同均服短衣頭戴簪環戴帽者甚少

飲食嗜好 小米高粱煎餅爲普通食物間用麵食又多嗜飲麥酒猪肉蔬菜爲佐膳之物資產階級遇有酬應間有用海味者

居室情形 農民居室多係石基土牆覆以麥草其麥草爲自己生產石塊由附近山嶺鑿取瓦房甚少

家族制度 一族中公推年高有德者一人或二人掌管全族祭祀及公產等事項一家中以最長血親爲家長總理全家事務卑屬對於家長絕對服從

錢幣及度量衡現狀 錢幣實行銀本位通用者爲銀圓及鈔票以銅圓角票爲輔幣度量衡自檢定分所設立後已完全改用新制

二社會習尚

交際慣例 遇年節對於往來之家則互相拜賀或宴請亦有餽送禮物者親友遇婚喪互有慶弔皆慣例也

宗教情形 轄境以內有耶穌教堂三處天主教堂一處信者不多至於寺廟雖有僧道但均藉以謀生非眞信仰迷信之事如星相卜筮祈禱等以前頗盛行現已逐件減少

農佃制度 本縣除自耕農半耕農外間有佃農年產之糧佃戶與地主平均分配或預先言定每年租金若干佃戶對於業主並無其他義務附產物均歸佃戶田賦由業主負擔業主及佃戶地位完全平等自由出租自由退租雙方並不受若何限制

賽會 天旱祈雨後酬神演劇建醮乃爲向例并有大寺院每年設有例會

演唱戲劇附近民衆率多前往燒香禮拜以祈神佑

訟爭 民性強悍遇事輒起訟爭往往經年不休自調解委員會成立後較前

減少

婚嫁情形 媒妁介紹父母主婚雙方同意互換柬帖而婚約以成無用正式

婚書者普通聘禮以首飾衣服等物爲主用金錢者甚少娶親行親迎禮結

婚拜天地新婦入門須盤腿穩坐謂之坐褥床三日始下床拜翁姑及族墓

六日或八日回母家謂之回門結婚年齡以男女十五六歲以上二十歲以

下者居多惟多半女長於男妻死再娶其儀式與初婚同夫死改嫁人多恥

之有之亦須經過夫死一年後方可多妻及贅夫之事均少多夫惡習無之

童養媳貧家或有之

喪葬情形 始喪合家舉哀停屍於堂設祭招魂誦經超度繼承歸直系卑親

屬但有時雖有直系卑親屬而以旁系卑親屬爲繼承人者謂之愛嗣其本人已去世得由直系親屬之長輩代爲議定繼承人繼承人之權利義務與親生子同入殮成服均遵古禮訃告用舊式喪帖弔奠行三跪九叩禮發引由孝子執旛前導五服之人男在靈前女在靈後親友亦恭送如儀至葬所禮拜後入壙掩埋服喪期間三年以次各有差等均按服制祭祀之期於安葬後三日喪主及諸子同往祭掃謂之圓墳三十五天後致祭一次謂之五七百日再祭一次此後每年遇節令或忌日祭祀一次

附錄

一古蹟名勝

嬴故城在今縣城西北四十里城子莊縣北二十五里有孔子觀禮處碑一座長城遺址在縣北邊境西起泰安東至博山爲齊宣王築以禦楚者

二財政特殊情形

於民十六因軍隊過境招待浩繁經十區會議發行地方公債十二萬元除一期業已償還外尙餘二三兩期七萬餘元未償還

三建設特殊情形

縣境砂河縱橫每遇山洪暴發輒氾濫成災年來由縣政府督飭各區民夫築堤預防以期減免水患

四教育特殊情形

鄉村私立學校頗多合計全縣已有學校四百餘處

五實業特殊情形

農產物豐收之年尙可敷用工商業均不發達南部煤礦產量僅供本縣之用

肥城縣

政治

一 疆域形勢

境界 本縣縣城東至泰安縣城九十里西南至東平縣城一百三十里西至平陰縣城七十里北至長清縣城九十里

山川 縣境四周皆山總計平原居多河流除黃河外餘無可稱

土質 土地以山脈蔓延大半瘠薄

交通 境內有汽車道西由長清可至濟南東至泰安其他鄉鎮各道亦已修成交通尙便

二 戶口

六萬五千七百九十三戶

三十二萬七千三百八十八口

三機關

縣政府 三等縣分設五科一局公務人員計共三十六員附屬機關有度量衡檢定所合作社指導所

公安局 縣局一處警官警士計共五十一員名共有雜槍五十四枝

民團 有民團一大隊官佐士兵夫計共一百二十二員名均經訓練分防保衛地方尙稱得力

聯莊會 設總會於縣城設九分會於各區以縣長兼總會長區長兼分會長二十歲以上四十歲以下之男丁均有充當會員之義務並抽調訓練俾有軍事常識

四自治

全縣劃分九區二百三十九鄉六十二鎮最大自治區一千一百五十方里最

小自治區三百五十方里

五行政概況

治匪 每屆青紗帳起邊境地方輒有匪盜之患平時尙稱安謐

衛生 縣內衛生由公安局負責清潔四鄉由各區長督飭民衆講求

禁毒 縣內鴉片海洛音等毒品經縣政府督飭公安局及警團嚴令禁止大

致可告肅清

禁止蓄髮纏足 由各鄉鎮長負責勸導鄉鎮大都次第剪除解放頗著成效

僻壤村莊錮守積習一時尙難打破縣府已遵令設立婦女放足委員會派

員實地勸導勒令依限解放并定懲罰條例切實推行

救恤 縣有賑務分會一處其他救濟事業俱屬臨時性質

風俗

一生活狀況

職業概況 全縣男子多業農耕女子咸習紡織赴外經商者頗夥

主要物價 縣境土產厥爲肥桃每桃百枚價約二十元之譜次則爲穀類其價率依市定之與鄰縣相等

服飾習尚 民俗樸素男子習服長衫馬褂多用青藍灰等色女子則穿短衣長褲多用紅藍花諸色

飲食嗜好 粗糧蔬菜爲普通食物除菜蔬外多嗜葱蒜

居室情形 居室以平房草房爲多至瓦房則城鎮中間或有之

家族制度 縣俗多以大家庭爲尙家族同居悉沿舊日禮教

錢幣及度量衡現狀 以銀幣銅圓爲市面主要交易度量衡現均改用新制

二 社會習尙

交際習慣 親屬之往來多按節令朋友之酌酢則與普通交際相同但多以

食物爲禮

宗教情形 縣俗多信仰神佛因縣境無天主耶穌等教故信者鮮少

農佃制度 糧分按四六折大都主得六成佃得四成亦有扣錢者

賽會 每遇荒旱之年愚民間有迎神祈雨之會平常無賽會習尚

訟爭 務農心切往往以地畝糾紛時有訟爭之事

婚嫁情形 男女雙方主婚人議訂互換婚約鄉間習俗婚約無式樣皆以紅

柬爲之聘禮多用服飾等物迎娶多親迎結婚儀式悉遵古禮先祭天地次

祀祖先成婚後三日婦偕其夫回母家謂之回門結婚年齡大都男子在二

十歲女子在十八九歲續娶繼室與迎娶原配無異貧寒者則從簡女子喪

夫多拘於舊禮教以守節爲榮其多夫多妻及童養媳無此習慣

喪葬情形 始喪由死者子女舉哀成殮遺囑多以言語爲囑問有用書面者

亦不多見繼承以親等最近者爲先入殮由死者子女及其他親屬素服拜

祭成殮再祭喪服咸遵古禮各有等差訃告沿用舊式弔奠鄉間多用跪拜

禮間有脫帽鞠躬者發引儀式備具旛槨昇靈至墳安葬

附錄

一名勝古蹟

蜀漢關公風竹石鼎石門亭冉子父母墓郭巨墓

二財政特殊情形

行政教育等費年度結算入不敷出

三建設特殊情形

縣有電話鄉鎮汽車路次第造好惟內至萬德車站僅三十里路政欠缺與商業交通上不無阻滯

四教育特殊情形

縣內教育歷年增加尙稱發達

五實業特殊情形

農產以穀類爲多肥桃爲縣內特產馳名國內無藝術出品

惠民縣

政治

一 疆域形勢

境界 本縣縣城東至濱縣縣城九十里東南至青城縣城九十里南至齊東縣城一百十里西南至商河縣城九十里又至濟陽縣城一百五十里西北至樂陵縣城九十里北至陽信縣城四十里東北至霑化縣城七十里

山川 境內無著名山嶺河流有黃河徒駭河沙河

土質 全境土地約肥瘠各居其半

交通 縣境不靠海岸亦無鐵路惟有長途汽車通行比較舊時交通稍稱便利

二 戶口

七萬一千四百二十戶

二十九萬七千六百二十口

三機關

縣政府 二等縣分設五科一局公務人員計共六十一員附屬機關有放足
委員會監所協進會

公安局 縣局一處分駐所二處警官警士計共一百三十七員名有槍八種
計共一百二十一枝

民團 有民團一大隊官佐士兵夫計共一百十四員名均訓練後分防
聯莊會 總會以下設立分會十處由縣長兼總會長各區區長兼分會長所
有會員均經抽調訓練

四自治

全縣共分十區一百六十七鄉三十六鎮最大自治區六百五十方里最小自

治區三百五十方里

五行政概況

治匪 縣境每遇青紗帳起鄰境土匪時常竄擾迭經民團聯莊會隨時防剿
地面尙稱安謐

衛生 無衛生機關由公安局負責督飭住戶洒掃街道注意清潔以防病菌
傳染

禁毒 由公安局隨時嚴密查禁吸售各犯日見減少

禁止蓄髮纏足 由縣政府督飭公安局及各區竭力勸禁蓄髮男子已不多
見婦女纏足亦日見減少

救恤 並無救恤機關遇有災荒臨時救濟

風俗

一 生活狀況

職業概況 務農爲業者約佔百分之八十工商及其他職業者約佔百分之

二十

主要物價 麥價每斗約洋一圓六角小米每斗約洋一圓一角豆價每斗洋

九角

服飾習尚 人民多以本地土布爲服飾習尚儉樸

飲食嗜好 人民多以小米爲主要食糧間有飲燒酒及吸紙烟者

居室情形 居室多草頂土房設備亦極簡單瓦房甚少

家族制度 每家均以年長輩尊者掌管家政卑屬則服從之

錢幣及度量衡現狀 市面流通以銀幣銅幣爲主度量衡已改用新制

二 社會習尚

交際慣例 縣民每遇年節輪流請年酒遇婚喪事故互通慶弔兼有餽遺

宗教情形 間有信奉天主教耶穌教者其他宗教信仰者少

訟爭 民性和平訟事無多間有民事案件刑事絕少

婚嫁情形 訂婚結婚均沿舊習婚書用龍鳳紅柬聘禮用衣服首飾或聘金
選期依廢曆迎娶用鼓樂花轎結婚拜華堂及合巹禮年齡男在十三歲以
上二十歲以下女在十八歲以上二十五歲以下

喪葬情形 人死後全家舉哀焚香告廟并焚紙人紙馬等物次日入殮設祭
成服訃告用訃文弔奠行跪拜禮發引安葬均依舊俗

附錄

一古物

城西三學寺有碑一方係趙子昂書教育局西院有碑一方係楊博書七言詩

一首

二財政特殊情形

地方財政按預算動支尙無困難

三建設特殊情形

建設事項均遵照建設計畫進行

四教育特殊情形

共有初級小學四百八十餘處高小十二處

五實業特殊情形

農產品以麥豆高粱穀子爲大宗次即棉花地瓜製造品有白酒豆油毛頭紙及粗布商業皆小本經營礦產無

陽信縣

政治

一疆域形勢

境界 本縣縣城東至霑化縣城四十里東南至濱縣縣城九十里南至惠民縣城四十里西南至商河縣城一百五十里西至德平縣城一百二十里西北至樂陵縣城七十里又至河北省慶雲縣城六十里北至無棣縣城十八里

山川 縣境係平原並無山河

土質 縣境土地肥少瘠多

交通 縣道鎮道村道已次第修築完成電話線亦多架設交通較前便利

一戶口

五萬二千二百三十四戶

二十四萬七千三百五十二口

二機關

縣政府 二等縣分設五科一局公務人員計共六十三員附屬機關有合作社指導所平民工廠

公安局 縣局一處警官警士計共五十八員名有雜色槍十六種計五十二枝

民團 有民團一大隊官佐士兵夫計共一百十四員名均係先訓練後分防聯莊會 總會以下設六分會於各區由縣長兼總會長區長兼分會長鄉長或鎮長兼甲長所有會員業經抽調訓練

四自治

全縣共分六區一百十八鄉八鎮區公所早經成立鄉鎮長業已訓練完竣

鄰正依法組織中

五行政概況

治匪 經民團不時下鄉遊擊聯莊會協助防勦境內土匪業已斂跡

衛生 督飭公安局於城內街巷均設有公共廁所及垃圾箱並掃除街道注

意清潔

禁毒 設有戒煙所煙民入所戒除者甚多並檢查各藥房不准暗售毒品

禁止蓄髮纏足 男子蓄髮早經禁絕設有放足委員會委派男女檢查員分

駐各區公所下鄉實行檢查解放工作頗著成績

救恤 籌設平民工廠發鑿井貸金合作社貸款以資救濟

風俗

一生活狀況

職業概況 男丁多業農間有營商者女子則以紡織爲業

主要物價 麥每斤京錢五百文米三百文豆二百六十文棉花千三百文
服飾習尚 鄉民樸素均以藍色粗布爲衣惟城市青年男女有著短褲洋襪
者

飲食嗜好 多以粗糧爲主要食料佐食之物除普通蔬菜外並喜食葱韭芥
蒜之屬間有嗜烟酒者

居室情形 居室多以土築成簡陋不堪室中只有土炕木床鍋台等物且多
有父母子媳同住一室者間有瓦房或四合房居處方便者但不多見

家族制度 男主全部家政婦主內政一部合家眷屬尊之爲家長絕對服從
錢幣及度量衡現狀 市面通用以銅圓銀圓爲主本地所出之角票頗爲充
斥正在督飭收束度量衡正在推行新制以資劃一

二 社會習尚

交際慣例 遇婚喪互通慶弔或送喜幛輓聯等物遇節令親友往來餽贈是

其常例

宗教情形 崇奉儒教者居多間有信回教及耶穌教者佛道兩教只限於各寺廟之僧道鄉民祈神求福種種迷信一時尙難盡除

農佃制度 本縣皆自耕農無農佃之分

訟爭 民多奸詐訟爭頗多

婚嫁情形 主婚人經媒人說合認爲相宜卽行換簡訂婚不取男女同意聘禮多用酒肉米麪點心及衣服首飾等物貧家亦有用金錢者富家迎娶由新婿坐藍轎並隨花轎一頂赴女家親迎結婚儀式新婦立院中新郎拜天地同入洞房而禮成結婚年齡男子多在十三四歲女子恒在十八九歲續娶改嫁其儀式與初婚畧同贅夫及多妻間有之多夫則絕無童養媳貧家或有之

喪葬情形 初喪親屬舉哀赴廟招魂次日入殮成服遺囑多用口授繼承歸

子孫間有以愛子贅婿繼承者訃告用喪帖啟告白等形式弔奠行三叩首禮發引由孝子執紼引柩至葬所謂之拉靈車安葬由親友致祭後昇柩入穴掩土封墓以後遇忌日或清明除夕元旦及舊歷十月初一日均爲祭祀之期

附錄

一古蹟名勝

有環河鄉桃花嶺文風台漢武場李如檜墓義士同邱歷次台甘泉井東方朔墓等

二古物

有大銅佛五尊由縣立古蹟古物保管委員會保存

三財政特殊情形

地方財政遵照財廳頒發預算辦理無特別開支

四建設特殊情形

全縣道路電話均已修置完成惟道路不能禁止大車通行保護甚感困難鑿井因地層流沙太多亦不相宜

五教育特殊情形

全縣初級小學經費無着純係學者納費辦理難資發展

六實業特殊情形

農產物除五穀外他無產且農民均沿舊法種植不知改良近來糧價甚低故多入不敷出工商業亦不發達境內亦無礦產

無棣縣

政治

一疆域形勢

境界 本縣縣城東南至霑化縣城四十里南至陽信縣城十八里西至樂陵縣城七十里西北至河北省慶雲縣城四十里又至河北省鹽山縣一百十里

山川 大勢爲平原僅有馬谷馬驢二小山在縣之北境禹津河馬頰河泰口河均經本縣境入海

土質 地近海濱土多城而瘠

交通 有惠孟汽車路經由縣城東關東北至海口孟家莊子此外有埕子口下窪兩處可通海運

二戶口

五萬四千七百九十一戶

二十六萬二千五百三十六口

三機關

縣政府 三等縣分設五科一局公務人員計共五十一員附屬機關有合作

社指導所度量衡檢定所

公安局 縣局一處警官警士計共六十三員名有九響鉛槍二十九枝七九

步槍二十枝六五步槍二枝手槍六枝

民團 有民團一大隊官佐士兵夫計共六十員名均先訓練後分防以資保

衛

聯莊會 總會以下設十分會於各區所有會員每次抽調二十名分期訓練

現已訓練至第五期

四自治

全縣共分十區一百二十一鄉七鎮最大自治區一千二百里最小自治區三百二十方里

五行政概況

治匪 陸地經各聯莊會防範圍密匪氛歛迹惟海下偶有海匪出沒

衛生 由公安局勸諭人民厲行清潔衣服食物均注意潔淨城內街道隨時洒掃共保衛生

禁毒 境內毒品次第肅清正嚴查海口以防由外埠輸入

禁止蓄髮纏足 蓄髮者已禁絕女子十五歲以下者多天足二十歲以下者已解放二十歲以上者現正在分期檢查嚴令解放

救恤 正籌辦積穀倉以救荒年並籌辦平民工廠以救失業

風俗

一 生活狀況

職業概況 全縣以農爲本男子耕種爲唯一職業女子多紡織營商業者頗少

主要物價 縣境小麥每斗一圓上下黑豆每斗七角穀子每斗五角高糧每斗五角玉米每斗六角均照市斗計價

服飾習尚 民俗儉樸男女均着布衣
飲食嗜好 五穀雜糧爲普通食物富者間食鷄魚類別無嗜好惟嗜高粱酒者頗多

居室情形 以土房爲普通瓦房甚少

家族制度 多係大家庭制度由家長管理

錢幣及度量衡現狀 以銀圓爲本位銅圓副之商家間有出紙幣者度量衡各新器正在設法普及

二社會習尚

交際習慣 婚喪慶弔附送禮物以對聯幛子居多厚薄按情誼遠近貧富而

定

宗教情形 民衆對於佛道回及基督各教均有信奉者但無組織

賽會 縣俗以新年在農閒之時多辦各種燈會以資慶賀平常無之

訟爭 民智未開多以鼠雀之因而興訟者故有健訟之風

婚嫁情形 男女雙方由媒妁撮合家長主婚互換柬約定期納采婚約沿用

舊式聘禮富貧不同大概以衣飾等物爲多迎娶儀式仍用彩轎鼓樂行親

迎禮結婚儀式悉遵古禮在天地前同舉跪拜禮後合巹入洞房婚後三日

新夫婦同祭祖墓四日或九日回母家小住俗稱回門結婚年齡男女多在

十八九歲續娶多有而改嫁習慣尙少至贅夫與多夫多妻習慣絕無

喪葬情形 與霜化同

附錄

一古蹟名勝

城北有舊土城一座周圍約八九里高約數丈相傳爲韓信屯兵時所築

二財政特殊情形

因地丁太少地方附捐率較他縣爲重

三建設特殊情形

全縣電話鄉村道路次第完成惟鑿井灌田等建設因地接海濱水質含域不宜灌溉故鑿井者甚少

四教育特殊情形

全縣按村莊大小劃分學區若干經費由學區地畝攤納不收學費

五實業特殊情形

小棗爲特別出產餘係麥豆穀高粱玉米等粗糧無製造鑛產亦無

濱縣

政治

一疆域形勢

境界 本縣縣城東至利津縣城六十里東南至蒲台縣城二十五里南至高苑縣城九十里西南至青城縣城九十里又至鄒平縣城一百三十里西至惠民縣城九十里西北至陽信縣城九十里北至霑化縣城六十里

山川 縣境地勢平坦並無山陵南有黃河橫貫徒駭河斜流西北境

土質 土質瘠薄東隅爲退海地尤城鹵不毛

交通 黃河徒駭河船隻往來運輸尙稱便利陸路有濟武長途汽車可通至蒲台縣境

二戶口

五萬一千零十二戶

二十五萬一千九百四十九口

三機關

縣政府 二等縣分設五科一局公務人員計共五十員
指導所平民工廠
附屬機關有合作社

公安局 縣局一處分駐所一處警官警士計共一百員
民團 民團一大隊官佐士兵夫計共一百員
分防各處以資保衛
聯莊會 設總會於縣城由縣長兼任
總會長每區設一分會由區長兼任
分會長督率各會員保衛地方遇一莊有警各莊應援頗稱得力

四自治

全境劃分七區一百二十二鄉四十四鎮關於自治事項正進行中

五行政概況

治匪 民團隨時梭巡並無大股土匪出現綁架情事亦罕有見境內尚稱平靖

衛生 公安局督飭警察注重公共衛生街道清潔並無污穢

禁毒 公安局不時查緝縣境販賣吸食毒品者幾已絕跡

禁止蓄髮纏足 男子剪髮者約十分之九女子纏足已傳令各家長迅速督

飭解放

救恤 設有平民工廠一處收容貧民習藝工作

風俗

一生活狀況

職業概況 男丁以農爲業工商甚少婦女有以紡織爲業者

主要物價 主要物約分米麵高糧三種米每百斤六圓麵每袋二圓二四角

不等高粱每百斤四元有奇

服飾習尚 習尚儉樸多以粗布爲衣服洋布及絲織品者絕少

飲食嗜好 以粗糧爲主要食料蔬菜佐之食米麵者甚少

居室情形 多土築平房瓦房間或有之

家族制度 族有族長家有家長兄弟多析居

錢幣及度量衡現狀 市面流通多以銅圓爲單位大部交易則用銀圓度量

衡城關多改用新制鄉間仍用舊制

二 社會習尚

交際慣例 居民有親友關係者每遇婚喪互通慶弔遇節令亦有往來拜謁

及餽贈禮物者

宗教情形 多崇儒教其天主教佛道等教信者甚少

賽會 每屆廢歷新年有舉行各種燈會者

訟爭 民性強悍好訟

婚嫁情形 訂婚及婚約多依舊式聘禮以首飾衣料爲常例貧家兼有用金錢者迎娶之期由男方邀請男女賓隨同花轎赴女家迎娶結婚仍用跪拜禮結婚年齡約以男女十八九歲爲多續娶儀式與初婚同改嫁出自貧家但鄉里極爲鄙視贅夫間或有之多夫引爲奇恥多妻出自富家童養媳貧家或有富家則無

喪葬情形 始喪時先由家屬聘請陰陽家擇定入殮開弔發引各時期然後訃告各親族是日報喪遺囑多用口頭用書面者少見成服遵古制訃告用喪帖弔奠仍行跪拜禮發引時用僧道鼓樂前導孝眷引靈入祖塋安葬服喪期間子爲三年孫二年以次各有差等

附錄

一古蹟名勝

縣城迤東有秦台一座相傳係秦始皇時建築

二財政特殊情形

地方財政遵照預算辦理無特殊情形

三建設特殊情形

地含鹼質飲料非常困難屢次鑿井不得甜水灌溉田園尤難進行若用虹吸管引黃河水以資補救又需款甚鉅現正在設法擬辦中

四教育特殊情形

教育經費頗感困難故不易發展

五實業特殊情形

棉花產量較豐每年約植二十萬零二千畝產皮棉六十五萬二千担工商業不發達礦產無有

利津縣

政治

一 疆域形勢

境界 本縣縣城東至廣饒縣城一百十里南至博興縣城一百三十里西至濱縣縣城六十里又至蒲台縣城七十里又至霑化縣城一百二十里北與渤海爲界

山川 縣境並無山陵距城東南三里許有黃河斜貫

土質 地臨海濱又兼黃河屢經決口地畝多被沙壓或被城廢土質甚爲瘠薄

交通 境內並無鐵路黃河南岸大堤有利荷汽車路通行黃河船隻下行尙便逆行甚難縣有電話已次第架設並有電報局郵政局消息尙爲靈通

二戶口

三萬零五百七十八戶

十八萬四千二百七十九口

三機關

縣政府 二等縣分設五科一局公務人員計共三十三員附屬機關有合作

社指導所一處

公安局 縣局一處無分駐所警官警士計共六十三員名有雜式槍共計三

十九枝

民團 有民團一大隊官佐士兵夫計共一百十四員名均係先訓練後分防

聯莊會 總分會早已遵章成立分會長由各區長兼任督同會員勤奮服務

努力自衛

四自治

全縣劃分五區一百零六鄉二十三鎮自治事項均已次第推行各區區長均甚努力

五行政概況

治匪 境內安謐並無盜匪發現

衛生 縣內並無專設衛生機關關於衛生事項由公安局負責辦理

禁毒 境內並無種植烟苗情事關於販賣吸食毒品者經嚴厲查禁後幾已絕跡

禁止蓄髮纏足 男子蓄髮者業已罕見關於女子放足自成立放足促進委員會迭次勸導只以積習太深仍鮮實效復經縣長每於下鄉講演之際莫不以此爲前提鄉民頗有覺悟刻下幼女已無再纏陋習成年婦女亦多有解放者

救恤 有普濟堂一處孤貧口糧按月發給並設有紅十字分會施藥診病遇

有水災臨時成立水災急賑會以資救濟平民工廠亦正在籌設中

風俗

一 生活狀況

職業概況 農商居多工業次之

主要物價 豆子每斗一圓上下

服飾習尙 鄉民服裝仍用舊式便衣以粗布爲之用洋布及絲織品者極少

飲食嗜好 以五穀及蔬菜爲主要食品魚肉煙酒等類亦屬普通

居室情形 無論城市鄉村均係土房瓦房極少

家族制度 舊習相沿兄弟分居者多

錢幣及度量衡現狀 市面流通以銀圓爲主體銅圓角票副之度量衡多沿

舊習現正督飭整頓改用新制以期劃一

二 社會習尙

交際慣例 遇有婚喪凡屬親朋均贈物品或錢幣作爲慶弔之禮

宗教情形 信仰天主耶穌者間或有之其他宗教信者甚寡

農佃制度 普通農民自種自食地多之戶每年與小戶分種秋成之後按收穫量數取三成或四成子粒除納租賦外餘作應得利益

訟爭 因地畝糾葛起訴者十之八九因其他財產或婚姻等事起訟者不多見

婚嫁情形 訂婚由家長作主婚約用舊式柬帖聘禮不穿衣服首飾之類迎

娶用彩輿結婚拜華堂結婚年齡以男十四歲以上女十七歲以上者居多續娶改嫁視爲常例贅夫多因年老無子始行之童養媳或因女家貧寒或因女家無保護人始行之一夫一妻制行之已久殷實之家間有納妾者

喪葬情形 始喪即日成服用白紙條貼於門首並由孝子率領有孝服諸子姪等赴本莊土地廟內行哀告禮晚間行祭路禮燒化紙紮車馬等件俗名

送盤纏次日入殮堅封棺口置於靈棚訃告用喪帖弔奠行叩首禮發引時用彩罩護棺鼓手奏樂孝子引靈親友執紼至葬所安葬昇棺入壙掩土封墓親友致奠孝子陪禮居喪不茹葷酒祭祀於節令或忌日行之

附錄

一 古蹟名勝

縣境係近海區域並無古蹟名勝

二 財政特殊情形

地方財政因頻年災歉殊感困難

三 建設特殊情形

植樹鑿井平治道路架設電話修築堤工諸要政均先後辦理完竣

四 教育特殊情形

因受水災影響經費困難教育頗難發展現有縣立師範一處縣立完全小學

二處村立初級小學八十處

五實業特殊情形

縣境農產物尙可敷用工商業不發達礦產無

樂陵縣

政治

一疆域形勢

境界 本縣縣城東南至陽信縣城七十里東至無棣縣城七十里東南至惠民縣城九十里南至商河縣城一百十里西南至德平縣城九十里西至河北省冀津縣城七十里西北至河北省南皮縣城一百里北至河北省鹽山縣城八十五里東北至河北省慶雲縣城四十里

山川 全境無山只有馬頰鈎盤高津等河

土質 肥沃者居多數其中以壤土爲最優粘土次之

交通 地處本省北鄙向來交通不便近以汽車路修成較前稍覺便利

二戶口

六萬三千七百六十三戶

三十一萬三千五百五十五口

三機關

縣政府 二等縣分設五科一局公務人員計共六十二員附屬機關有合作

社指導所平民醫院平民工廠

公安局 縣局一處並無分駐所警官警士計共六十三員名槍枝九種共六

十二枝

民團 有民團一大隊官佐士兵夫計共一百十四員名均係先訓練後分防

聯莊會 總會以下設八分會於各區縣長兼總會長各區長兼分會長鄉長

或鎮長兼甲長凡年在二十歲以上四十歲以下之男子皆有充當會員之

義務

四自治

全縣共分八區一百八十三鄉十三鎮各區長均經訓練已受訓鄉鎮長有一

區並組織鄉鎮公所開始辦公

五行政概況

治匪 本縣各區辦理聯防頗屬周密故無匪患

衛生 清潔街道頗屬認真對於公共衛生由公安局竭力講求

禁毒 縣內設有戒烟所拒毒會平時由公安局分赴各鄉查禁毒品及烟苗

禁止蓄髮纏足 男子蓄髮者由各區組織剪髮隊實行剪除關於女子放足

設有放足會不時派檢查員分赴各鄉實行檢查勒令解放

救恤 設有平民工廠調劑貧民生活並籌辦積穀以濟荒年

風俗

一生活狀況

職業概況 全縣人民多以農業為主經商者佔百分之一軍政學各界佔最

少數

主要物價 小棗出產爲主要其價值以每年收成爲率

服飾習尙 男女均服飾本地所出粗布

飲食嗜好 除粗糧爲普通食物外餘多喜食蘿卜及大蔥

居室情形 居室以泥草築成者爲最多磚瓦築成者多爲富家所有

家族制度 崇尙大家庭制度但以財產或貧寒關係多分析而居

錢幣及度量衡現狀 以銀圓爲本位並有少數中國交通兩銀行紙幣其餘

流通市面多爲現銀圓及銅圓縣內已設度量衡檢定所以期改用新制

二社會習尙

交際習慣 婚喪慶弔以餽禮爲慣例至平時酌酢按貧富而定

宗教情形 民俗信仰耶穌教者多其次爲天主教

農佃制度 自耕農居多佃農甚少

賽會 每屆廢歷年節各鄉村舉行龍燈比賽會者頗多

訟爭 民情狡詐訟爭頗多

婚嫁情形 男女由父母訂婚者居多男家先向女家傳簡同意後再回簡是爲訂定婚約聘禮以金錢點心布匹等物爲普通迎娶儀式多用親迎禮結婚儀式新婦至男家共同拜堂普通以跪拜禮者爲多結婚年齡男子在五歲以上女子十八歲以上爲準男子喪妻多續娶女子改嫁贅夫之習則無之至一夫多妻及童養媳等習慣間或有之

喪葬情形 始喪孝子舉哀再定期舉行葬禮遺囑均係口頭繼承咸係子姪入殮由子女親視含殮成服按親屬遠近各有等差但均係一律白衣惟子侄孝帽爲四方形族間親友爲三角形訃告仍用舊式弔唁禮節悉遵跪拜禮發引儀式鄉俗以杠罩抬送塋地安葬孝子以三年爲服喪期

附錄

二古物

有漢石佛一尊集王羲之字夢感碑一座均由中山圖書館保存

二外僑

朱家寨有傳教英人二名

三財政特殊情形

地方收入全恃附捐現因新陳積欠過鉅以至財政奇窘

四建設特殊情形

全縣電話縣道鐵道均已完成

五教育特殊情形

教育經費異常拮据積欠過鉅

六實業特殊情形

全縣農產以穀類爲最多花生次之各種菓類出產較他處爲多尤以小棗爲

特產品

霑化縣

政治

一疆域形勢

境界 本縣縣城東南至利津縣城一百二十里南至濰縣縣城六十里西南至惠民縣城七十里西至陽信縣城四十里西北至無棣縣城四十里

山川 縣境平原無山祇有徒駭河一道

土質 縣臨海濱土地多有潮域

交通 地處海濱交通極屬閉塞距鐵路約三百餘里距汽車站亦多在五十里以外來往行人均賴驢騾代步

二戶口

三萬一千五百五十七戶

十六萬四千三百五十八口

三機關

縣政府 三等縣分設五科一局公務人員計共四十九員附屬機關有民衆

教育館

公安局 縣局一處無分駐所警官警士計共五十一員名原有槍枝前因土

匪攻城全數劫去尙未補充

民團 有民團一大隊官佐士兵夫計共一百十四員名均先訓練後分防

聯莊會 總會以下設七分會縣長兼總會長區長兼分會長鄉長或鎮長兼

甲長二十歲至四十歲之男子皆有充當會員之義務

四自治

全縣共分七區一百五十二鄉四鎮最大自治區二千零四十方里最小自治

區九百五十方里

五行政概況

治匪 地居海濱海盜不時出沒均經民團公安局聯莊會隨時督勦故匪氛

歛迹

衛生 縣內一切衛生事項由公安局負責認真辦理

禁毒 縣境毒品業已肅清並不時派警嚴密調查再有發現由街長負擔全責

禁止蓄髮纏足 縣內蓄髮之男子早已剪除淨盡關於女子纏足由公安局

下鄉勸禁限期解放

救恤 正籌辦集穀倉以濟荒年

風俗

一生活狀況

職業概況 全縣多務農爲生

主要物價 豆穀高糧玉蜀黍麥各種物價均以市價爲準

服飾習尙 崇尙儉樸人民多自織棉布以作衣服並無奢華裝飾

飲食嗜好 農民飲食以米麥豆玉蜀黍爲主要品嗜好以吸煙草飲白酒者

爲多

居室情形 房舍多土坯平頂內容尙整潔守舊太深不圖演進

家族制度 同姓同宗者爲族若數世而不析居另炊者仍爲一家

錢幣及度量衡現狀 通行市面者以銀圓或二十文銅圓爲主體至於中央

中國交通鈔票亦能通用惟係少數度量衡照新頒使用

二社會習尙

交際慣例 因友誼或親戚而生關係以慶弔來往而表厚薄

宗教情形 縣有天主耶穌等教均不發達

農佃制度 地主與佃戶以每年之收入平均分攤

賽會 縣民風俗樸實對於迎神賽會非所習尙然每屆廢歷新年鄉俗率多舉行各種花燈以助興趣

訟爭 全縣訟爭之事甚少

婚嫁情形 訂婚由媒妁介紹雙方同意再交換婚書婚書仍用古式更有自製者聘禮多以布疋首飾等物迎娶悉用親迎禮結婚儀式迎娶到家先拜天地後行合巹禮成婚後三日祭祖拜翁姑後即回門結婚年齡男女均在二十歲上下續娶習慣與新婚同改嫁不乘轎儀式從簡贅夫與多夫或多妻者均少

喪葬情形 始喪孝子披髮哭踊以白紙爲旛揚於門外遺囑多口述入殮以新絮拭尸面後即入棺成服以親屬遠近定喪服之等差弔奠行跪拜四叩禮發引一切沿用鄉俗儀式柩至葬所祀土安葬服喪斬衰三年期服一年大功九月小功五月總麻三月

附錄

一 財政特殊情形

縣有財政只能維持現狀

二 建設特殊情形

一切建設正在進行中

三 教育特殊情形

學校林立並辦義務教育以期普及

四 實業特殊情形

全縣農產以豆穀高糧玉蜀黍麥爲大宗無特產品亦無礦業

蒲台縣

政治

一 疆域形勢

境界 本縣縣城南至博興縣城六十里又至高苑縣城七十里西南至青城縣城九十里西北至濱縣縣城二十五里東北至利津縣城七十里

山川 縣境濱臨黃河地屬平原並無山嶺

土質 黃河兩岸及近河之地多係域性土質瘠薄等於不毛其餘土地不過中等以下並無腴田

交通 由濟武區汽車可通濟南利津汽車站在黃河南岸距城十二里由縣城至膠濟路周村車站一百四十里縣境長途電話已通行縣鎮道路俱已修竣

二戶口

二萬四千七百二十七戶

十二萬五千四百六十三口

三機關

縣政府 三等縣分設五科一局公務人員計共三十七員附屬機關有合作

社指導所民衆教育館閱報所

公安局 縣局一處分駐所一處警官警士計共八十八員名共有各種雜色

槍六十一枝

民團 有民團一大隊官佐士兵夫計共六十員名先訓練後分防捍衛地方
頗稱得力

聯莊會 各區分會均已組成惟快槍甚少防禦力稍覺薄弱

四自治

全縣劃分四區七十八鄉十六鎮各區鄉鎮公所早經成立閭鄰亦均編成自治事宜已具規模

五行政概況

治匪 縣境近海臨河素號匪區經迭次痛剿隨時緝捕已漸次肅清

衛生情形 風氣閉塞民智未開對於衛生事宜人民素不明瞭經縣府督飭公安局及各區認真勸導實行檢查清潔並於縣長下鄉巡視時剴切演講民衆亦漸有進步

禁毒 全境並無種烟情事對於吸食及販賣者迭經查拿法辦亦逐漸減少
禁止蓄髮纏足 民衆蓄髮辮者已罕見纏足之風尙未盡除已由各區組設
放足分會實行查放並由各機關領袖人員之女眷組織檢查委員會認真
檢查照章罰辦

救恤 有普濟堂賑務分會各一處並設代濟處四處共有基金三千元以之

貸濟貧民平民工廠亦已籌有基金及地址不久即可成立

風俗

一生活狀況

職業概況 業農者居多商賈次之

主要物價 籽棉花每斤一角三分高糧每斗一圓小米每斗一圓二角

服飾習尚 衣服多用粗布或洋布鞋帽多用新式

飲食嗜好 食糧以小米高粱爲主佐以蔬菜麵粉稻米及酒肉等物富家多用之

居室情形 鄉村多土房城關多瓦房

家族制度 族有族長家有家長兄弟多析居

錢幣及度量衡現狀 市面交易銀圓紙幣銅圓均用之度量衡仍沿舊制

二社會習尚

交際慣例 遇節令或婚喪有親友關係者往來拜謁兼有餽遺惟崇尚節儉
宗教情形 耶穌天主各教均有信者爲數甚少佛教道教只限僧道鄉愚祈
神求福等迷信尙未破除

農佃制度 佃戶種地收穫利益與地主均分正供附捐隨之柴草歸佃戶留
用

訟爭 民性和平訟爭無多

婚嫁情形 訂婚由父母之命媒妁之言用紅柬爲婚約衣料爲聘禮亦有折
成金錢者結婚日期由男家選擇通知女家迎娶用親迎禮結婚拜天地兩
親家相見行一揖拜禮翌日拜翁姑結婚年齡早者十二歲晚者十七八歲
喪葬情形 衣衾棺槨稱家有無宗祧財產由直系卑親屬繼承無嗣者過繼
近支卑親承繼之二日入殮將死者入棺釘妥棺蓋移於院中成服及喪服
差等均遵古制訃告用喪帖弔奠用一拜四叩禮發引儀式普通以前一日

開弔次日出殯富者則有點主賓柩坊賓寫主賓豎主賓祭壙賓祀土賓及禮相其他男女親朋均著喪服送殯孝子執幡引壙至塋地舁入壙中孝子等圍壙哭繞三匝將喪杖投於壙中掩土成墳祭祀則設木主於家堂按節序行之

附錄

一古蹟名勝

縣境東南二里許有三姑臺

二財政特殊情形

地方財政尙稱充足惟外境丁銀征收困難河灘淤地未定租課以至附捐收入減少稍受影響

三建設特殊情形

貸款鑿井者尙不爲少長途電話因黃河阻碍頗感不便隔河架線又需款甚

鉅故未能實行

四教育特殊情形

小學校師資缺乏經費困難女子教育不發達

五實業特殊情形

縣境爲魯北產棉最盛之區惟農民囿守舊法多種草棉經建設局竭力提倡
施種美棉者漸多成績優良土質多不適種小麥故麵粉多賴外境供給工商
業不發達境內亦無礦產

商河縣

政治

一 疆域形勢

境界 本縣縣城東南至濟陽縣城九十五里西南至臨邑縣城六十里西至陵縣縣城一百二十里西北至德平縣城五十里北至樂陵縣城一百十里東北至惠民縣城九十里又至陽信縣城一百五十里

山川 縣境地屬平原並無山嶺僅有沙河徒駭河

土質 縣境北屬低窪沙城居多肥腴者甚少

交通 有聊惠歷樂兩汽車路倘汽車完全開行交通尙稱便利長途電話大致已架設完竣縣道修築完整鎮道亦在進行中

二 戶口

六萬五千二百八十四戶

三十三萬零五百四十四口

三機關

縣政府 二等縣分設五科一局公務人員計共一百員附屬機關有合作社

指導所民衆教育館

公安局 縣局一處分駐所二處警官警士計共一百三十五員名有雜槍一

百二十二枝

民團 有民團一大隊官佐士兵夫計共一百八十員名均經訓練分防保衛

地方頗能認真

聯莊會 各區分會完全成立自衛槍約五千餘桿

四自治

全縣劃分九區九十一鄉十二鎮每區設區長一員鄉鎮均已劃定鄉鎮長亦

已訓練完畢現正辦理調查戶口着手閭鄰工作

五行政概況

治匪 大股土匪早經肅清惟匪徒三五成羣時聚時散經督飭團警及聯莊會隨時梭巡緝捕不足爲害

衛生 由公安局派警實行檢查注重清潔

禁毒情形 每日由公安局派巡官一員帶警數名分赴四鄉嚴密查禁並由縣政府隨時派員巡查販賣及吸食者已幾絕跡

禁止蓄髮及纏足 男子蓄髮已屬罕見女子放足僅有少數已設有放足委員會分赴各鄉嚴厲檢查強迫解放

救恤 設有賑災分會經理貧民貸款事項人多稱便並有平民工廠一處救濟貧民授以工藝以資謀生

風俗

一 生活狀況

職業概況 務農者多商業次之工業又次之

主要物價 穀豆類每斤洋五分上下小麥每斤約洋八分上下本地手工粗

布每一市尺約洋八分上下其他各物大抵由外境輸入價值稍昂

服飾習尚 春冬兩季人民均着長袍馬褂用帶束腰如會親友即去腰帶以

示恭敬工作時則著短衣

飲食嗜好 農民多以粗糧爲主要食料又喜食辣椒葱蒜其他酒肉麪食則

爲貴重食品

居室情形 鄉民大半以土木爲屋每屋三間只開兩窗又不能自由開放空

氣殊少流通家道小康者則用磚瓦爲屋室中寬大較爲便利民性守舊故

建築不尙新奇

家族制度 一族之中以最長輩爲族長掌管族中一切公益事項一家之中

亦以長者主持家事如長者逝世卽以其長子承繼掌管之

錢幣及度量衡現狀 使用錢幣以銀圓及銅圓爲主向無紙幣度量衡以前

使用舊器多不一致近經檢定分所成立後令商民改用新制買賣交易極稱便利

二 社會習尙

交際慣例 每屆年節居民多互相拜謁謂之賀新年麥收後以新麥蒸饅向戚友家餽送謂之送饅饅遇親友有婚嫁則送喜幛並親往拜賀有喪亡則

送輓聯或輓幛親往弔奠

宗教情形 城內舊有耶穌堂一所每屆星期日傳教士在堂內宣傳講演但聽者寥寥信仰者極少此外並無其他宗教迷信之風亦已減少

訟爭 民情強悍訟風甚熾

婚嫁情形 經媒妁之言介紹雙方同意即可訂婚但均由家長作主當事人

不能過問定婚手續由男家先備懇親帖女家再備允親帖無用新式婚書者聘禮有二一爲通婚書時具襖褲之衣料一套一爲定結婚期時具米麪酒肉四色禮迎娶用親迎禮結婚則夫婦同拜於堂上再行合巹禮三日黎明新郎新婦同返婦家拜識岳家眷屬並餉以酒食午刻返回結婚年齡以男子十四歲以上二十歲以下爲度女子以十五歲至二十歲爲度續娶禮節與初婚同改嫁則較初婚簡單但夫死多以守節終身者爲多贅夫習慣間或有之多夫則絕無多妻有因乏嗣而納妾者童養媳習慣多出自貧家喪葬情形 始喪服死者以衣衾移屍中堂合家舉哀即日成服次日入殮訃告用舊式喪帖弔奠行三鞠躬禮發引由鼓樂前導孝眷及親友隨靈護送至葬所抬柩入壙致祭掩埋喪服期間遵古禮居喪不茹葷酒祭祀每遇節令行之

附錄

一古物

縣城西門外教育館內有古銅佛一尊高約八尺重八千斤

二財政特殊情形

地方財政收支尙能相抵惟值每年度上忙丁漕開始時附捐既以用完而下忙丁漕尙未屆期月支各項不免困難

三建設特殊情形

縣鎮道路兩旁皆植樹株電話全縣各區均已通話縣境舊有井七千三百眼新鑿井數百眼現仍勸導民衆努力進行

四教育特殊情形

縣立小學偏於城東及東南教育不能平均發展女學亦不發達提倡頗難

五實業特殊情形

縣境地畝土壤多係沙質最宜種棉而農民種棉者尙少宜提倡之工商業不

發達亦無礦產

青城縣

政治

一 疆域形勢

境界 本縣縣城東南至高苑縣城五十里南至鄒平縣城七十五里西南至齊東縣城五十里西北至惠民縣城九十里東北至濱縣縣城九十里又至蒲台縣城九十里

山川 地屬平原並無山嶺惟黃河由西界齊東入境流經北面由惠民交界東流入海

土質 地多沙城向稱地瘠民貧之區

交通 有周青利荷兩汽車路長途電話亦已架設完備交通尙稱便利

二 戶口

七千二百八十戶

五萬二千五百一十二口

三機關

縣政府 三等縣分設五科一局公務人員計共五十一員附屬機關有民衆教育館合作社指導所度量衡檢定所

公安局 縣局一處無分駐所警官警士計共五十一員名共有雜槍十七枝民團 有民團一大隊官佐士兵夫計共六十員名先訓練後分防藉資保衛聯莊會 各區分會均經成立現正抽調會員按期訓練

四自治

全縣共分四區七十九鄉五鎮最大自治區二百七十七方里最小自治區一百九十七方里

五行政概況

治匪 地方安靖並無盜匪

衛生 由縣政府隨時督飭公安局對於公共衛生認真辦理並無發生傳染

病症

禁毒 迭經佈告嚴禁並派警不時搜查販賣及吸食者絕少

禁止蓄髮纏足 男女蓄髮幾已絕跡惟婦女纏足狃於積習禁止較難迭次

設法勸禁在二十歲以下之女子多已解放

救恤 設有平民工廠一處收容貧民習藝又設貸濟所以資救濟

風俗

一生活狀況

職業概況 農民多數工次之學又次之商居少數

主要物價 麥每斗一圓四五角豆每斗一圓二三角穀每斗一圓

服飾習尚 鄉民多以藍色粗布爲衣極爲儉樸城市間有服洋布者惟多依

舊式服時裝者甚少

飲食嗜好 五穀蔬菜豆腐豆芽等物爲主要食品無故不食魚肉飲茶酒者亦不多

居室情形 土坯平房爲普通住室磚瓦房甚少

家族制度 族務由族長管理家務由家長管理非有特別事故不能析居

錢幣及度量衡現狀 市面流通以銀圓銅圓爲主銅圓票及角票副之度量

衡已改用新制

二 社會習尚

交際慣例 遇有嫁娶喪葬壽辰生子等事親友街坊或送錢財或送禮物乃爲慣例

宗教情形 除少數奉耶穌教者外別無其他信教者惟愚民無知對於祈神問卜等迷信一時尙難破除

賽會 以崇信泰安神會者爲多間有因祈雨演劇酬神者

訟爭 以析產婚姻繼承等案爲多命案甚少

婚嫁情形 由媒人說妥兩家交換東帖卽爲訂婚聘禮用衣服首飾等類間有折成銀錢者迎娶用親迎禮結婚拜天地行合巹禮二日祭祖三日拜翁姑及諸親族結婚年齡以二十歲上下爲度續娶改嫁禮節簡單贅夫及童養媳各習慣亦均有之

喪葬情形 始喪由死者之子登屋頂叫魂再與死者更衣停屍堂中卽日成服遺囑用口頭宗祧繼承歸長子但遺產則諸子平分暑天皆當日入殮冬季則二日入殮訃告貧民多用口頭富家則用哀啓弔奠行跪拜禮並送祭品或錢財發引多用鼓手儀仗前導由抬夫抬棺孝眷及親友隨行至葬所安葬居喪服素衣不茹葷酒祭祀多於節令行之

附錄

一古蹟名勝

有目蓮僧墓

二古物

有中山郡侯碑大中大夫焦榮神道碑古銅大像佛一小像佛三大鐘一小鐘
十三

三財政特殊情形

地方財政收支適合惟十九年招待雜軍尙有積欠萬餘元未能彌補

四建設特殊情形

道路如期修治電話線架設完備鑿井正在提倡推行

五教育特殊情形

縣立完全小學二處區立初級小學百零六處中心小學五處

六實業特殊情形

地多流砂農產不豐工商業不發達亦無礦產

滋陽縣

政治

一 疆域形勢

境界 本縣縣城東南至曲阜縣城三十里南至鄒縣城五十里西至濟寧縣城六十里西北至汶上縣城九十里北至寧陽縣城五十里

山川 境內有嶽陽山週圍三里城東有泗河西北有漕河洸河穿城有府河
其次城東有沂河城北有漢馬河城西北有趙王河城東南有蓼河

土質 地多黑色土質含有沙礫

交通 津浦鐵路直貫南北兗濟鐵路斜達濟寧又有泰濟省汽車路及鄰近
交接之汽車路約二百里電話路線除省外有外縣有電話一百六十餘里國
有電報局郵政局各一交通尙稱便利

二戶口

三萬九千五百五十八戶

三十萬零九千七百三十一口

三機關

縣政府 二等縣分設五科一局公務人員計共四十八員附屬機關有民衆

教育館合作社指導所

公安局 縣局一處派出所一處警官警士計共五十八員名有雜槍三十七

枝

民團 有民團一大隊官佐士兵夫計共一百一十四員名先訓練後分防藉

資保衛

聯莊會 總會設於縣城各區分會均已成立由縣長兼總會長區長兼分會

長除第五分會毫無成績尙待整頓外其餘大致不差

四自治

全縣共分六區一百二十五鄉二十鎮最大自治區二百九十八方里最小自治區七十六方里

五行政概況

治匪 境內現無股匪間有鄰封竄入三五匪人滋擾有團警及聯莊會隨時巡緝不足爲患

衛生 由公安局組織衛生警察每日巡查各街清潔道路取締有害衛生之物

禁止蓄髮纏足 男子蓄辮者已剪除淨盡青年婦女放足者十有八九
禁毒 由縣政府督飭公安局嚴行查禁每月破獲多起較之從前大爲減少
判決後隨時送戒烟所勒令戒除成績頗佳

救恤 紅卍字會於冬季設施粥廠救濟饑民賑分會附設貸濟處專貸貧民

借款設有普濟堂一處額定貧民七十名由農商團租款項下每名月發穀子一小斗七升養濟院一處額定孤貧四十三名每月每名發給大洋四角三分由省庫支領

風俗

一生活狀況

職業概況 境內民衆業農者十之九業工商者十之一

主要物價 麥每斗約一圓四五角豆每斗約一圓二三穀子每斗約一圓

服飾習尙 民尙儉樸多用土布爲衣料

飲食嗜好 農民以粗糧爲主要食料嗜燒酒魚肉者富家則有之

居室情形 地瘠民貧鄉間多住草屋城市內間有五屋樓房惟係舊式

家族制度 舊式家族家長對內則全權統治對外則全權代表

錢幣及度量衡 市面以銅圓銀圓兩項流通一角之票亦行使但惟數甚少

此外無其他輔幣度量衡仍用舊制正在推行新器尙未普及

二 社會習尙

交際慣例 婚喪嫁娶親友餽贈不甚豐奢

宗教情形 儒教佛教道教天主耶穌回教均有惟崇儒者衆其他各教極爲少數

農佃制度 地主與佃戶平分利益

訟爭 民風樸厚訟爭無多

婚嫁情形 媒妁介紹兩家同意交換庚帖卽爲訂婚聘禮用布疋彩緞首飾等類迎娶用親迎奠鴈禮結婚由執賓指導男女交拜天地結婚年齡在十八九歲不等續娶與初婚同改嫁多由本人作主贅夫多夫皆無多妻皆因乏嗣童養媳出自家貧

喪葬情形 初喪將死者停於中堂一日或二日入殮三日成服並送魂遺囑

則用口述繼承須昭穆相當喪服分斬衰齊衰期功緦麻五等訃告用喪帖
弔奠用紙箔供幛輓聯等類並行拜跪禮發引由孝子執旛碎盆親友護送
行街祭禮扶柩入塋正穴下棺孝眷跪拜掩土封墳祭祀遇節令行之

附錄

一古蹟名勝

有達巷黨人里及其墓在舊關地方柳下惠墓在進賢社地方明朝建築泗水
大橋一座唐朝建築興隆塔一座在城內東北隅明朝建築東門外有金口壩
及舞雩台城內有魯王皇城舊址又清道光間建青蓮閣在東門外並清初建
南樓在城內

二古物

縣府前有無年月太白欸之壯觀二字碑舊府學內有北魏賈使君碑唐攀龍
附鳳碑城內南樓下有宋王禹偁碑記北關聖水井有宋朝靈石一方城內息

馬地春秋閣上有無名古方銅鼎一箇並明朝玉燈一箇玉珪一箇

三外僑

有英美德奧荷蘭各國傳教師

三財政特殊情形

全年正雜各稅均按定章征解並無特殊情形

四建設特殊情形

縣有長途電話已架設完竣省縣道路亦已修成關於鑿井開渠建築橋梁等

事均照分期計劃進行

五教育特殊情形

正在籌設鄉師義務教育試驗區

六實業特殊情形

農產物有麥豆高糧穀子紅薯及花生瓜子烟葉等製造品有土布土綾毛巾

線襪及雪茄煙等商店約有五六百戶自交通便利後稍見發達但多係半農
半商境內並無礦產

曲阜縣

政治

一 疆域形勢

縣境 本縣縣城東至泗水縣城六十里南至鄒縣縣城五十里西至滋陽縣城三十里西北至寧陽縣城六十里

山川 縣境概屬平原有九仙山及泗河沂河濼河

土質 東北地勢較高土地瘠薄西南方土地尙稱肥沃

交通 縣境道路有曲姚等六幹線長途電話全縣各機關及五區均已設置
通話水路有船隻往來交通尙稱便利

二 戶口

三萬八千三百四十八戶

二十萬零七千二百零六口

三機關

縣政府 三等縣分設五科一局公務人員計共五十八員附屬機關有民衆教育館合作社指導所

公安局 縣局一處並無分駐所警官警士計共五十一員名有雜槍四種計共四十一枝

民團 有民團一大隊官佐士兵夫計共八十五員名先訓練後分防以資保衛

聯莊會 總會長由縣長兼任各分會長由區長兼任抽調會員分區訓練努力自衛

四自治

全縣劃分五區九十二鄉最大自治區二百三十五方里最小自治區一百五

十九方里閭鄰亦已劃分清楚各區鄉閭鄰長早經任職並皆已受有相當訓練關於自治應辦事項分期進行

五行政概況

治匪 縣境向無股匪間有三五盜匪滋擾多隨時緝捕不足爲患

衛生 由公安局飭警清除街道注意清潔各街設有官廁所市賣食物備置

紗罩

禁毒 經嚴密禁止吸食及販賣者幾已絕跡

禁止蓄髮纏足 鄉間四十歲以上之男女尙有未盡剪放者正在勸導制止

中

救恤 遇有災患臨時救濟平民工廠正在籌設中

風俗

一生活狀況

職業概況 居民多以農爲業兼有織土布及編蓆者

主要物價 麥子每斤四百五十文粗布每尺八百文

服飾習尙 鄉民素尙儉樸以粗布爲衣服洋布及絲織品者甚少

飲食嗜好 鄉民多以粗糧爲主要食料蔬菜佐之食酒肉米麪者甚少

居室情形 以草房爲最多瓦房甚少

家族制度 以尊長爲家長卑屬絕對服從

錢幣及度量衡現狀 市面流通以銅圓銀圓爲主體度量衡現已改用新制

二 社會習尙

交際慣例 遇有婚喪慶弔親友往來酬拜送禮是其常例

宗教情形 普通尊崇孔教間有信奉耶教者

農佃制度 每年收穫地主與佃戶平分

訟爭 民性和平訟爭無多

婚嫁情形 經父母之命媒妁之言交換柬帖即可訂婚以衣服首飾等爲聘禮迎娶用花轎或車輛結婚儀式夫婦交拜天地行合巹禮新婦三日拜見翁姑九日歸寧結婚年齡男女均在二十上下中年喪妻則續娶婦喪夫則以守節爲重改嫁者多因迫於家計使然贅夫或多夫向無此習慣多妻因乏嗣或有之童養媳多出貧家

喪葬情形 始喪門前懸白旛子女眷屬皆服孝衣二日入殮三日成服訃告用白紙柬帖弔奠送紙箔果供幛聯等物行拜跪禮發引則孝男在柩前孝婦在柩後連同親友一致哀送至葬所子女拜墓鳴炮安葬居喪不茹葷酒祭祀多於節令行之

附錄

一 古蹟名勝

有至聖元聖復聖等廟少昊陵至聖林顏林梁公林巽相圃（即孔子學射處）

二古物

有壁書古硯古書古鼎石儀喬木靈光殿景靈宮遺笏遺琴漢魏六朝各碑及漢畫等品又有古鎰金塔一座高數尺

三財政特殊情形

正雜稅款照章征解無特殊情形

四建設特殊情形

道路橋梁積極修築全縣各機關電話線架設通話有農事試驗場一處苗圃一處第一第二林場中山紀念林一處鑿井養蜂合作事業均已進行

五教育特殊情形

私立中學一處縣立區立私立小學共一百七十九處

六實業特殊情形

農產物以米麥爲大宗工業只有農家手工織布編蓆商業有大小商二百四十家礦產無

甯陽縣

政治

一 疆域形勢

境界 本縣縣城東南至曲阜縣城六十里又至泗水縣城一百二十里南至滋陽縣城五十里西至汶上縣城六十里西北至東平縣城一百十里東北至泰安縣城一百三十里

山川 東北部多山北部有汶河東部有太平河其餘尙洗漢馬等河皆已乾涸

土質 全境肥出地一千七百七十頃零九十二畝瘠田地七千一百六十三頃六十八畝

交通 津浦鐵路經過縣境東部站名南驛鎮縣城距曲阜站三十五里縣鎮

道已修治完竣全縣各機關及各區公所均通電話交通稱便

一戶口

五萬七千九百七十三戶

三十萬口

三機關

縣政府 二等縣分設五科一局公務人員計共五十三員附屬機關有合作

社指導所度量衡檢定所

公安局 縣局一處分駐所一處警官警士計共六十九員名有雜式槍十七

枝

民團 有民團一大隊官佐士兵夫計共一百十四員名先訓練後分防以資

保衛

聯莊會 總會以下設九分會於各區由縣長兼任總會長各區區長兼任分

會長鄉長或鎮長兼任甲長二十至四十之男丁爲會員

四自治

全縣共分九區二百六十一鄉十六鎮最大自治區三百七十五方里最小自

治區三百一十五方里

五行政概況

治匪 縣境尙屬平靖並無發生搶架案件

衛生 由縣政府督飭公安局傳諭城鄉居民隨時清潔街道滌除廁所並對

於食物小販嚴加取締以重衛生

禁毒 縣政府及公安局對於毒品嚴厲查禁尙無發生售吸各案

禁止蓄髮纏足 迭經縣政府布告並經下鄉講演惟人民狃於積習男子蓄

髮者固已無多而女子纏足風氣仍未開通已令強制執行藉收效果

救恤 縣立平民工廠收容貧民工作惟規模甚小遇有災荒臨時救濟

風俗

一 生活狀況

職業概況 縣境多係平原耕種適宜業農者十之八九工商學十之二

主要物價 各種食糧爲主要物收成中常時價尙平允

服飾習尙 民情古樸服飾粗簡大都土布爲衣不尙華麗

飲食嗜好 鄉民以粗糧爲食日常不過雜麪乾糧米粥菜蔬之類絕無甘旨

之奉

居室情形 鄉間房屋多係土牆泥頂瓦屋甚少

家族制度 家族無一定制度一般鄉民卑幼對於尊長尙能恭順守禮至於

教養互助等事則視服制遠近而有差

錢幣及度量衡現狀 市面流通多係銀圓及銅圓兩項商號並未發行紙幣

度量衡等器檢定制一

二社會習尚

交際慣例 民情質樸除婚喪慶弔之外絕少應酬

宗教情形 縣境有天主教堂耶穌教堂回教清真寺各種宗教民教相處融

洽僧道甚少鄉愚祈神求福及迷信風水等事亦經嚴飭禁止

農佃制度 地主與佃戶按收穫利益平分

訟爭 民情不甚好訟法院民刑案件尙不甚多

婚嫁情形 媒妁居間作伐雙方父母主婚交換婚書即爲訂婚普通農家並不徵求聘禮殷實之戶亦不過服飾之類迎娶儀式不尙親迎屆期由女家裝飾新婦送往男家行拜天地禮次日拜見翁姑及族戚尊長結婚年齡多在十七八至二十歲之間續娶與初婚同再醮之婦須由前夫家尊親屬作主間亦有自主者贅夫極少多夫絕無多妻因無嗣而納妾者有之童養媳出自貧家

喪葬情形 病人彌留之際移至床上斷氣後蓋以白紙供以麪餅米飯右手執鞭俗謂之打狗鞭子女守靈焚化紙錢合家舉哀二日或三日入殮遵禮成服訃告用白紙喪帖親友弔奠則送紙箔或輓幛及財禮等物並親往行禮送殯發引時孝子執旛親友路祭昇柩至葬地入壙掩埋祭祀則每遇年節清明或亡者忌日行之

附錄

一古蹟名勝

城南里許有周公臺東北三十五里有故剛城縣西三十里有周倉故里周倉墓東門內有鐵塔城東二十四里有廻鑾寺

二古物

縣府門前有庾公德政頌碑西關火神廟牆壁嵌修吳道子觀音圖像又有文殊般若碑及後漢孟知進石碣

二外僑

境內教堂均係本國人充任教士並無外僑

四財政特殊情形

地方財政按預算撙節開支尙可敷用無特殊情形

五建設特殊情形

縣鎮道路均已修治完成各機關及區公所亦通電話全境灌田井共有二萬餘眼

六教育特殊情形

縣立各初級小學因成績不佳一律將其款收回撥充各區籌設完全小學一部提作獎勵金及補助費

七實業特殊情形

農產品以五穀爲大宗其餘苧麻柿餅生薑等爲少數工商業不發達產礦有

華豐合記礦場一處因交通不便出煤不旺

鄒縣

政治

一 疆域形勢

境界 本縣縣城東南至滕縣縣城九十里西南至魚台縣城一百七十里西至濟寧縣城七十里西北至滋陽縣城五十里北至曲阜縣城五十里東北至泗水縣城一百十里

山川 東南北三面環山西面平原泗河白馬河經流其間

土質 東多山嶺西多窪坡肥沃之地僅佔十分之四

交通 縣鎮各道一律修竣香城鎮張莊鎮老林鄉均設有電話並有鄉鎮郵差收發信件每六日一次

二 戶口

七萬二千九百八十三戶

三十七萬二千零六十一口

三機關

縣政府 三等縣分設五科一局公務人員計共六十員附屬機關有平民工廠合作社指導所度量衡檢定所各一處

公安局 縣局一處分駐所一處警官警士計共八十一員名有俄國槍三十枝湖北造槍二枝

民團 有民團一大隊官佐士兵夫計共一百十四員名先訓練後分防以資保衛

聯莊會 總會以下設十分會於各區縣長兼總會長區長兼分會長鄉長或鎮長兼甲長二十至四十壯丁皆爲會員遇警鳴鑼爲號赴援迅速

四自治

全縣共分十區二百九十鄉五十四鎮區鄉鎮公所早經成立關於自治一切事宜積極進行

五行政概況

治匪 縣境無股匪尙稱安靖偶有零星散匪由鄰封交界處滋擾有團警及聯莊會隨時緝捕不足爲害

衛生 無正式衛生機關關於清潔事項則由公安局組織衛生警擔負

禁毒 經由公安局隨時派官警在城關一帶搜查已無吸售之人鄉間則責成各區擔任禁止

禁止蓄髮纏足 經組織查放委員會不時派員下鄉勸禁蓄髮者已不多見惟女子纏足尙未完全解放

救恤 設有孤兒院義賑分會卅字會平民工廠以資救濟

風俗

一 生活狀況

職業概況 全縣人民業農者百分之八十業工者百分之八業商者百分之五其他百分之七

主要物價 棉絮每斤五角左右棉紗每斤六角左右棉布每尺約七分
左右高粱每斤四分左右黃粱每斤三分左右小麥每斤六分左右黃豆每斤四分五綠豆每斤四分食鹽每斤約一角左右

服飾習尚 男女服飾崇尚儉樸多以粗布爲衣

飲食嗜好 人民除以粗糧爲主要食料外又多食辣椒且有吸食漢巴菰或紙煙間亦有嗜燒酒者

居室情形 居室以草舍爲多瓦屋絕少院宇狹小

家族制度 全縣居民小家庭佔百分之六十大家庭佔百分之四十

錢幣及度量衡現狀 縣境流通之錢幣爲七錢二分之國幣銀圓及當二十

文之銅圓中央及本省發行之紙幣亦通用度量衡已多數改用新制

二社會習尚

交際慣例 民衆遇有婚喪親友互通慶弔平時酬酢情形例如賓主相見則

互相問候主人備煙茶或酒食款客客去則送門外

宗教情形 道徒僧侶多因貧出家對佛道教義並不明瞭不過按時誦經而

已於社會毫無裨益耶穌天主兩教僅有數處設立教堂信者寥寥鄉愚迷

信之風較前減少

農佃制度 地主與佃戶有按收穫利益均分糧粒者亦有折成租價者

賽會 以前各鄉鎮居民每值舊曆元宵節前後則爲竹馬龍燈高躑花船等

會值春秋農會則演舊劇經取締後均已停止此外無其他賽會

訟爭 縣境居民前因口角鬥毆田產債務糾葛與訟者甚多近因各區鄉鎮

調解員之勸戒訟爭漸少

婚嫁情形 訂婚辦法先由媒人說合門當戶對年命相合擇期換帖即可訂婚婚約仍沿舊式無用正式婚書者聘禮用耳環衣料香艾麩鹽等蓋取又香又愛又有福之好姻緣也迎娶因染齊俗多不行親迎禮屆期由女家備妝奩請送客男女各二人將新婦送至男家行禮成婚拜天地後即入洞房夫婦同飲交心酒吃寬心麵即古合巹而飲共牢而食之意也新婦坐帳數小時後即拜見翁姑及戚屬各尊長七日歸寧名曰接七天五日送回名曰送對月結婚年齡多在十七歲以上二十三歲以下續娶與初婚儀式相同改嫁者絕少贅夫及多夫均無此習慣多妻係因乏嗣而納妾童養媳貧家或有之

喪葬情形 初終著殮衣停屍中堂內外門戶均貼白紙二日大殮三日成服喪服分五等遵古制但尊長對於卑幼反服者絕少訃告用舊式喪帖親友弔奠用香楮三牲果品輓幛贈儀等類親往喪家行叩拜禮屆發引之期孝

子行請靈禮執旛前導舉柩出門親友行祖奠禮孝子碎盆昇柩赴殯所入壙安葬以後每逢春節清明或七月十五月初一等日再行祭禮

附錄

一古蹟名勝

有尼山孟子廟子思作中庸處伏羲講八卦處嶧山晁山昌平山四基山天馬山孟子故里姬三城小邾子故城萬章故居匡衡墓李鐵拐先生得道處南宮适墓申詳墓

二古物

有元重刻秦繹山刻石漢萊子侯刻石牆村殘石

三財政特殊情形

前因土匪騷擾年景歉收以及挖河需款約五十萬元之巨財政窘絀已達極點

四建設特殊情形

架設電話修治道路貸金鑿井建築橋梁均經分期辦理

五教育特殊情形

教育尙未普及現已設立高初級小學二百三十餘處

六實業特殊情形

縣境農田土質不良每年所產糧食不足本縣之用工業極幼稚商業不興旺
九龍山有煤礦未開採夏侯山一帶採石料者頗多

滕縣

政治

一 疆域形勢

境界 本縣縣城東南至嶧縣縣城一百四十里南至江蘇銅山縣城二百四十里西南至江蘇沛縣縣城一百四十里西至魚台縣城一百五十里西北至鄒縣縣城九十里北至泗水縣城一百八十里東北至費縣縣城二百里

山川 縣城南北萬山叢集西南有獨山朝陽微山三大湖境內有七十二泉流於界河泉河北沙河趙王河荊河濼河石橋河薛河溫水河小泥河峭莊河沂河十字河全境山嶺佔十分之四河流佔十分之二平原佔十分之四

土質 肥沃之地約有三分之二礮瘠之地約有三分之一

交通 津浦路直達南北微湖及運河輸運頗便縣鎮道修治完成長途電話

亦已通話交通尙稱便利

二戶口

十三萬五千八百五十戶

七十四萬零七百十四口

三機關

縣政府 一等縣分設五科一局公務人員計共六十二員附屬機關有合作社指導所度量衡檢定所各一處

公安局 縣局一處分駐所一處警官警士計共一百一十一員名共有雜式槍八十四枝

民團 有民團一大隊官佐士兵夫計共一百十四員名均先訓練後分防捍衛地方尙稱得力

聯莊會 總會以下設九分會於各區縣長兼總會會長區長兼分會長鄉長或

鎮長兼甲長二十至四十壯丁皆有會員義務

四自治

全縣共分九區二百十九鄉四十六鎮最大自治區二千二百三十四方里最
小自治區九百六十八方里

五行政概況

治匪 境內土匪大致肅清

衛生 由公安局組設衛生隊一部對於清潔防疫等事頗能認真

禁毒 由縣政府督飭公安局嚴厲查禁境內並無布種煙苗及吸售毒品等
事

禁止蓄髮纏足 男子髮辮業已剪除淨盡惟女子放足縣民多狃於積習尙
未全放已成成立放足委員會極力勸導

救恤 有世界紅卍字分會一處賑務會一處急賑分會一處平民工廠亦在

籌設中

風俗

一 生活狀況

職業概況 除學界外多務農商

主要物價 雜糧落花生爲主要物價格頗廉

服飾習尙 鄉民多以粗布爲衣崇尙樸質服毛織絲織等料及時裝者爲數極少

飲食嗜好 紅梁白麥爲主要食料蔬菜佐之間亦有嗜飲燒酒者

居室情形 草房居多瓦房次之殷實之家間有築樓房者

家族制度 一家之中以尊長主持家政兄弟多析居

錢幣及度量衡現狀 市面通用銀圓銅圓角票各種度量衡多沿舊制正在着手改革中

二社會習尚

交際慣例 鄉鄰戚友每遇婚喪節令拜謁餽贈是其慣例

宗教情形 天主耶穌佛道諸教均有信者但屬少數民教相安頗爲融洽

訟爭 民風刁詐訟爭頗煩

婚嫁情形 通東換啓即可訂婚以首飾衣料爲聘禮娶親多由女家備車送

新婦至男家富戶亦有用親迎者結婚多用舊式用新式者絕少結婚年齡

以男女在十六歲以上三十歲以下者居多續娶改嫁亦有之贅夫多夫則

無此習慣年老無子間有納妾者童養媳多出自貧家

喪葬情形 人死則合家哀號備製衣衾停屍堂中三日大殮宗祧由嫡子繼

承無子者由族中近支過繼之成服遵古制訃告沿舊式弔奠行叩拜禮發

引多用鼓樂儀仗前導孝眷親友哀送至塋地安葬富者以磚石爲墓貧者

掘土成墳祭祀多於節令行之

附錄

一 古蹟名勝

有龍泉塔徽山湖伏羲廟滕文公廟上官館徽子墓鮑叔牙墓管仲墓孟嘗君墓張良墓

二 古物

有匡衡碑唐長興年碑金大定年碑

三 外僑

境內外僑僅有美國基督教士數名

四 財政特殊情形

地方財政不甚敷用有時挪借開支

五 建設特殊情形

省縣鎮道路修治完竣長途電話亦裝成現正疏濬河流修補湖埝

六教育特殊情形

師範講習所一處高級小學三十六處初級小學一百三十九處民衆教育館一處

七實業特殊情形

產糧尙足敷用工業不振商業興旺礦產無

泗水縣

政治

一 疆域形勢

境界 本縣縣城東至蒙陰縣城一百七十里又至費縣縣城一百八十里西南至鄒縣縣城一百十里又至新泰縣城一百三十里又至滕縣縣城一百八十里西至曲阜縣城六十里西北至寧陽縣城一百二十里北至泰安縣城一百六十里

山川 東西北三面環山惟西境略平坦東西有泗河一道發源於東境泉林寺培尾山河身淺窄不通舟楫山多矮小並無名山

土質 環山之地土質礮瘠城郭附近較爲肥腴但亦不過十分之二三

交通 轄境山嶺起伏道路崎嶇運輸貨物以二把手車爲主要工具行人多

以驢代步交通頗難惟曲酒費酒兩汽路均已通車城內各機關及各區均通電話稍覺便利

二 戶口

三萬七千二百十三戶

十九萬一千三百六十口

三 機關

縣政府 三等縣分設五科一局公務人員計共四十七員附屬機關有電話事務所平民工廠

公安局 縣局一處警官警士計共五十三員名共有雜式槍四十八枝

民團 有民團一大隊官佐士兵夫計共六十員名先訓練後分防以衛地方
聯莊會 總會分會早經設立縣長兼總會長各區長兼分會長以一莊爲一

甲設甲長凡各莊二十歲以上四十歲以下之壯丁皆有充當會員之義務

合計九千三百餘名各莊由甲長訓練指揮平時守衛本莊遇匪互相救助
尙能維持本境治安

四自治

全縣劃分十區一百六十鄉十九鎮各區長早經任職鄉鎮各長及監察員等
亦已選舉完畢分別委任鄉鎮自治正著手進行中

五行政概況

治匪 轄境已無盜賊藏匿惟鄰境蒙山素爲大股土匪盤據之地不時來境
內騷擾爲害頗烈

衛生 各街市皆由公安局清道夫逐日掃除不時派警曉諭各住戶凡屬不
潔之物不准傾倒街心沿街設有垃圾箱適中地點設置官廁各飲食店及
澡塘隨時檢查以重公共衛生

禁毒 由縣政府嚴令公安局及各區切實查禁據結報業經禁絕縣長每屆

下鄉講演時尤格外注意訪查

禁止蓄髮纏足 設有社會教育機關一處每逢集期則講演勸導平時赴鄉勸告蓄髮者可稱剪除淨盡惟婦女纏足尙多固執已擬定章則佈告以三個月爲勸導期三個月爲施行期三個月爲執行期如逾期不放即處罰其家長

救恤 設有賑務分會一處孤貧院一處平民工廠一處並由農會代辦貸款處各鄉籌設鄉倉以爲救濟之用

風俗

一 生活狀況

職業概況 居民職業以農業爲大部分而農業又以自耕農爲多佃農不過佔十分之一自耕農兼佃農佔十分之四佃農對於地主尙無不平等之處所得糧粒按二分平均各得其半工商業均佔少數工業爲木匠石匠鐵匠

泥水匠等工價每日除由雇主供給飯食外並給工資洋二角五分工作時
間約十小時商業盡係小本營業

主要物價 麥子黃豆每百斤合銀圓六圓穀子每百斤合銀圓三圓七角高
梁每百斤四圓七角燒酒每斤二角二分猪肉每斤一角七分粗線布每尺
一角

服飾習尚 民風檢樸概以布爲衣料男子工作時多服短衣遇有醜應則服
藍布長袍青布馬褂夏戴草笠冬戴毡帽女子則服布裙不用長袍不剪髮
戴線網花朵首飾等類不戴帽子

飲食嗜好 普通之家多食高粱煎餅佐以菜蔬中產以上者則以麪粉爲主
要食料嗜飲燒酒清茶

居室情形 居民多以起脊草房爲住室間有瓦房均窗戶狹小不合衛生近
年因土匪擾亂鄉中有以石築兩層或三層砲樓而圖自衛者

家族制度 境內居民向係大家庭制度類多聚族而居族有族長掌管全族之事家有家長管理家政卑幼對於尊長絕對服從

錢幣及度量衡現狀 大宗交易以銀圓爲本位零購物品則以銅圓爲主銅圓多當十文二十文至於當五十以上者不通用制錢早已廢止度量衡已改用新制

二 社會習尙

交際慣例 初會面人多互問姓名交換名片有親友關係者遇有婚喪則往來慶弔餽贈禮物遇節令則互相拜賀

宗教情形 佛教寔衰各廟僧人多不學無識甚有不知經典爲何物者間有三居士研究佛學並無學社學會等組織道教因廟產多辦教育道士幾乎絕跡間有携帶家眷看守廟宇藉以糊口者天主耶穌信者甚少

賽會 縣境交通不便並無定期賽會春夏之交僅有農會及買賣農作器具

者

訟爭 自治機關設有各級調解委員會尙能盡職調解惟調解不下之訟事多纏訟不休一經法院判決大半上訴民性刁狡可見一斑

婚嫁情形 媒妁介紹家長主婚雙方認可即可訂婚婚書多沿舊式迎娶用親迎者絕少多由女家備花轎鼓樂奩妝送至男家送親客人有用三四十名者新婦至男家先拜天地夫妻再行交拜入洞房行合巹禮書香之家有用新舊結婚儀式兼半者成婚三日後新夫婦一同拜墳祭祖然後新婦拜見翁姑及戚族第四日男女再同赴岳家拜見女家家長謂之認親結婚年齡多數在男十五歲上下女在十八歲上下續娶與初婚儀式相同改嫁人多輕之多私相約會行禮無舉行儀式者贅夫多夫均無此習慣老年無子間有納妾之舉童養媳貧家或有之

喪葬情形 人初死子女號哭赴門外焚燒紙錢謂之送路三日或五日開吊

謂之送魂遺囑多口授繼承重宗祧入殮成服均沿舊習惟死者之女已出嫁者須向其夫家家長行禮求其允許始准成服謂之討服訃告用書寫喪帖無登報或印刷者弔奠禮節跪拜或鞠躬兼有之發引時孝子先行家奠然後起靈運靈多用二十四人抬之儀仗鼓樂前導親友送喪並設路祭至葬所祭土安葬掩土封墳服喪期間親疏長幼分爲五等各有等差居喪服素衣不茹葷酒祭祀於忌日或節令行之

附錄

一名勝古蹟

七區泉林有子在川上處石碑縣城東門外有仲子負米碑東郭外有仲子廟城東北八里有泗台(即孔子問禮處)城西二里有元朝達魯花赤富泰墓

二古物

城內明倫堂有齊雋修羅石碑一面城東北八里寺台村有齊金玉佛石碑一

面

三財政特殊情形

縣境前者迭遭匪災民窮財匱逃亡死絕之戶日見增多且糧戶花名均係某某堂不具真實名姓催征特感困難

四建設特殊情形

費泗兩縣道均已修築省縣電話線杆亦已架設全線共長一百七十里已成舊式井五百四十餘眼

五教育特殊情形

全境小學百三十三處師範講習所一處社會教育機關一處教育經費不足尙難發展

六實業特殊情形

每年產糧不敷本縣之用工藝出品柘溝鎮陶器磁盆甕缸等件運銷河南江

蘇等省出售商業只有小本營業礦產無

汶上縣

政治

一疆域形勢

境界 本縣縣城東至濰陽縣城六十里東南至滋陽縣城九十里南至濟寧縣城九十里西南至鉅野縣城一百十里又至嘉祥縣城九十里又至鄆城縣城一百十里西北至東平縣城六十里又至壽張縣城一百六十五里東北至泰安縣城一百八十里

山川 縣境多屬平原惟東北部有曇山臥佛山九峯山等小山河流有汶運河又有南旺湖馬躑湖蜀山湖

土質 縣內土地沙運兩河沿岸及城西城城北俱屬肥沃城東城南則多瘠薄
總計全縣土地之肥瘠各佔其半

交通 縣城東距津浦路曲阜站九十里築有汶泗汽車路歷濟汽車路亦經過縣城交通較稱便利

二戶口

七萬二千七百四十五戶

四十二萬一千零九十五口

三機關

縣政府 二等縣分設五科一局公務人員計共四十員名附屬機關有合作社指導所度量衡檢定所各一處

公安局 縣局一處派出所一處警官警士計共五十八員名有雜式槍四十二枝

民團 有民團一大隊官佐士兵夫計共一百十四員名先訓練後分防捍衛地方頗能認真

聯莊會 總會以下設十分會於各區縣長兼總會長區長兼分會長鄉鎮長兼甲長二十至四十壯丁皆爲會員防衛地方頗稱得力

四自治

全縣劃分十區一百八十三鄉早已按新自治區施行並已調集各鄉鎮長等成立地方自治訓練所分期訓練業經訓練完竣

五行政概況

治匪 縣內以前盜匪頗熾近自清鄉以後已漸次絕跡

衛生 由公安局按照衛生綱要次第進行清潔運動及防疫種痘體育各項

事宜

禁毒 迭經督飭公安局及各區長積極查禁吸售各犯現已將次肅清

禁止蓄髮纏足 男子髮辮已完全剪除檢查放足工作正在切實進行

救恤 縣內有賑務分會及貧民貸款所並有救濟院普濟堂兩處至平民工

廠現正加緊籌備不日即可成立

風俗

一生活狀況

職業概況 全縣大多務農業工者十居二三農民兼有造草帽瓣及髮網者

主要物價 全縣農產率多按照市價隨時規定素無一定價目

服飾習尚 民俗醇樸以著布衣爲最多

飲食嗜好 民間多食粗糧性好飲酒食辣

居室情形 草房居多抵潔淨

家族制度 大家庭爲多以家長主政閤族事務由族長掌管

錢幣及度量衡現狀 市面流通以銅圓爲大宗度量衡甚不一致刻已成立

度量衡檢定所以資改善

二社會習尚

交際習慣 每遇年節及農閒之時互相酌酢禮物多餽茶點

宗教情形 有佛道回耶穌天主等教信奉者不少

訟爭 民性剛直每以細故興訟

婚嫁情形 男女雙方由媒妁介紹同意後交換庚帖此爲定婚初步婚約用

紅摺大箋聘禮多用酒食茶點選期由男家擇定吉期通告女家屆時由新

郎乘轎前往迎娶結婚儀式新夫婦就天地位前行跪拜禮成婚後次日女

家接新娘回門並請新郎同往此爲認親結婚年齡大抵男女均在二十歲

上下如男子中年斷絃乏子嗣多半續娶孀婦如在妙年亡夫既無子嗣又

乏田產十居八九招一贅婿贅婿與出嗣彷彿大半隨其婦之娘門或竟從

其姓以奉養岳父母於終身多夫多妻情事均甚少童養媳習慣大半出於

女家奇貧

喪葬情形 始喪閤家舉哀第三日開弔遺囑多以口頭囑其子嗣間有用口

頭表明意旨假親鄰或子嗣留爲筆記者形式不一死後如無子嗣或孫輩承受遺產在親族中擇賢承乏斯支入殮先用酒噴面再移尸入棺成服除親喪三年服外仍分期服大小功服及總麻服等訃告仍多用舊式弔奠鞠躬叩頭並行發引率用舊俗安葬將棺懸落窆後孝眷圍墓擲土一週即運土掩埋

附錄

一古蹟名勝

全縣著名古蹟有餘韻樓思聖堂冉子閣彥章廟

二古物

著名古物有夫子履彥章鞭

三財政特殊情形

地方款隨丁漕附加一切手續均按定章辦理

四建設特殊情形

建設歷濟汽車路汶泗支路已修完竣全縣十區電話亦已安裝

五教育特殊情形

全縣教育因連年受軍事影響致多停頓現已竭力漸復中

六實業特殊情形

農產除五穀外葶薺百合山藥最多城東北二十五里曇山發現金礦現正探
試開採

嶧縣

政治

一疆域形勢

境界 本縣縣城東至鄒城縣城一百六十里東南至江蘇邳縣縣城一百十里西南至江蘇銅山縣城一百八十里西北至滕縣縣城一百四十里東北至費縣縣城一百六十里東北至臨沂縣城一百八十里

山川 西北多山東南有運河承水河

土質 土質多瘠絕少肥田

交通 東西有台棗鐵路西接津浦南北有棗沂汽車路南有運河交通頗稱便利

二戶口

八萬一千二百二十五戶

四十二萬三千八百八十七口

三機關

縣政府 二等縣分設五科一局公務人員計共七十員附屬機關有合作社
指導所民衆教育館

公安局 縣局一處分駐所一處派出所二處警官警士計共一百三十九員
名有雜槍一百零四枝

民團 有民團一大隊官佐士兵夫計共一百零七員名保衛地方尙稱得力
聯莊會 總會以下設六分會縣長兼總會會長區長兼分會長二十歲以上四
十歲以下之壯丁均有充當會員之義務

四自治

全縣劃分六區一百十二鄉十八鎮最大自治區一千二百方里最小自治區

一千方里

五行政概況

治匪 轄境已無股匪零星小匪正在搜剿

衛生 逐日派衛生警檢查街道及各公共廁所力求清潔街市所售食物均

覆蓋紗罩

禁毒 由縣政府督飭公安局嚴行查禁吸者極少

禁止蓄髮纏足 男子蓄髮者已不多見女子纏足經一再勸禁較前亦少

救恤 設有賑務分會貧兒院育幼院各一處並無工廠之設置

風俗

一 生活狀況

職業概況 人民多數業農工商業向無發展自民國十五六年來凶荒飢饉

兵匪遍地農村經濟完全破產工商更一落千丈故直至近年元氣未復每

至春夏之交以草根樹皮爲食者所在多有生活困難可以概見

主要物價 麥子每斤約值銅圓十五枚小米高粱每斤約值銅圓十二枚

服飾習尙 民性儉樸對於服裝向不講求所衣者多係土布婦女只帶耳環

並用藍布或黑布包頭

飲食嗜好 以高粱煎餅爲主要食物喝小米湯喜食辣椒並有嗜煙酒者

居室情形 土屋居多瓦房甚少前數年土匪猖獗房屋多被焚燒故現在居

室尤爲簡陋

家族制度 多係大家庭一切家政由家長主持子女不得過問

錢幣及度量衡現狀 商戶向來濫發紙幣金融極爲混亂度量衡亦極不一

致推行新制頗爲困難

二 社會習尙

交際慣例 熟人見面照例寒暄親友拜訪欸留酒飯遇婚喪互通慶弔餽送

禮物皆慣例也

宗教情形 佛道天主耶回各教均有惟信者無多民教頗能相安

農佃制度 本縣地主對於佃農極其苛刻每屆農忙不出男差即出女差佃農只得放下犁鋤去爲地主傭工無論時日多不給工資分糧地主攤二分之一

訟爭 訟爭之事頗多且多係刑事案件或匪情民事訴訟較少

婚嫁情形 媒人說合兩家認可交換柬帖卽爲訂婚聘禮用紅綠帶子頭繩及銀耳環之類富家男用書籍女用銀器迎娶有用親迎者有用花轎一乘迎娶者結婚多於院中設香案夫妻交拜然後行合巹禮翌日新婦拜翁姑及祖墳結婚年齡以男十七女十九或二十一爲多妻死則夫續娶夫死則重守節改嫁者爲鄉人所不齒贅夫習慣絕少童養媳亦甚少見

喪葬情形 始喪合家哀哭先招集鄉鄰欸以酒食請幫忙籌辦一切然後定

期開弔二日入殮遵禮成服訃告用舊式喪帖弔奠行叩首禮發引之期將棺抬出孝眷親友送喪至塋次富者用武人騎馬圍跪數十週然後安葬貧者棺到即入土

附錄

一古蹟名勝

有劉伶古台匡衡墓偃陽城偃陽君墓岳飛養眼樓二疏散金台

二古物

有偃陽磚私人保存大觀聖作碑存文廟內

三外僑

城內天主教堂有荷蘭國教士柏德祿一名耶穌教之外人來去無定

四財政特殊情形

地方財政尙能支持一遇災荒則不敷用

五建設特殊情形

電話道路農林鑿井較前極爲發展成績均有可觀

六教育特殊情形

全縣學校共七十二處教育尙未普及

七實業特殊情形

每年產糧尙能敷用棗莊煤礦蘊藏頗富每日約出三千噸

濟甯縣

政治

一 疆域形勢

境界 本縣縣城東至滋陽縣城六十里又至鄒縣縣城七十里南至魚台縣城一百十里南至金鄉縣城九十里西至嘉祥縣城四十五里北至汶上縣城九十里又至寧陽縣城九十里

山川 縣境多係平原惟與嘉祥縣連界地方有曠山有馬場湖及南旺湖蜀山湖又有洸河泗河河運河長澹河龍拱牛頭河顏兒河苜蓿河等

土質 東南西三面地勢低窪與湖河相連常受水災土質礮瘠北鄉地勢稍高土質亦較優

交通 兗濟支路東接津浦路又有汽車路數道並有運河直貫南北水陸交

通頗稱便利

二戶口

八萬零三百三十三戶

四十二萬八千二百七十九口

三機關

縣政府 一等縣分設五科一局公務人員計共五十七員附屬機關有閱報

所平民工廠

公安局 縣局一處分駐所四處警官警士計共二百四十四員名有雜槍一

百九十九枝

民團 有民團一大隊官佐士兵夫計共一百七十四員名先訓練後分防足

資捍衛

聯莊會 總會設於縣政府分會共八處設於各區由縣長兼總會長區長兼

分會長共有會員三千三百零九名槍二千零四十四枝均係會員自備各鄉自衛頗稱得力

四自治

全縣共分八區一百四十九鄉十三鎮最大自治區一千二百方里最小自治區四百方里

五行政概況

治匪 境內並無大股土匪其零星小匪由團警及聯莊會隨時巡緝不足爲害

衛生 衛生事項未設專管機關所有清潔防疫各項由公安局隨時辦理

禁毒 迭經督飭禁止已無販賣吸食者大致可稱禁絕

禁止蓄髮纏足 蓄髮纏足各項除由縣政府督飭公安局隨時查禁外並已迭飭各區長首事負責嚴禁以祛惡習

救恤 設有慈善院收養老弱殘廢並施材會施放棺木又有保節會助恤貧苦婦女棲流所及粥廠每逢冬季施粥然皆係私立由本地士紳籌設平民工廠計有二處一爲慈善院附設一爲織布工廠惟範圍均甚狹小

風俗

一生活狀況

職業概況 農界居多商界次之間有知識份子在教育界或軍政界服務者

主要物價 以農產品爲主要物如麥豆等每斤約合銅元十六枚

服飾習尚 軍政學各界均服制服農商兩界均服便裝大率以布爲衣料頗爲檢樸

飲食嗜好 粗食淡飯爲普通食物惟嗜酒者成人中約佔十分之二

居室情形 居民多以土築屋磚瓦房甚少

家族制度 家有家長族有族長有管理監督之責卑幼絕對服從

錢幣及度量衡現狀 銅圓銀圓與鈔票通行度量衡已一律改換新制

二社會習尚

交際慣例 遇有婚喪親友餽送禮物主人設筵待賓

宗教情形 佛道教均已衰落天主耶穌信者亦少鄉愚迷信之風尙難澈底

剷除

農佃制度 有兌種均分者有實行糧租者大約每畝以六十斤以上八十斤

以下爲度

賽會 酬神演劇農暇時常有之此外無其他賽會

訟爭 或因家務不清或因地畝糾葛或因賬目不明間起訟端刑事案件不
多

婚嫁情形 經媒人說合雙方家長同意交換柬帖而婚約以成聘禮僅用首
飾數件及果品等類屆期用彩轎鼓吹迎娶至男家行拜堂禮次日拜翁姑

及親屬結婚年齡大致在十七八歲上下斷絃重續者其儀式與初婚同改嫁多出自貧家童養媳間或有之

喪葬情形 人初死舉家哀哭訃告親友行入殮禮遑禮成服弔奠仍用跪拜禮屆發引之期先行家奠禮然後出柩親友行路祭禮孝眷引靈入塋次扶柩入穴掩土封墓行墓祭禮

附錄

一古蹟名勝

有唐建鐵塔季白酒樓季白浣筆泉唐杜甫南池

二古物

有漢鏃斗銘郭有道碑食堂畫像題字北海相景君銘鄭固碑武榮碑魯峻碑
鄭季宣碑朱君長三大字孔子見老子畫像題字魏范式碑唐任城橋亭記

三外僑

駐有德美兩國外僑均以傳教行醫爲職業

四財政特殊情形

地方財政惟隨糧帶征之附捐爲大宗其餘雜捐無多不敷開支虧欠甚鉅

五建設特殊情形

洙水河長約五十餘里工程異常浩大自奉令挑挖每日招集民夫不下四萬餘名加緊工作不日即可完工

六教育特殊情形

學款無多尙難普及現有公立完全小學九處公立初級小學七十六處私立完全小學三處私立初級小學一百四十一處

七實業特殊情形

農產物以五穀爲大宗因地狹人稠每年產糧不敷本縣之用工商業除火柴公司織布工廠麵粉工廠電燈工廠外其餘均小本營業礦產無

金鄉縣

政治

一疆域形勢

境界 本縣縣城東南至魚台縣城四十五里西南至單縣縣城七十里又至城武縣城九十里西北至鉅野縣城九十里北至嘉祥縣城九十里東北至濟寧縣城九十里

山川 縣境地盡平原北部有羊山一座中部澗柳沙東溝西溝五河縱橫交錯惜旱淤澱無利可興正動工挑挖

土質 南鄉土質多沙東西北三鄉土質鬆散均屬中等惟北鄉地勢窪下交通 縣境有濟柳金單汽車路行旅往來尙稱便利

二戶口

四萬六千二百八十三戶

二十六萬三千零八十二口

三機關

縣政府 二等縣分設五科一局公務人員計共四十九員

公安局 縣局一處警官警士計共六十三員名共有雜式槍三十七枝

民團 有民團一大隊官佐士兵夫計共七十八員名先訓練後分防以資保衛

聯莊會 總會以下設十分會於各區縣長兼總會長區長兼分會長鄉鎮長兼甲長遇事鳴鑼爲號頗足自衛

四自治

全縣共分十區一百七十八鄉十一鎮最大自治區六百八十五方里最小自治區四百二十四方里

五行政概況

治匪 縣內正在澈底清鄉之際尙無大股匪患惟西北羊山一帶與嘉祥諸山毗連素爲盜匪出沒之所該山鎮駐有第八區區公所不時令飭警團巡緝以靖地方

衛生 由縣政府責成公安局隨時洒掃街道暨檢查飯館等處以重衛生並設防疫所及時防疫

禁毒 縣內對於毒品盡力偵查迭經破獲烟犯依法懲辦境內已無私種烟苗情事

禁止蓄髮纏足 縣境已無蓄髮之男子至女人放足城關青年婦女殆已放盡鄉間婦女狃於積習間有未放者現仍督飭放足總分會認真檢查逾限未放者照章處罰以期完全解放

救恤 縣內已成立賑務分會貸濟處一處專事調濟貧民并有平民工廠一

處

風俗

一 生活狀況

職業概況 全縣男多爲農女多紡織

主要物價 全縣以產麥爲大宗每斤約合洋七分

服飾習尚 男女多以粗布爲衣女子首飾銀質較多

飲食嗜好 普通多用粗糧佐以白菜豬羊肉性好飲酒

居室情形 縣城多瓦屋鄉鎮多土平房

家族制度 家內以長輩爲主族中設有家祠按時祭祀

錢幣及度量衡現狀 縣內從先紙幣濫出以致金融紊亂現已禁絕市面一

律改用銀圓並遵用新制度量衡

二 社會習尚

交際習慣 縣內民俗凡遇喜慶奠帛等事或送錢或送食物不等

宗教情形 縣有儒釋道及回教天主耶教等教

農佃制度 地主與佃戶每季所得糧麥各分其半

賽會 縣內向無迎神賽會舉動

訟爭 民情好訟

婚嫁情形 男女訂婚以父母之命媒妁之言雙方同意即爲定婚初步婚約

多用舊式柬帖向無聘禮如女家貧寒者臨嫁時由男家助金銀首飾衣服

迎娶儀式咸用親迎禮或乘轎或乘車以家道之貧富定儀式之繁簡結婚

儀式仍用跪拜禮結婚年齡男子在十八九歲女子十六七歲不等續娶者

甚多無改嫁贅夫等習慣

喪葬情形 始喪每日舉哀三次晚燒芻靈鄉俗向無遺囑宗祧繼承多依長

幼子之序而定間有因乏嗣擇愛而立者不拘長幼入殮成服咸遵古禮服

制以親屬遠近定喪服等差訃告仍用舊式奠弔多送輓幛行三鞠躬禮發引儀節孝子戚族皆跪拜行起靈禮親友執紼作爲前導至塋地安葬後陳設香案祝告靈位施送終禮

附錄

一古蹟名勝

著名古蹟有剛城周公台兩疏故里周倉墓劉伶墓

二財政特殊情形

地方財政不甚充足

三建設特殊情形

本縣十區電話架設齊全

四教育特殊情形

全縣學校大致設立普及

五實業特殊情形

農產以麥麻菽爲大宗又有菜花其葉爲食其子可榨油製造品有靛青草帽
辦等縣境第九區磁窑村產煤早有華豐合記煤礦公司以機器開採但以煤
質不佳祇銷售本地並不能運銷外縣

嘉祥縣

政治

一 疆域形勢

境界 本縣縣城東至濟寧縣城四十五里南至金鄉縣城九十里西至鉅野縣城四十五里東北至汶上縣城九十里

山川 全縣共有山九十九座河三道除山河外盡屬平原

土質 北部多係平原土質肥沃南部多山土質較爲礮瘠

交通 曹濟汽車路東西橫貫縣鎮道路已擇要修築各機關及各區公所均通電話小路往來運輸多係牛馬大車人力車或肩挑背負者所在多有轉運頗感困難

二 戶口

二萬七千二百戶

十四萬五千一百八十五口

三機關

縣政府 三等縣分設五科一局公務人員計共五十三員附屬機關有合作

社指導所民衆教育館

公安局 縣局一處警官警士計共五十一員名共有雜廢槍三十九枝

民團 有民團一大隊官佐士兵夫計共六十員名先訓練後分防保衛地方

頗能認真

聯莊會 設有總會一處分會四處按糧地二頃出會員一員擔任防衛事宜
各分會每月會哨一次其會哨地點及日期臨時約定遇有匪警以燃炸炮
或鳴鼓擊鐘爲號附近聞聲即出動協助

四自治

全縣共分四區八十八鄉十五鎮最大自治區三百八十里最小自治區二百四十方里

五行政概況

治匪 自民十七成立聯莊會以來盜匪幾無立足之地迄今漸見絕跡卽有時發現不過跳梁小醜隨時撲滅不足爲害

衛生 迭經督飭公安局派警檢查並勸導人民頗知清潔衛生較有進步

禁毒 縣境並無煙苗發生對於販賣吸食毒品者由縣政府責成公安局認真查禁有犯必懲成績頗著

禁止蓄髮纏足 男子剪髮已有十分之九惟縣境風氣閉塞婦女纏足惡習未退現正督飭婦女放足會勒限解放

救恤 賑務分會存有賑款三千元無息貸給貧民使用定期償還又倉穀備荒正在籌辦中

風俗

一 生活狀況

職業狀況 男多務農女多紡織因地處山陬交通不便工商業極蕭條近因教育逐漸發達求學青年日見增加

主要物價 小麥每斤洋六分雜糧每斤五分油酒每斤二角上下籽棉每斤一角八分十六支棉紗每斤八角土布每尺八分普通木料每長一公尺直徑一公寸價一元

服飾習尚 鄉間多衣本地土布城市間有衣細布者至於綢緞及各種毛織物服用者極少且城市亦無售賣者

飲食嗜好 居民除以粗糧爲主要食料外並喜食辛辣之物如葱蒜椒子等幾於每飯必有吸烟飲酒之風尙不甚熾

居室情形 普通房屋多用土築惟富裕之家或有用磚瓦者因人民經濟困

難無力建築寬大房舍所居者率多卑陋不堪

家族制度 族有族長家有家長兄弟成年則析居另住遇有重大事件每取決於族長

錢幣及度量衡現狀 零星交易多用銅圓物價在一圓以上者即改用銀圓
度量衡現正改用新制而舊有者尙難完全廢止

二社會習尙

交際慣例 遇喜慶喪祭必先通知戚友到期則登門慶弔如有餽贈物品報酬必厚於原物洵有投桃報李之故俗

宗教情形 釋道回天主耶穌各教均有釋道兩教日見衰落天主教近來人民多不信仰甚至有反教者耶穌教向來信者極少民教素常相安並無齟齬

農佃制度 佃戶所得之收穫品交地主二分之一其餘完糧納稅及一切雜

差皆由地主擔任亦有地主出牛力肥料佃戶只出人力所得收穫地主得十分之七八佃戶得十分之二三者並有固定租價按年繳納者

訟爭 民風樸厚無狡猾之習偶有爭訟者一經調解即行了結正式成訟者極少

婚嫁情形 由媒妁介紹男女兩家長認可交換紅柬即可訂婚無用新式婚書者聘禮多用耳環戒指之類女家亦用書籍筆墨酬答男家中產以上之家多行親迎禮貧家則用車轎迎娶俗謂之等婚女至男家用紅綢蒙面與新郎交拜天地再入洞房行合巹禮次日女家即接新夫婦回門返回後新婦拜翁姑及戚族結婚年齡在十七八歲左右男子續絃視爲故常女子喪夫則重守節改嫁者極少

喪葬情形 人死後即著殮衣移於靈床以白紙蒙面親友弔後即入殮成服發殯以前再訃告親友屆期舉行堂祭後孝子執旛導靈至葬所入土掩埋

再行祭奠禮服喪期間違古禮五服之制祭祀則於死者忌日或節令行之

附錄

一古蹟名勝

縣城東關有古碑一座上書孔子聞絃歌處縣城南三十五里南武山前有曾子墓墓東三里許有土臺二相傳爲曾子耘瓜處范式墓在縣南十五里大鼎山前今淤沒不知其處有碑題曰盧江太守范府君碑晁錯墓在縣南十五里釣魚山下翁仲石馬羊虎俱存魯武公墓在縣南五里魯宅山陽郗鑿墓在城南七里燈台山西

二古物

漢燉煌長史武班碑在縣南二十五里武宅山西武梁祠內武氏石闕銘並畫像在武宅山西建和元年立盧江太守范府君碑今移濟寧

三外僑

縣境有德國設立天主堂美國設立耶穌堂所有教士均係中國人並無外僑

四財政特殊情形

地方財政收支尙能相抵惟自十九年二月至二十一年五月軍事臨時支應
委員會招待兵差陸續挪借地方公款洋七千五百九十餘元至今尙無法彌
補

五建設特殊情形

苗圃林場均尙發達計設苗圃六處共育樹苗一百一十三萬六千七百株林
場五處植樹一百零五萬株疏濬潞水薛公岔兩河擬修橋梁十八座涵洞四
十二個現正籌畫進行

六教育特殊情形

現已設立完全小學三處初級小學四十五處區立初小一百零三處因經費
困難未能普及

七實業特殊情形

農產品五穀皆有每年所產尙足供本縣之用工藝品有棉線土布蔴麻繩皮
鞭筐籃箕簸箕磚瓦石灰土製盆罐木器鐵器等物商業極蕭條礦產無

魚台縣

政治

一疆域形勢

境界 本縣縣城東至滕縣縣城一百五十里東南至江蘇沛縣縣城一百里南至江蘇豐縣縣城六十里西南至單縣縣城九十里西北至金鄉縣城四十五里北至濟寧縣城一百十里東北至鄒縣縣城一里七十里

山川 境內東北一隅與鄒滕接壤之區有山其餘皆屬平原地勢低窪有萬福河西支河東支河八里河惠河運河更有南陽獨山昭陽三湖爲十數縣洪水尾閘

土質 縣內土地多瘠且十年九災秋季不收人民疾苦萬分
交通 交通不便因年年水災道路屢修屢壞

二戶口

三萬六千二百九十三戶

二十萬零七千七百四十九口

三機關

縣政府 二等縣分設五科一局公務人員計共五十一員附屬機關有消費

合作社指導所度量衡檢定所長途電話事務所各一處

公安局 縣局一處派出所二處警官警士計共六十三員名有槍九種共計

三十一枝

民團 有民團一大隊官佐士兵夫計共一百六十八員名先訓練後分防捍

衛地方頗稱得力

聯莊會 縣長兼總會長各區長兼分會長所有會員皆以有槍之家充任遇

有匪警均有守望相助之責

四自治

全縣共分七區九十九鄉十鎮區鄉鎮公所均早成立關於自治事項積極進行

五行政概況

治匪 縣內向係匪區近年因搜捕綦嚴尙稱安謐

衛生 衛生無設備鄉民窮苦無知更不知講求衛生已飭公安局督促進行

禁毒 無大批販賣毒品者吸食之犯迭經查拿法辦已日見減少並設戒煙

所極力戒除

禁止蓄髮纏足 男子蓄髮幾已絕跡婦女纏足仍所在多有近經厲行勸禁

幼女已無纏足者

救恤 縣內無救恤機關現擬籌款購糧貸濟貧民

風俗

一 生活狀況

職業概況 商業蕭條工藝甚少僅有家庭工業織土布者五六家

主要物價 以小米白麪爲主要物品其價目隨市而定

服飾習尙 衣長袍短褂者居多

飲食嗜好 民食除粗糧外附以小魚牛肉羊肉等物

居室情形 居住多係茅草房屋陳設粗笨簡單

家族制度 家族之間多守舊制

錢幣及度量衡現狀 市面通行銀幣及當五枚當二枚銅圓度量衡正在檢

定改良進行中

二 社會習尙

交際習慣 凡遇慶弔設宴款賓乃交際之常

宗教情形 天主教甚熾基督教次之亦間有信仰道佛兩教者

農佃制度 每年收益大約地主得七分佃戶得三分

賽會 作理佛道場者有之

訟爭 民情惰悍訟爭者尙不多見

婚嫁情形 初定婚經媒人撮合兩方再換庚帖婚約多用舊式聘禮習用釵

環首飾迎娶多以轎娶男赴女家爲親迎以車娶者男不赴女家名爲等親

結婚行雙拜天地及交拜禮成婚後三日男往女家宴會名爲回門結婚年

齡男女皆在二十歲上下至續娶改嫁鄉民多尙此習而多夫多妻鄉俗無

之

喪葬情形 臨終焚化紙馬香鏢名爲燒倒頭紙遺囑有無參半繼承按支派

依次而定女子承繼尙未行之入殮時間多在午前封棺成服行五拜七拜

九拜各頓首禮父母一存一亡者服孝一年半父母雙亡者服孝三年訃告

多採用舊式弔奠多行頓首禮發引一切儀仗均用舊式棺入窆時送葬者

一律行禮

附錄

一古蹟名勝

縣城東北鳧山麓有伏羲陵縣北武台村魯隱公觀魚台城北穀亭鎮有寧母亭相傳爲魯僖公會齊侯宋公鄭世子華盟於此

二古物

有漢伏羲畫像唐棲霞寺造像碑

三外僑

天主堂有外人傳教但不詳其國籍人數

四財政特殊情形

因每年多災地丁緩收以致附捐短收甚巨財政困難萬狀

五建設特殊情形

縣境地勢窪下接收四外二十餘縣之水宣洩不易非設法將運河牛頭河下游疏浚則魚台水患不能免除

六教育特殊情形

教育經費因受災緩征積欠過巨以後師範講習所停辦師資缺乏

七實業特殊情形

縣境地勢窪下十年九潦濱湖區域之農田則種晚麥其高原之地多產小麥高粱雜豆等製品蘆蓆草鞋土布碱硝等物

臨沂縣

政治

一 疆域形勢

境界 本縣縣城東南至江蘇贛榆縣城一百七十里南至郯城縣城一百十里西南至江蘇邳縣縣城一百六十里西南至嶧縣縣城一百八十里西至費縣縣城一百里西北至蒙陰縣城二百二十里北至沂水縣城二百里東北至莒縣縣城一百八十里

山川 縣境西南及東北有少數山嶺其餘皆爲平原河流有沂河流河祜河東漣河西沭河涑河湯河鄂堵河陷泥河小沭河向城河
土質 肥沃之田約三分之二礮瘠之地約三分之一

交通 境內自嶧沂郯沂莒沂沂各路修築完成商辦及軍用汽車現已往

來通駛交通較前頗覺便利

二戶口

十五萬五千九百三十七戶

八十萬八千八百十九口

三機關

縣政府 一等縣分設五科一局公務人員計共五十三員附屬機關有養濟

院普濟堂

公安局 縣局一處分駐所一處警官警士計共一百零二員名有雜式槍六

十二枝

民團 有民團一大隊官佐士兵夫計共一百七十四員名先訓練後分防以

資捍衛

聯莊會 總分會均經成立縣長兼總會長區長兼分會長以有槍之壯丁充

會員遇警赴援尙稱敏捷

四自治

全縣共分八區一百六十二鄉三十一鎮最大自治區六千餘方里最小自治區二千餘方里

五行政概況

治匪 縣境素稱盜藪土匪不時出沒成股之匪雖經大軍勦捕逃竄而零星小股仍復時常發現防範極難

衛生 並無專辦衛生機關關於衛生事項均由公安局擔任進行狀況尙屬合宜

禁毒 關於禁毒事項除由縣政府督飭公安局嚴密查拿外尙不時委派委員赴各區會同各區長竭力勸禁張貼佈告嚴行禁止戒毒所正在組織中禁止蓄髮纏足 剪髮放足辦理頗爲嚴厲現在蓄髮之男子已絕跡惟女纏

足者以積習難移仍多有未解放者已組織天足會廣爲勸導並限期一律解放

救恤 現有養濟院棲流所普濟堂常年有固定田產供給之又有外人設立之育嬰堂等均有一定經費縣中現又籌設縣倉區倉原有救恤機關爲賑務會紅十字會等

風俗

一生活狀況

職業概況 居民大部務農工商業次之婦女則兼業紡織

主要物價 小麥每斤大洋四分黃豆每斤三分高粱每斤二分餘土地每畝二百四十弓平均大洋五十圓牛每頭約四十元驢每頭約二十元粗布每尺約七分洋布約八分

服飾習尚 縣境地僻民貧服飾不尙華美普通農民操作夏則赤背跣足冬

則僅着破襖而已至於政學各界向日必着大褂長袍現在一律改着制服
工商各界衣服形式雖有不同而布製居多總不出儉樸範圍

飲食嗜好 鄉農飲食非常粗劣普通以高粱糝子爲主要食糧其次則爲黃
豆紅薯胡蘿蔔或樹葉菜根而已富裕之家及城鎮居民則多麥麪爲食而
酒肉亦爲其嗜好品

居室情形 鄉村多係茅屋且極矮小城市則瓦房較多屋宇高大室內几案
桌椅俱備惟均係舊式木器沙發籐椅不多見

家族制度 民俗醇厚多聚族而居父母在時子女無私產處理家事長幼有
序俗所爲有父從父無父從兄蓋父兄卽家長家政所自出也

錢幣及度量衡現狀 市面通用錢幣爲銀圓銅圓中央中交各銀行鈔票及
濟南平市官錢局角票無其他錢色度量衡舊制極爲混亂現在城市已改
用新制惟鄉村尙未實行

二社會習尚

交際慣例 宴會酬酢禮物往還

宗教情形 城內天主教不甚發達南關耶穌教頗爲興盛城內并設有佈道所與居民無異惟南關回民雜居情形不免小有隔閡

農佃制度 年得收穫地主佃戶平均分之

賽會 有高躑龍燈獅子等會

訟爭 民性質直每因細故輒起訟爭

婚嫁情形 媒人說妥交換柬帖卽爲訂婚用首飾衣服等物爲聘禮迎娶用轎結婚拜天地行合巹禮新婦拜翁姑結婚年齡自十七八至二十三不等續娶與初婚無異改嫁坐黑轎或開轎門贅夫隨女姓養老送終再復姓女無多夫習慣男或有一妻一妾者童養媳間或有之

喪葬情形 始喪燒紙鏤孝男女穿白日間下午在街口燒車轎謂之送路死

之次日或三日入殮設祭成服訃告用舊式訃文弔奠四叩首或有三鞠躬者發引時儀仗在前孝子執旛引路靈柩在中孝女在後臨穴時先引禮後安葬惟孝女不得參加喪服期間子三年女一年妻與子同

附錄

一古蹟名勝

有左丘明墓季文墓漢疏廣疏受散金臺王羲之洗硯池又有蒼山疊翠沂水托藍文峯積雪夕陽返照孝河凝冰大冶神鉄泥陀雙月半野曉露

二古物

有漢伏女傳經畫像車馬圖像許始等造像呂世標等造像金普照等碑

三外僑

南關耶穌教堂內有美國人西門裏天主教堂內有德國人二處僑民共十餘人

四財政特殊情形

地方財政雖不充足尙無大困難

五建設特殊情形

修築縣道六百餘里修復橋梁三十七座架設縣有電話三百餘里架設五縣
聯絡電話扒河四道開渠十七道

六教育特殊情形

已設縣立師範講習所一處縣立完全小學十一處初級小學五處區立完全
小學十九處初級小學二百零五處村立初級小學六處私立完全小學三處
初級小學二處

七實業特殊情形

境內年產糧食足供應用特別出品有于泉嶺鑽石工藝出品有髮網草帽辦
草鞋機織粗布毛巾線襪陶器鐵器而蘭陵酒尤爲著名商業皆小本經營城

西南窰南頭老屯等處並有煤礦

郟城縣

政治

一 疆域形勢

境界 本縣縣城東至江蘇東海縣城一百八十里東南至江蘇沭陽縣城一百八十里南至江蘇宿遷縣城一百八十里西南至江蘇邳縣縣城九十里西至嶧縣縣城一百六十里西北至費縣縣城一百八十里北至臨沂縣城一百十里東北至江蘇省贛榆縣城一百八十里

山川 東有馬陵山蒼山及沭河西有沂河武河涑河其餘概屬平原

土質 西鄉係黃沙土餘係黑土

交通 縣境汽車北通臨沂南通江蘇新安鎮之隴海路長途電話亦架設完竣

二戶口

八萬三千七百二十六戶

四十二萬三千九百五十口

三機關

縣政府 二等縣分設五科一局公務人員計共六十三員附屬機關有平民

工廠一處

公安局 縣局一處分駐所二處警官警士計共一百三十七員名有雜式槍

七十枝

民團 有民團一大隊官佐士兵夫計共七十八員名先訓練後分防藉以保

衛

聯莊會 總分會均經成立縣長兼總會長區長兼分會長鄉鎮長兼甲長二

十歲以上四十歲以下之壯丁皆有充當會員之義務

四自治

全縣共分五區一百四十二鎮最大自治區三百五十五方里最小自治區一百三十方里

五行政概況

治匪 因地處魯省邊陲爲鄰封紛錯之區是以奸宄易藏土匪日熾劫掠焚燒之案不可勝計

衛生 城內各街設有垃圾箱焚穢爐以防時疫傳染每日早起實行掃除街道以重清潔

禁毒 鴉片海洛英各種毒品經嚴厲查禁後種運吸售現已斷絕

禁止蓄髮纏足 城內及鄉鎮之男子已無蓄髮者偏僻之地間或有之已勒令限期剪除中年以下之婦女亦無纏足者其青年婦女正在勸令解放中救恤 平民工廠尙未設立其他救恤機關亦付闕如遇有災荒臨時籌辦

風俗

一生活狀況

職業概況 業農者爲大多數操他業者爲數甚少至經營商業者類皆小本經營手工業如草帽草鞋涼席等亦無專業係少數農民於農隙時爲之

主要物價 主要物以豆麥高粱落花生等爲大宗價格均低廉

服飾習尙 民風古樸舊習未除男子多著粗布長衫婦女則肥袖之短衣其長約至膝部以上二三寸許頭覆青色手巾兩耳墜以耳環或銅質金質不
等此爲最普通之服飾

飲食嗜好 縣境地瘠民貧飲食只求充饑解渴並無嗜好普通以煎餅爲食或以麥爲之或以高粱雜以各種穀類爲之

居室情形 居民所築房舍多茅屋間有舊式瓦房率多矮小窗戶狹而且少空氣光線均感不足實屬有碍衛生

家族制度 族有族長族之大者或設族譜或立宗祠其獨戶單丁者則無之
家有家長主持一切家政卑幼均服從

錢幣及度量衡現狀 錢幣除銅圓銀圓及國有紙幣外本地商店之紙幣充
滿市面紊亂已極度量衡仍沿舊制極不一致

二社會習尚

交際慣例 人民對於交際均尚誠樸遇有婚喪慶弔餽送禮物禮尚往來一
切酬應均無爾詐我虞之行爲

宗教情形 佛教道教天主耶穌各教均有民教頗能相安鄉間迷信之風尚
難破除

賽會 每逢廢曆年節鄉民多組織香火會有竹馬旱船獅子高蹺等類鳴鑼
擊鼓游行街市此外無其他賽會

訟爭 民衆每因細故時起糾紛訟爭之事屢見不鮮

婚嫁情形 媒妁介紹家長主婚交換紅柬而婚約以成聘禮以綢緞或首飾等物並無聘金迎娶有親迎者有只由男家備轎迎娶者新婦至男家夫妻交拜謂之拜天地然後入洞房行合巹禮三日後新婦始行告祖及見舅姑禮結婚年齡約十八歲上下斷絃重續視爲故常夫死改嫁人多恥之

喪葬情形 人初死合家哭泣盡哀舉屍臥於靈床依禮昇尸入棺入殮之次日喪主依禮成服喪服分斬衰齊衰杖期不杖期大功小功緦麻等計告用舊式喪帖弔奠行叩首禮發引時先行家祭抬柩出門再行路祭孝眷及親友哀送塋掩土埋葬並有砌墓勒碑者

附錄

一名勝古蹟

有傾蓋橋望海樓傾蓋亭問官祠鄒子墓于定國墓帥軍台禹王台孔望山羽山磨山由吾洞墨泉石門孝婦墓白馬溪

二古物

有孝昌碑董其昌書碑

三財政特殊情形

縣列二等額征丁銀一萬八千餘兩與其他二等縣比較相差頗甚以故民衆負擔亦較他縣爲重

四建設特殊情形

縣境長途電話已架設三百餘里其餘濬河造林修路及橋梁涵洞亦次第施行

五教育特殊情形

縣立高小師範初中初小各學校共計一百三十五處惟自民十七以前迭遭匪患學校文卷蕩然無存校舍器具亦多焚燬整理殊多棘手

六實業特殊情形

積極提倡改良農作方法及鑿井貸款每年農產收量足供本縣之用工商均
小本營生西北鄉有煤礦一處產量不豐現已開採將盡矣

費縣

政治

一疆域形勢

境界 本縣縣城東至臨沂縣城一百里東南至鄒城縣城二百八十里西南至嶧縣縣城一百六十里又至滕縣縣城二百里西至泗水縣城一百八十里西北至泰安縣城三百六十里北至蒙陰縣城一百八十里東北至沂水縣城二百二十里

山川 全境多山城北有蒙山延長百餘里南境萬山重疊中部有祜河浚河涼河

土質 因山嶺重疊肥地極少能種麥豆兩季瘠地最多僅種高粱穀子一季
遇天旱則難收穫

交通 西路泗費東路沂費大道修築完竣汽車尙未通行餘道正在修築中
二戶口

八萬一千零九十七戶

四十四萬六千五百二十六口

三機關

縣政府 二等縣分設五科一局公務人員計共五十七員附屬機關有管獄
署兼看守所監所協進委員會

公安局 縣局一處警官警士計共六十五員名有馬步雜槍二百五十七枝
民團 有民團一大隊官佐士兵夫計共一百十四員名先訓練後分防以資
保衛

聯莊會 總會以下設七分會縣長兼總會長區長兼分會長鄉鎮長兼甲長
共有會員三千七百五十名

四自治

全境劃分七區一百零一鄉三十七鎮區公所早已成立鄉鎮長繼續選出即行訓練

五行政概況

治匪 縣境蒙山抱犢崗向爲巨匪盤據之所迭經軍隊團警痛剿均已逃竄惟因地勢險惡仍有零星股匪不時出沒焚擄綁架時所常有防不勝防警團聯莊會實力單薄保衛地方殊嫌不足

衛生 除由公安局並各區鄉鎮隨時打掃街道清除污穢以保清潔外並會同各機關籌設施藥局以防時疫

禁毒 迭經嚴厲查禁已無偷種烟苗情事販售及吸食者由公安局嚴密查拿犯者絕少

禁止蓄髮纏足 設有婦女放足會違章查禁其未纏足之幼女絕不准再纏

至男子蓄髮則由公安局負責勸導剪除並禁止幼童蓄髮
救恤 擬由各區籌設義倉存儲積穀並組織平糶局以救荒歉平民工廠已
成立一處遇有水災匪災隨時呈報請求賑濟或由當地富戶募集之

風俗

一生活狀況

職業概況 農民最多工簡次之兵學最少

主要物價 白麥每斤約銀圓五分高粱每斤約四分棉花每斤約五角五分
落花生每擔約六圓本機白布每一尺約一角二分

服飾習尚 鄉民普通多以粗布爲衣料婦女飾物白銅者多金銀者少

飲食嗜好 以高粱小米麩攤煎餅或白麩蒸饅菜豆小米炊稀粥爲普通飲
食茶酒捲烟菸葉等物人民多有嗜之者

居室情形 民間多係草屋極其狹小瓦屋樓房不過百分之一

家族制度 族有族長家有家長主持一切卑幼絕對服從子承父業兄弟析居

錢幣及度量衡現狀 市面通用以銅圓銀圓爲主紙幣不能行使度量衡正在推行新制惟尙難普及

二社會習尙

交際慣例 居民遇有婚喪凡屬親朋必通慶弔是爲慣例

宗教情形 縣境回教甚多設有清真寺並不傳教城內有天主堂傳教數十年信徒約有數百人南關有耶穌堂傳教十餘年信者甚少兩教均設有醫藥房施治病症近有佛教分會設立不久辦理慈善事業

農佃制度 佃戶種地由地主發給種糧如發給一升收後按二升除種所穫糧粒佃戶與地主平分

賽會 每逢寺廟香火會期及祈雨謝神之時由地方公共捐資演唱戲劇別

無其他賽會

訟爭 民性和平不善訟爭凡有債務財產爭繼各項糾紛以及其他細故發生向有親朋隣舍從公調解迫不得已始向法庭起訴是以訟事絕少

婚嫁情形 訂婚辦法他縣略同聘禮多用綢綾布疋首飾鷄魚肉肘等類無用金錢者至訂期迎娶多由女家將新婦用花轎送往男家新郎在大門外對轎一揖然後以紅毡鋪地由少女二人攙新婦入庭院交拜天地引入洞房三日後新婦向翁姑行六叩禮並拜祖塋及親族結婚年齡男女均以十五歲至二十歲爲普通

喪葬情形 亡人初死孝子赴大門外焚燒紙箔呼亡人上明皇大路合家哀哭移屍於床並赴土地祠潑湯棺殮時先在棺木內排銅錢七枚作北斗形鋪松枝被褥孝子捧亡人入殮以藍布縫鷄形攔瓦盆作枕腳踏土坯一塊及亡人生前心愛之物置於棺內再釘棺蓋遵禮成服訃告弔奠發引安葬

祭祀等事與他縣大致相同

附錄

一古蹟名勝

有季恒子井蔡伯喈洞仲子故里

二古物

有大齊碑顏文忠公碑蘇唐卿篆醉翁亭碑遼東石

三外僑

城內天主堂駐有德傳教士華司鐸一人女醫士二人

四財政特殊情形

因歷年地方屢受災患民衆逃亡多未歸來復業是以征收地丁及附捐不能照額征齊此爲特殊情形

五建設特殊情形

修築泗費沂費汽車路並設平民工廠一處

六教育特殊情形

縣立師範講習所一處縣立區立完全小學六處縣立職業補習學校一處縣立小學七十處私立初級小學三處

七實業特殊情形

縣境產糧豐年僅足敷用工業僅有粗布涼席繭綢鐵木器具泥製缸盆罐等商業因交通不便極蕭條城東四十五里探沂柴埠莊有煤礦二處

蒙陰縣

政治

一 疆域形勢

境界 本縣縣城東至沂水縣城一百六十里東南至臨沂縣城二百二十里南至費縣縣城一百八十里西南至泗水縣城一百七十里西至新泰縣城六十里西北至萊蕪縣城一百五十里北至博山縣城二百四十里

山川 縣境山河佔十分之七八田地只佔十分之一二

土質 山河交錯土地瘠薄且極零散並無大片平原田畝

交通 縣鎮村道路及重要橋梁行將修築完竣汽車即可通行並架設縣有電話三百七十里交通較前稍爲便利

二 戶口

三萬一千五百零五戶

十六萬九千二百零七口

三機關

縣政府 三等縣分設五科一局公務人員計共三十六員附屬機關有消費合作社指導所度量衡檢定所各一處

公安局 縣局一處警官警士計共五十一員名有雜式槍二十五枝

民團 有民團一大隊官佐士兵夫計共一百零七員名先訓練後分防以衛地方

聯莊會 總會以下設八分會於各區所有會員正在務色本區退伍軍人充任教練事宜以期速成而收實效

四自治

全縣共分八區一百四十一鄉三十鎮最大自治區一千九百方里最小自治

區一千三百方里

五行政概況

治匪 縣境素爲多匪之區近年迭遭匪禍人民損失不可勝計經軍隊圍警痛剿後大股土匪均已斂跡

衛生 由公安局督飭清道夫掃除清潔凡有碍衛生之污穢物件一律清除
禁毒 由縣政府督同公安局並各區長嚴行查禁販賣及吸食者已完全禁絕

禁止蓄髮纏足 男子蓄髮者已不多見關於女子纏足因縣境風氣閉塞尙多未解放者已由公安局勸導禁止

救恤 設有賑務分會一處辦理賑濟貸款等事成立平民工廠一處廣收工徒以興工業而利民生

風俗

一 生活狀況

職業概況 務農爲業者約佔百分之九十餘工商學各界不足百分之十

主要物價 當地銷售以高粱穀子爲最多出境銷售以花生蠶繭爲大宗高

粱每百斤價約六圓穀子每百斤價約五圓花生每百斤價約五圓蠶繭每斤約四角

服飾習尚 除在學商界之少數人能隨時俗而變服飾外大部居民男女多

以藍布爲衣形式古樸女子多以耳環爲飾

飲食嗜好 普通均以高粱穀子所作之煎餅爲日常之飯食並以烟酒爲嗜

好品

居室情形 居室形式均係起脊之草房瓦房甚少門窗戶牖多不適宜採光

通氣均感不足

家族制度 族有族長家有家長家長以下統稱家屬子繼父業兄弟析居

錢幣及度量衡現狀 市面流通之錢幣以銀圓銅圓爲主紙幣甚少度量衡仍沿舊制新器雖已推行尙難普遍

二 社會習尙

交際慣例 熟人拜訪則起立讓坐欸以煙茶親朋遇有婚喪則弔賀餽遺頗有禮尙往來之風

宗教情形 縣民素崇孔教天主耶穌釋道等教均有信奉者但近來頗形衰落至鄉曲愚夫愚婦信奉一柱香及無極道者頗多

農佃制度 富家招用佃戶收穫後均分籽粒純係合作性質並無階級之分訟爭 民性古樸無健訟之風

婚嫁情形 訂婚辦法與他縣同蒙俗普通人家素不行聘禮惟富戶大家於傳柬時附送綵綢首飾等物女家則以書籍筆墨報之至結婚之期尙不行親迎禮由女家自行送嫁新婦至男家攬入中庭行拜天地禮再行合巹禮

三日後新婦出拜翁姑及親屬結婚年齡男女均在二十歲上下
喪葬情形 壽終停於正室靈床前設冥芻祭品之類並由孝眷赴土地祠祭
拜謂之送湯停靈二日或三日即行入殮並遵五服舊制成服訃告弔奠發
引等與他縣無異惟葬之後富家每用石或磚築墳所費甚鉅葬後三日舉
家親屬俱赴墓前哭奠俗謂之圓墳

附錄

一古蹟名勝

有孔子小魯處承宮隱處堂阜遺蹟魯宣公讀書台狗跑泉

二古物

有宋代八棱碑明代銅人一座相傳魏忠賢建生祠所鑄

三財政特殊情形

地丁銀僅一萬零一百餘兩故地方附捐超過正稅一半有奇

四建設特殊情形

架設電話修治道路鑿井開渠均次第進行

五教育特殊情形

有縣師範講習所一處縣立小學兩處區立完全小學兩處鄉區初級小學九十五處民衆學校兩處圖書館一處讀書閱報所二處

六實業特殊情形

每年產糧豐收時尙敷本縣之用工藝出品有土布繭綢商業不發達西鄉汝南鎮及北鄉埠村均有煤礦因運銷困難多停採

莒縣

政治

一 疆域形勢

境界 本縣縣城東南至日照縣城一百六十里南至江蘇贛榆縣城二百五十五里西南至臨沂縣城一百八十里西至沂水縣城八十里北至安邱縣城二百四十里東北至諸城縣城一百八十里

山川 有馬鬣山大山七寶山珍珠山佛來山五樓崗老營頂喬山蘆山及其他小山土嶺甚夥東有沭河南游入江蘇西有柳清河南行入沂河

土質 大部爲水窪沙灘荒山肥沃之田不過十分之二

交通 僅有莒高汽車路一段稍有陰雨道路泥濘卽不能通行交通極感不便縣境電話線已架設完竣

二戶口

十六萬零七百九十二戶

八十九萬六千一百八十五口

三機關

縣政府 一等縣分設五科一局公務人員計共四十八員附屬機關有救濟

院民衆教育館

公安局 縣局一處分駐所四處警官警士計共二百二十二員名共有雜式

槍一百六十七枝

民團 有民團一大隊官佐士兵夫計共三百六十一員名均經訓練分防以

衛地方

聯莊會 總分會即將成立現正計畫訓練會員

四自治

全縣共分十區二百四十七鄉七十鎮最大自治區四千一百方里最小自治區二千四百方里

五行政概況

治匪 邊境之地時有三五小匪出沒尙無大股土匪

衛生 公安局派有衛生警注意清潔如設立公共廁所檢查飯館澡塘並掃除街道等

禁毒 設有戒煙所並飭各藥房廣運戒煙藥品如獲吸煙犯即送所禁戒並督同公安局派便衣警嚴密搜查以期禁絕

禁止蓄髮纏足 男子蓄髮多已剪除惟鄉間婦女扭於積習仍有纏足者已由公安局及各區長負責勸導解放

救恤 僅有同善會一處救濟院一處冬日施捨棉衣並無其他慈善機關平民工廠亦未成立

風俗

一 生活狀況

職業概況 農業爲多工商甚少

主要物價 糧米柴草爲主要物價格頗廉

服飾習尙 居民崇尙儉樸普通以粗布爲衣

飲食嗜好 以煎餅爲主要食品佐以蔬菜豆腐

居室情形 以土坯茅草築屋形式簡陋

家族制度 族有族長家有家長掌管一切

錢幣及度量衡現狀 市面交易以銀圓銅圓爲主度量衡已推行新制惟尙

難普遍

二 社會習尙

交際慣例 居民遇有婚喪喜慶親友互有慶弔餽送禮物主人則設筵款待

宗教情形 佛道天主耶穌各教均有惟信者不多

訟爭 民性倔強多有訟爭

婚嫁情形 經媒人向兩方說妥後交換紅柬即成婚約聘禮用布疋首飾等物迎娶之前一日由男家備花轎一乘送往女家翌日迎新婦至男家由女引導員扶新婦至庭院新郎向天地桌前行三跪九叩禮然後引新婦入內室行合巹禮成婚三日後新婦拜見翁姑及戚族結婚年齡以年在二十左右爲普通

喪葬情形 亡人故後當日入殮遵禮成服殯葬日期不一貧者三日殯葬富者過三十五日或停柩擇期殯葬親友弔奠行三跪九叩禮發引用儀仗鼓樂由孝子執旛導靈至塋地舉棺入壙掩土封墓而禮成

附錄

一古蹟名勝

佛來山有仁杏樹一株碑記爲春秋時齊桓公手植又有劉勰校經處及莒子墓城南五里有樂毅壘一處相傳爲樂毅伐齊駐兵處

二古物

有東莞隋碑北汶唐碑又民衆教育館保存大銅佛二尊暨六朝碑一方

三外僑

縣內天主堂有傳教之德人時來時去此外並無其他外僑

四財政特殊情形

財政收支均按預算辦理尙能維持現狀並無特殊情形

五建設特殊情形


縣內電話業已架設完竣其餘鑿井造林等項正在督辦時期

六教育特殊情形

已立初小學校有一百九十餘處高小五處初中一處師範班一處

七實業特殊情形

年景豐收境內產糧尙可敷用工商業不發達西南境第七區有煤礦一處現在並未開採



沂水縣

政治

一 疆域形勢

境界 本縣縣城東至莒縣縣城八十里南至臨沂縣城二百里西南至費縣縣城二百一十一里西至蒙陰縣城一百六十里西北至博山縣城二百八十里北至臨朐縣城二百四十二里東北至安邱縣城三百四十里

山川 縣境除南北兩部有極小之平原外餘皆山地北有沂山南有艾山沂水統貫中央東北有流水南有汶水

土質 因境多山嶺及沙河故土地極瘠

交通 除南北縣道及莒縣大道可駛汽車外其餘各路均因山河梗阻交通極感不便

二戶口

十萬零八千三百四十三戶

六十一萬六千二百零六口

三機關

縣政府 二等縣分設五科一局公務人員計共五十八員附屬機關有合作社指導所民衆教育館

公安局 縣局一處分駐所二處警官警士計共一百二十七員名共有雜槍三百十六枝(民團槍枝在內)

民團 有民團一大隊官佐士兵夫計共一百員名均經訓練分防保衛地方頗稱得力

聯莊會 總會以下設十分會於各區縣長兼總會長區長兼分會長有會員一萬四百七十四人守望相助頗足自衛

四自治

全縣劃分十區一百六十九鄉五十六鎮最大自治區三千一百方里最小自治區一千七百里

五行政概況

治匪 境內並無大股土匪間有三五成羣綁架之匪即由聯莊會民團隨時剿辦

衛生 縣內民衆教育館每年舉行捕蠅運動擴大宣傳週施種牛痘印發關於衛生之淺說畫報

禁毒 縣內舉行拒毒宣傳週並公安局隨時切實查禁

禁止蓄髮纏足 各學校已實行拒收蓄髮及纏足之學生惟民衆積俗相沿禁止頗爲不易

救恤 縣立賑務分會附設貸濟處准許各貧民貸款藉資營業因交通梗阻

地瘠民貧并無規模宏大之工廠

風俗

一 生活狀況

職業概況 本縣人民以農業者爲最多約佔全縣人口百分之八十以上其餘工商學三種職業爲數略等工業約分木工鐵工陶業鞋業絲業數種商業則除城廂及市鎮有少數規模較大之商店外其餘多係販賣土產小本經營

主要物價 本縣日用品價尙低廉小米高粱每百斤約值銀四圓小米黃豆每百斤約值銀五圓燒柴百斤約值銀一圓六角洋線布每尺約值一角五分左右當地粗布約值八分左右(通用尺約合市尺一尺六寸強)其餘舶來物品價目漲落無恒難以確定

服飾習尙 除政學各界着用制服外一般民衆服飾尙樸素衣料以棉織

品爲主絲織毛織物極少色素尙藍夏季則多用白色男子上衣甚短褲多紫腿中等社會以上始着長服間有套馬褂者女子上衣較長可至膝蓋以上着紫腿褲喜用紅色腿帶無老幼均帶耳環非有喜慶事不着長裙

飲食嗜好 本縣食品以煎餅（用普通食糧水磨成糊煎成極薄之餅）爲最普通白薯及蔬菜佐之飲料多穀米作粥用稻米者甚稀喜食辛辣及燒酒煙葉等物城市人民吸紙煙飲茶者頗多至於鴉片煙則往來頗有嗜之者近以功令森嚴幾告肅清矣

居室情形 除少數富戶住瓦房外普通居室均係壁牆草房窗牖甚小不注意光線及空氣貧苦之家間有住團焦者圓形尖頂製造簡陋寢處多用木牀土坑甚少

家族制度 本縣人民頗迷信大家庭制度有兄弟者以同居爲美德一家之政操自家長之手其子侄輩僅供指揮但能維持數世不分居者實不多觀

錢幣及度量衡現狀 現均用現銀圓及銅元鈔票極少在城市交易均以銀圓爲本位以銅圓副之鄉村交易多有沿用錢本位者度量衡極不劃一現在度量衡檢定所業經成立正積極推行劃一辦法

二 社會習尚

交際慣例 城市之中級社會以上人物及鄉間富紳交際時有宴會情事普通人民則除慶弔外絕少交際惟舊曆年節則鄰佑間彼此「拜年」或互相「請節酒」平常待客僅備茶點稍厚者款留酒飯又慶弔之事往往聯合多人公送賀品每人所費極微

宗教情形 全縣人民除少數回教徒及基督教徒外一般民衆並無極端信仰之宗教於古人中崇拜孔子及關羽而又迷信佛菩薩及各種神道在似儒非儒似佛非佛似道非道之間近數年來家理教及大刀會蔓延甚速加入者日多各有戒律可守儼然有宗教之組織

農佃制度 佃種農田者無論收穫多寡所得糧粒地主與佃戶平平均分如耕田之牛由地主喂養則柴草盡歸地主由佃戶養牛則柴草與地主均分又每至冬季地主按佃戶佃田之多寡貸與各種食糧俟次年收穫後加五成歸還名「吃地糧」地主家中有事佃戶須往幫工名「撥房工」二者爲佃戶對於地主之義務

訟爭 本縣幅員遼闊人口稠密故訟爭之事日有多起民事訴訟較多刑事訴訟與行政訴訟較少又人民甚重官府初審判決後多可了控除重大案件鮮有提起上訴者

婚嫁情形 男女定婚純由家長主持經媒妁介紹兩家同意後即擇吉期婚約形式係用紅紙折成四摺全帖內書兩家主婚姓名聘禮種類普通聘禮爲衣料首飾化裝品等物視貧富以定豐菲女家報以衣帽文具刺繡等物婚期由男家選擇因迷信之故選擇頗慎婚期既屆新人由母家備彩轎送

至夫家候至吉時（普通多在午前）新郎迎至大門以代親迎之禮然後男前女後聯以紅綢引至行禮之所名曰「領紅」爲女子一生最重典禮再婚之婦及爲人作妾者不得享此權利結婚儀式向天地行一跪三叩禮（近多用三鞠躬者）表示答天地俗名「拜堂」成婚後第三天新夫婦登墓祭祖並向家中尊長及同族中長輩以次行禮受禮者必須給以銀錢俗名「叩頭錢」結婚年齡多取男女年齡相近者相差不過三二歲普通結婚年齡約自十七歲至二十一歲續娶習慣如續娶者爲室女與初次結婚時一切儀式並無區別改嫁習俗對於再醮婦每多輕視其迎娶及結婚時手續亦極簡略贅夫及多夫及多妻習慣則絕無其事

喪葬情形 始喪子女媳姪等均赴土地廟焚楮死後第二日晚間就村中空地上設亡者神主受鄰友拜奠俗名「送盤纏」然後出訃開弔止弔以後有隨時安葬者有暫時「落柩」另擇葬期者書面遺囑在本縣罕有行之者對

於身後未了之事向其家人口述而已繼承關係除有子繼承不論外無嗣者推定繼承人以親等最近者爲先老而無子者在生前卽指定繼承人其權利義務與親生子無異入殮手續人死後當日移於棺內至第三天始行歛棺舉哀行四叩禮居喪者統稱孝子喪服等差子女媳及承重孫均喪冠斬衰服首絰其餘晚輩均一律喪服訃告形式與告期略同悉用舊款式弔奠禮節多行跪拜禮發引儀式僧道誦經作樂鼓樂前導戚友後隨安葬至塋後引棺下葬上土築坎塋服喪期間子女媳及承重孫服喪期爲三年胞侄及孫爲一年其餘親屬爲一個月

附錄

一 古蹟名勝

古蹟有神清宮閔仲書院孟母墓織女洞四明洞

二 古物

有漢永元碑鳳凰畫像唐梵衆寺經幢後唐碑徐景殘碑

三財政特殊情形

因縣內發行之手票至今尙有七十餘萬串未收回此財政特殊情形

四建設特殊情形

縣境幅員遼闊山脈縱橫又兼年來地方不靖以致各項建設進行均感困難

五教育特殊情形

全縣學校林立經費概歸自籌而由公款略予補助二十一年教育費不能增加以致新添學校無法維持

六實業特殊情形

本縣偏處魯南交通不便關於農產運輸農民救濟均感困難至礦產一層僅鄉南鄉紅石橋莊之金礦較爲著名但年來因閭閻不靖及地方人地缺乏開採經驗之故已經無人聞問

荷澤縣

政治

一 疆域形勢

境界 本縣縣城東至鉅野縣城一百四十里東南至定陶縣城四十五里又至曹縣縣城一百十里西至河北省東明縣城六十里北至鄆城縣城九十里東北至鄆城縣城一百四十里

山川 平原無山有黃河一道經過境內

土質 土地肥瘠不等肥地約佔百分之六五瘠地約佔百分之三五

交通 縣境有汽車路東至濟寧西至開封縣北由黃河可赴洛口

二 戶口

九千九百六十戶

三十九萬八千二百七十二口

三機關

縣政府 一等縣分設五科一局公務人員計共五十六員附屬機關有合作社指導所民衆教育館各一處

公安局 縣局一處警官警士計共七十四員名有雜槍二十八枝

民團 有民團一大隊官佐士兵夫計共三百零五員名均經訓練分防以資保衛

聯莊會 總分會均已成立有會員一萬四千七百人遇有匪警頗能聯絡互助

四自治

全縣共分十區一百九十四鄉九鎮最大自治區三百二十三方里最小自治區一百一十二方里

五行政概況

治匪 地方平靖並無盜匪

衛生 對公共衛生不時派警督飭民衆打掃街道注重清潔以防發生時疫

禁毒 縣境毒品已經禁絕仍責成公安局嚴密查察以絕根株

禁止蓄髮纏足 由公安局派有剪髮組多班嚴行剪除并設有放足委員會

一處設女檢查員四人分赴四鄉檢查挨戶勸導現在三十歲以內婦女均

行解放

救恤 有普濟院紅卍字會賑務分會平民工廠等機關專辦救濟事宜

風俗

一生活狀況

職業概況 務農者多商業次之服務軍界者亦爲數不少

主要物價 以麥子爲主要物每斗重四十斤值洋二圓二角左右其餘粗糧

均隨麥價之漲落而有增減

服飾習尚 人民多穿布衣服綢緞者甚少婦女則以簪環爲飾

飲食嗜好 地方素稱瘠苦人民並無嗜好食糧以麥子小米高粱爲普通飲

料則爲清水飲茶酒者甚少

居室情形 普通住室多爲土房磚瓦房甚少

家族制度 家有家長族有族長仍爲舊時家族制

錢幣及度量衡現狀 銀圓紙幣銅圓均通用每銀一元換銅圓四百四十餘

枚度量衡自檢定所成立後已革除舊制

二社會習尚

交際慣例 年節之際親友往來多以酒肉點心茶葉等物爲餽贈遇婚喪互

通慶弔兼餽財物皆慣例也

宗教情形 佛教天主耶穌各教均有惟信者無多並有少數回民爲土著此

外並無其他邪教

農佃制度 佃戶與地主接洽種地多係分糧制

賽會 每屆春節居民多扮演龍燈竹馬高蹻等會

訟爭 民俗強悍多有訟爭惟民事訴訟較多刑事案件甚少

婚嫁情形 訂婚互立婚書皆用舊式龍鳳帖以衣服首飾果品等物爲聘禮

選期用廢曆周堂圖迎娶用車或轎結婚朝拜天地並拜翁姑男女年齡均在十八歲左右

喪葬情形 始喪合家舉哀並赴至親處報喪次日或三日入殮設祭成服發引之期不一定親友弔奠仍行跪拜禮並送輓幛或奠儀冥資等物爲禮屆殯葬之期以紙罩蓋棺孝子執旛前引鼓樂相隨至塋地安葬埋土成墳而畢禮

附錄

一古蹟名勝

有孔廟楚公祠曹伯祠卜子夏廟冉仲弓廟甯武子墓

二古物

商琥書碑蔡京書碑漢槐漢柏唐槐明木瓜樹柿樹

三外僑

城內天主堂耶穌堂時有外僑往來

四財政特殊情形

地方財政按預算收支並無特殊情形

五建設特殊情形

縣鎮村各道路及長途電話均分期修治鑿井築橋浚河等項亦次第進行

六教育特殊情形

已設立各種學校計二百四十九處

七實業特殊情形

境內產糧不敷本縣之用特別出產有牡丹木瓜山查耿餅柿霜工藝出品有草帽線毯毛巾棉帽等商業不振礦產無

曹縣

政治

一疆域形勢

境界 本縣縣城東至單縣縣城一百十里東南至河南虞城縣城一百里又至河南商邱縣城一百十里西南至河南考城縣城一百三十里又至河南寧陵縣城一百七十里西北至荷澤縣城一百十里又至河北省東明縣城一百四十里北至定陶縣城五十五里東北至城武縣城七十里

山川 縣境平原無山惟城南邊境有黃河故道

地質 地多沙質或含鹼性肥田甚少

交通 全境有曹城曹定曹柳曹單曹商曹考曹青汽車路及長途電話惟火車道距離較遠交通仍較不便

二戶口

九萬八千七百六十三戶

六十一萬七千零零三口

三機關

縣政府 一等縣分設五科一局公務人員計共五十九員附屬機關有民衆教育館一處

公安局 縣局一處警官警士計共七十四員名有雜槍五十四枝

民團 縣境現駐魯西民團軍直轄混成團第二營隸屬於荷澤魯西民團指揮部

聯莊會 縣內成立聯莊總會一處各區編爲聯莊分會共十處再由鄉鎮編爲甲辦理防衛清鄉事宜尙能認真進行

四自治

全縣分十區一百九十九鄉五十一鎮最大自治區一千五千方里最小自治區八百七十方里

五行政概況

治匪 地方平靖近無盜匪

衛生 城廂街市清潔由公安局負責掃除如公立醫院及專設衛生機關均

付闕如

禁毒 境內播種烟苗者早已禁絕設有戒烟所一處吸者均陸續戒斷並隨

時認真查禁

禁止蓄髮纏足 男子蓄辮者業已剪除淨盡關於婦女纏足已組織放足委

員會由會內派員分赴城鄉挨戶檢查已放者勿再纏未放者勸令解放

救恤 地方已成立災民救濟委員會並收集各村鎮積穀價款散放以備救

濟

風俗

一 生活狀況

職業概況 全縣農業佔十分之六七他如工商業自由職業佔十分之二二
無職業及失業者約佔十分之二二

主要物價 全縣米糧土產棉布價格均屬低廉

服飾習尚 普通男女服飾均趨重質樸不尚奢華不過少數資產階級與青年間有徵逐時髦者

飲食嗜好 普通飲食極簡單日常主要嗜食物品不外麥粉小米高粱豆麪
蔬菜牛羊肉猪肉等類飲料茶酒二宗此外如各種紙煙一項每月計消費
在二百餘箱價值約四萬餘圓國產水旱煙約消費在三四千圓合計近五
萬圓全年約計五十餘萬圓之鉅

居室情形 居室建築草瓦房參半均尚堅固而對於空氣光線美觀則均缺

乏科學常識至家庭清潔衛生尤爲幼稚

家族制度 家族沿襲舊制(即同居制)以大家庭爲主近以地方財產捐不
時發生糾紛逐漸析產分炊舊制勢將不能久存

錢幣及度量衡現狀 現在市面通行之錢幣爲一元之銀幣及當二十文之
銅幣至於度量衡器業由檢定所着令更換但以社會習慣仍有沿用舊度
量衡者現正進行改革

二社會習尙

交際慣例 禮尙往來彼此以茶食藥品互相餽贈惟遇慶弔等交際較爲重
視除備禮物外並具聯幛或金錢此其慣例也

宗教情形 居民多篤崇孔佛道等教而道教次之回教耶穌教尤次之至於
迷信之風自古以神道設教民人迷信者多而且深雖迭經勸導破除鋼習
然一般民衆信仰力一時尙難打破自民國十七年北伐成功以來因訓政

工作努力進行民衆思想亦隨之轉移神權已成過度時代即間有固執迷信者實已寥若晨星

賽會 迎神賽會之舉即在神權論之黃河流域實遠遜於長江珠江流域而現在賽神之舉已無

訟爭 人民多具普通常識訟爭已漸減少

婚嫁情形 訂婚手續多遵古制媒妁往還以柬帖關說妥協由媒人代表交換正式婚書聘禮大致以衣飾等爲最普通結婚儀式多用彩轎(或車)咸用親迎禮新婦至男家向天地前行跪拜禮結婚年齡有早婚者男在十二歲以上女在十五歲以上即行結婚普通男女以年在十六歲以上結婚者爲最多續娶亦多有之

喪葬情形 治喪之家將死者遺骸置於床上昇於屋之中間再燒紙一束閣家舉哀名曰倒頭紙遺囑多用口頭繼承仍遵古禮入殮時死者親屬畢集

視死者衣飾完備後由死者子女親奉死者遺骸移入棺內然後蓋棺舉哀成服禮節貧富不同富者沿用古禮由禮生贊禮孝子及各親屬均依等差着喪服禮成貧者則無此舉但著喪服而已訃告弔奠發引安葬悉遵古禮

附錄

一古蹟名勝

境內古蹟頗少惟楚時景山先賢冉子伊尹等墓尙存

二外僑

境內有天主堂一處耶穌教一處均係美人辦理

三財政特殊情形

全縣地方財政人不敷出頗爲困難現正呈請財政廳追加預算費

四建設特殊情形

全縣關於治河鑿井修路電話大致完竣新鑿河道已竣工五道

五教育特殊情形

全縣縣立師範講習所一處完全小學八處初級小學一百九十九處民衆學校三十八處職業補習學校一處分蚕工兩科

六實業特殊情形

農產品以棉花白菜皮硝小鹽花生出產頗多全縣商業因遭雨水爲災禾稼多被淹沒人民生計窘迫故商業凋敝不甚發達

單縣

政治

一 疆域形勢

境界 本縣縣城東至江蘇豐縣縣城一百里東南至江蘇碭山縣城一百十里西南至河南虞城縣城七十里西至曹縣縣城一百十里西南至城武縣城五十里北至鉅野縣城一百八十里東北至金鄉縣城七十里又至魚台縣城九十里

山川 縣境無山純屬平原內有涑河八里河樂城河

土質 縣境田地半屬砂荒半係膏壤有肥有瘠

交通 地處偏僻交通不便惟至金鄉濟寧兩汽車路每日均有汽車來往通行縣鎮電話線正在架設間

二戶口

七萬八千七百十五戶

四十五萬二千八百零二口

三機關

縣政府 二等縣分設五科一局公務人員計共五十五員附屬機關有民衆教育館及合作社指導所

公安局 縣局一處警官警士計共六十三員名共有雜槍五十枝
民團 有民團一大隊官佐士兵夫計共一百十四員名均已訓練分防保衛
地方頗稱得力

聯莊會 總分會均已成立縣長兼總會長各區區長兼分會長鄉鎮鎮長兼甲長
遇有匪警鳴鑼爲號應援迅速

四自治

全縣共分六區二百六十八鄉二十四鎮最大自治區一千五百四十方里最小自治區八百五十方里

五行政概況

治匪 前歲有股匪犯境被軍隊團警勦散後現今並無股匪

衛生 公共衛生由公安局督率長警竭力指導民衆咸知注意

禁毒 由縣政府督同公安局隨時查禁遇有獲犯依法懲辦目下尙無發現

此項案件

禁止蓄髮纏足 男子蓄髮早已禁絕纏足婦女亦極寥寥由放足促進會檢

查宣傳極生效果

救恤事業 設有平民工廠一處共有基本金五千三百餘元救濟失業貧民

學習工藝以資謀生

風俗

一 生活狀況

職業概況 農業爲多工商極爲少數

主要物價 食糧爲主要物價格平允

服飾習尚 居民儉樸多以粗布爲衣婦女只以耳環爲飾

飲食嗜好 以小米高粱及麪粉爲主要食糧佐以蔬菜並無其他嗜好

居室情形 鄉間多以土築屋而居形式簡陋磚瓦房甚少見

家族制度 多係舊式家庭家長主持一切卑幼服從兄弟於父母故後則多

析居

錢幣及度量衡現狀 市面交易仍按大錢計算銅圓銀圓兼用度量衡現正推行新制惟不易普遍

二 社會習尚

交際慣例 遇有婚喪慶弔親友多有餽贈禮尚往來

宗教情形 佛道兩教頗形衰落天主耶穌等教信者亦少

賽會 農暇時間多有醮資演戲者此外別無賽會

農佃制度 自耕農佔大多數間有分地租地之佃農居少數

訟爭 民性和平訟爭無多

婚嫁情形 由媒人雙方說妥男女兩家交換喜柬是爲訂婚結婚儀式由男家備轎或車至女家迎娶入門後行舊式結婚禮用新式者甚少成婚後男女均向雙方父母行叩首禮結婚年齡約在十六歲以上

喪葬情形 亡人故後親屬均服孝服行哭拜禮入殮成服均遵古禮訃告用繕寫婚帖弔奠多行鞠躬禮發引用儀仗鼓樂前導孝眷親友哀送至塋地昇棺入壙掩土封墳孝眷人等再行拜墓禮

附錄

一古蹟名勝

南堤上有琴台城內西北隅有普照寺

二古物

普照寺內有雷鯉所書碑碣並唐時所鑄之西天大銅佛一尊劉氏瑩有劉石菴所書碑碣

三外僑

城內有美國僑民賁彼德賁侶底亞包蘭德三人荷蘭國何方濟一人德國僑民甯德鄰士布澤王布真文真德耿守德丑德英等六人均係耶穌天主教牧師

四財政特殊情形

地方附捐以歲入供本年度支出尙非寬裕又因歷年供應過往軍隊給養及征調聯莊會剿匪需用子彈津貼卹賞等項移新掩舊積欠纍纍情形十分困難現正擬議補救

五建設特殊情形

縣境地質鬆懈最易塌陷鑿井極感困難現正疏浚八里河樂城河涑河不日即可竣工

六教育特殊情形

現有初級小學二百四十餘處完全小學八處職業補習學校一處縣立初中一處教育尙難普及

七實業特殊情形

農產品以米麥豆爲大宗豐年產糧足敷本縣之用工商業不發達亦無礦產

城武縣

政治

一疆域形勢

境界 本縣縣城東南至單縣縣城五十里西南至曹縣縣城七十里西北至

定陶縣城六十里東北至鉅野縣城一百二十里又至金鄉縣城九十里

山川 縣境無山有新沖河新沖小河萬福河桶子河岔股河支河

土質 大部均屬瘠田肥沃者甚少

交通 由濟寧至單縣汽車路尙未達至縣境運輸及行人只有馬車人力車

交通極爲不便電話線雖已架設亦未能普遍

二戶口

三萬九千二百二十九戶

二十二萬二千八百一十口

三機關

縣政府 三等縣分設五科一局公務人員計共四十員附屬機關有民衆教育館一處

公安局 縣局一處警官警士計共五十一員名有雜槍四十六枝

民團 有民團一大隊官佐士兵夫計共一百二十二員名均經訓練分防以衛地方

聯莊會 總會以下設五分會縣長兼總會會長區長兼分會長鄉鎮長充甲長
共有會員二千名

四自治

全區共分五區一百二十九鄉十一鎮最大自治區四百二十九方里最小自治區二百五十六方里

五行政概況

治匪 民性强悍近於野蠻萬福河北盜風頗盛匪徒結隊出沒無常至青紗帳起爲害尤烈富室築堡自守過客避地而行屢施剿緝終難絕跡惟環城數十里以內尙無盜匪

衛生 由縣政府督飭公安局隨時派衛生警察擔任清潔預防及救護等事項

禁毒 由縣政府督飭嚴禁毒犯日漸減少

禁止蓄髮纏足 縣境鄉僻地方間有蓄髮及纏足者已成立放足委員會以資查禁並飭公安局及各區查剪髮辮

救恤 向無救恤機關之設置間有暑夏施水隆冬捨衣及備藥物以救瘟疫者皆係箇人自動非公會組織

風俗

一 生活狀況

職業概況 武地僻陋民性魯鈍農業以外別無他業昔周以稼穡開國武爲衛之屬邑康公舊封數千年民衆猶守先業近因連年雨澇害稼農業亦不發達是以民多失業饑色遍野須設法善爲補救遠紹衛文遺制務農之外又以通商惠工爲前提則既庶且富猶有望焉

主要物價 市物之價以五穀爲主體穀貴則百物之價隨之陡漲五穀之中又以麥爲主要黍稷豆粱皆視麥爲低昂至於魚肉菜蔬乃五穀之附屬品無獨立之價值

服飾習尚 風俗儉樸不尚浮華普通民衆皆以青藍布料爲衣婦女率織紉治家不事膏沐竟有終身不御金玉者大布之衣大帛之冠文公中興節儉之風猶未泯歟

飲食嗜好 普通以豆粥米湯爲飲無間冬夏中產以下均食紅糧惟學商各

界食麥麪亦只蒸饅烙餅切麪數種味多嗜鹹過客食之多口渴飲酒者亦少

居室情形 鄉村住屋多平式土墻泥頂茅茨弗剪卑簡甚於古代邑城內類皆瓦房然多破塌不整以視他市縣之樓閣連亘矍乎後矣

家族制度 族有族長家有家長一族之中有年高輩尊者合族有事均聽主持至於一家之事父掌其外母主其內者父亡或耄老無爲則長子代執父業諸弟不得干涉亦有因資起紛爭者遂析產焉共議與存在二老餘田地幾畝留作生養死葬之用俗謂之養老地或並此而無之輪值供給則父母之生活主權竟在兒輩矣

錢幣及度量衡現狀 市面通行爲銀圓及當二十銅元及中央中央各行鈔票本地商家無出紙幣者度數以廣尺爲主體洋布綢緞莊皆通行至於農婦買賣粗布有以廣尺一五爲尺者有以廣尺一八爲尺者量數則以縣署

錢筒爲準有四十筒爲斗者有三十六筒爲斗者有四十五或五十爲斗者其大小係以各集市之習慣自爲伸縮衡則以制錢一串（當地大錢五百文）重三斤半爲憑大有三斤四兩者小有三斤十兩十二兩者至於每百斤加十斤或加十五斤買賣煤炭柴薪用之一切食物概不與焉此三者之大小輕重長短因地而異物價以之不齊現頒行新制度量衡全國一律積年之弊一朝肅清

二 社會習尚

交際慣例 朋友之間禮尚往來親戚交際則以新年麥秋中秋三節爲例惟不善儲積賓客餽遺戚友慶弔稍近奢靡以故民多虛耗視爲慣例不知變計關心民生者當有以革之

宗教情形 民衆向宗孔教佛道兩教只限僧道已日寔衰微天主耶穌雖設有教堂宗其教者百不及一

農佃制度 農佃約分三種有器具牛馬備自主人佃戶出力代爲操作共計收入之穀數而以三七分之者(主人七佃戶三)有佃戶自備牛馬器具耕種主人之地而分其所收者(佃戶與主人各分其半)有租種地畝議定每年每畝繳納錢文若干者(分兩季交上季五月五日下午季八月十五日)

賽會 迎神賽會俗所不免各村莊每於上元節期門懸彩燈兒童塗墨抹脂扮諸戲劇遍遊城市殆古代鄉儺之遺風乎近因饑饉連年十室九空游戲之興頓減秋來鄉村子弟間有鬥蟋蟀鵝鶉者雖賭勝負究屬兒戲不成賽會問題如軍學界之打球賽跑關於體育之各種運動正在提倡時期

訟爭 因爭成訟事所不免當地民情好勝嫌疑誤會即質諸公堂憑長官一言爲榮辱鼠牙雀角時時有之幸無訟棍之刁橫耳

婚嫁情形 男女兩家尊長各憑媒妁之言雙方同意即設筵邀請媒妁各以紅柬書名更換謂之傳柬貧家不爭聘禮富家則以簪環首飾隨紅柬以送

女家稍爲點綴而已至訂期迎娶由男家備花轎樂工於吉期前夕新婿往婦家親迎執雄鷄以代雁次日黎明縛鷄於桌男行一叩禮奠酒於地名爲奠雁女家配以雌鷄由男女客及女家兄弟陪送至夫家設香案於庭然紅燭二男對天地行四叩禮謂之拜天地亦名拜華堂拜畢婿親手揭新婦紅帕觀者如堵抓斗中紅梁以打新婦謂之打喜晚間行合巹禮三日後女家接新夫婦至家新婿拜岳家尊親謂之認親設筵款待後送回男家先拜祭於祖先新婦再拜翁姑及諸親屬卽古時廟見之禮結婚年齡以男十五歲左右女則二十歲左右者居多其訂婚時期半在童年

喪葬情形 父母之喪孝子披髮跣足衣白粗布孝服設祭於大門外按亡者壽數捏麩燈又作紙轎設於門外用坐椅拾亡者衣服一並焚之痛哭返廬普通皆三日人殮若值暑夏則卽日殮之左絲右麻填於亡者之背口內含物富家有以玉者中產以下類以銅錢一枚衣衾美備昇尸入棺而釘其蓋

既殮停柩於堂擇日行成服禮並請邑中齒爵俱尊者題主以儻相四人贊禮訖告弔奠均從舊俗殯之日柩至門外孝子行視輿禮相者引孝子繞輿三匝徧摩輿之繩扣畢則扶杖哭行前引親友設祭於路以薦亡魂柩至葬所停之於甕親友重行弔奠舁棺入窆加土掩之富者則預修墓壙如人世之廳堂停柩其內其次圍柩四面以磚砌之總以土封爲普通

附錄

一古蹟名勝

有梁邱勝蹟文亭山門鷄台壽峯院

二古物

有孔子廟堂碑釋褐詩碑張壽墓誌銘黃華墨刻

三財政特殊情形

因歷年地丁積欠數達三萬餘元帶征之附捐遂亦積欠以至地方財政極爲

困難

四建設特殊情形

刻已挖濬桶子河新沖河萬福河其餘農林工藝正在籌辦中

五教育特殊情形

城鄉初高小學共九十七校因經費困難未能擴充普及

六實業特殊情形

農業以紅梁豆麥爲大宗豐年足敷本地之用圍城湖水又產蓮藕魚蝦製造品有本地粗布產量尙佳販賣遠方咸爭購之蚕絲雖爲當地特產而不工於製造商業不發達亦無礦產

定陶縣

政治

一 疆域形勢

境界 本縣縣城東南至城武縣城六十里南至曹縣縣城五十五里西北至荷澤縣城四十五里東北至鉅野縣城一百四十里

山川 縣境皆係平原並無山陵有渠河三道及萬福洙水兩河發源地現已疏濬

土質 縣地多沙城土質不良肥沃地畝甚屬寥寥

交通 地處偏僻從前交通極爲不便現在縣鎮各道築有汽車路直達荷澤與利荷曹濟兩路相銜接南往有汽車路經曹縣達隴海路之柳河站商運旅行均稱捷便

二戶口

四萬二千六百八十八戶

二十萬零七千四百八十五口

三機關

縣政府 三等縣分設五科一局公務人員計共五十七員附屬機關有平民工廠一處

公安局 縣局一處警官警士計共五十一員名有雜槍六十枝

民團 有民團一大隊官佐士兵夫計共一百員名均經訓練分防以衛地方
聯莊會 總會以下設五分會縣長兼總會會長區長兼分會長鄉鎮長兼甲長
會員無定額凡二十至四十之壯丁均有充當會員之義務

四自治

全縣共分五區九十一鄉九鎮最大自治區九百一十八方里最小自治區五

百二十七方里

五行政概況

治匪 縣境二年以來間有偷竊案件無大股匪類惟目下因年景關係縣東與城武接境處時有匪縱發現

衛生 縣城由公安局負責打掃鄉鎮由各區區長督飭清潔

禁毒 縣公安局對於毒品檢查綦嚴境內無販運種植製造等事

禁止蓄髮纏足 由縣政府督飭公安局於城門集鎮等處隨時剪除又設放足檢查委員會每日下鄉勸導解放並酌量處以罰金

救恤 縣內因頻被水災禾稼失收由民捐倉穀項下提撥若干散放各區以資救濟並設有平民工廠調劑貧民

風俗

一 生活狀況

職業概況 全縣人民佔十分之九業農爲工商及其他職業者不過十分之

一

主要物價 縣境以麥豆高粱棉花爲主要物品價格以市價爲定

服飾習尙 衣服多用草棉織造冬日採用藍或黑色夏採用白色以適體爲

度

飲食嗜好 城鄉率多用粗糧佐以蔬菜

居室情形 富戶住室用磚瓦者僅居少數一般平民多以草坯爲屋

家族制度 每家皆由家長管理家中一切事務且喜大家庭同居

錢幣及度量衡現狀 市面交易以國幣爲主過去度量衡非常紊亂現已改

用新制

二社會習尙

交際慣例 婚喪有慶弔年節相祝賀均餽禮物

宗教情形 縣內有耶穌天主等教均設有教堂民衆有羨其貼費而入其教者然亦寥寥無幾該教等除講經宣傳外尙設醫院若干處皆係營業性質農佃制度 佃農有大種小種之別大種者地主佃農將收穫平均分之小種則地主得七成佃戶得三成

賽會 賽會以廢歷正月十六日爲最盛是日有翫旱船竹馬獅子高躑等雜以鼓樂三月間鬐山大會巫媪雲集抬樓進旂懸匾皆係迷信趨勢

訟爭 縣民知識未開多以細微之事而興訟

婚嫁情形 訂婚由媒妁介紹以門戶相當者爲合宜婚約男女皆傳柬帖互換之聘禮但以結婚以前男家得向女家送首飾選期仍守迷信選黃道日所定日期通知女家俾準備粧奩迎娶儀式富者由婿家備轎親迎貧者用車子派女婆一人迎接新娘結婚儀式男女同拜天地並行交拜禮成婚後三日男家向女家認門結婚年齡大抵男十八女二十續娶改嫁間或有之

喪葬情形 始喪向親族報喪親族向喪家弔唁遺囑大多無此舉動或有之多係口述繼承關係乏子以侄繼承立嗣單証証明人多屬家長及其外家舅氏入殮手續先將亡人置之靈床着上殮葬衣冠然後入殮喪服等差父母之喪斬衰祖妣及伯叔之喪皆期服曾祖妣之喪大功計告形式沿用舊式吊奠禮節親友弔唁至親陪祭安葬儀式富家則請風鑑定方向然後安葬貧家則無之

附錄

一古蹟名勝

縣內古蹟有河濱寺髡山范蠡湖梁王台項梁墓戚姬寺

二古物

古物有半兩五銖刀布泉等及朱熹屏幅趙子昂八駿圖文與可端王世貞祝枝山等墨蹟

三財政特殊情形

地方財政收支均遵照預算規定數目尙無困難情形

四建設特殊情形

疏濬本縣境內南北三渠河工程浩大正加緊督催

五教育特殊情形

本縣教育距普及之期尙遠

六實業特殊情形

本縣並無特別出產惟工藝品鄉間織有棉布俗稱淘布爲本縣出境貨物之大宗此外剪刀產量亦頗不惡無礦產

鉅野縣

政治

一疆域形勢

境界 本縣縣城東至嘉祥縣城四十五里東南至金鄉縣城九十里南至單縣縣城一百八十里西南至城武縣城一百二十里又至定陶縣城一百四十里西至菏澤縣城一百四十里西北至鄆城縣城六十里又至鄆城縣城一百二十里東北至汶上縣城一百十里

山川 南鄉有土山一處名曰金山不甚高峻其餘均係平原有河道兩處曰洙水河曰萬福河

土質 土質多鹹南鄉稍佳

交通 東至嘉祥濟寧西北至鄆城西南至菏澤均通汽車

二戶口

七萬四千五百八十六戶

三十七萬零一百四十二口

三機關

縣政府 二等縣分設五科一局公務人員計共六十六員附屬機關有合作社指導所電話事務所度量衡檢定所

公安局 縣局一處警官警士計共一百零三名有手槍二枝步槍八十五枝民團 有民團一大隊官佐士兵夫計共一百十四員名均經訓練分防以衛

地方

聯莊會 總會以下設七分會縣長兼總會長區長兼分會長鄉鎮長兼甲長約有會員一千人遇警鳴鑼爲號互相救援

四自治

全縣共分七區一百九十鄉三十二鎮最大自治區一千一百六十一方里最小自治區五百四十四方里

五行政概況

治匪 南鄉邊境一帶雖有土匪出沒隨時督飭團警聯莊會防範偵緝境內安謐如常

衛生 由縣政府督飭公安局切實進行如清理公廁檢查飯館及出賣生熟肉類預防天花傳染施種牛痘等均隨時負責辦理

禁毒 嚴查鴉片及各種毒品吸售者絕少設有戒煙所以便吸者戒除並不時派員赴鄉密查以絕根株

禁止蓄髮纏足 關於剪髮放足隨時派員講演勸導并責成放足處切實辦理

風俗

一 生活狀況

職業概況 縣境居民務農者多工商較少

主要物價 農產以麥子高粱爲最多近年因屢受水災價格頗漲

服飾習尚 民多儉樸普通以粗布爲衣婦女亦只以簪環爲飾並無時髦裝

東

飲食嗜好 鄉民多以粗糧爲食富者間食麥麪及肉類別無其他嗜好

居室情形 居民住室多爲平頂土屋瓦房甚少

家族制度 合族以年高輩尊者爲族長家長亦然無男子者以主婦爲家長

錢幣及度量衡現狀 市面通用有銀圓銅圓角票各種度量衡大小不等且

因集鎮而異至不齊一

二 社會習尚

交際慣例 遇有喜慶喪祭以及節令人民有親友關係者皆互通慶弔茲以

食物爲敬禮

宗教情形 佛道兩教日見衰落前者信耶穌天主兩教之人頗多自革命軍

北伐後約減二分之一

農佃制度 佃農與地主將收穫糧粒柴草平均分配

賽會 農暇之時鄉民有時演劇酬神別無賽會

訟爭 人民强悍偶有齟齬即起訟爭

婚嫁情形 經媒人說妥後交換婚書即爲訂婚聘禮以首飾或衣服居多間

有用金錢者娶親用親迎結婚拜花堂結婚年齡男約十七八歲女約二十

上下喪偶再娶視爲常例喪夫多不改嫁多夫絕無多妻亦甚少

喪葬情形 人死後由各親友致弔三日後入殮喪服分五等訃告用喪帖弔

奠行跪拜禮殯葬均依舊俗

附錄

一古蹟名勝

有獲麟台及麟塚又有落鳳台漢彭越石像唐永豐塔

二古物

有北齊石佛寺古碑甘泉寺古碑五代周濟州刺史任公屏盜碑

三外僑

城內有天主堂一處司鐸係中國人并無外僑

四財政特殊情形

二十年二十一年地方收支預算僅敷開支并無預備費是以財政時有拮据

五建設特殊情形

開挖洙水萬福兩河計長一百六十華里已如限竣工

六教育特殊情形

城鄉已成立小學一百四十三處現正籌設縣立初中

七實業特殊情形

因地質斥鹵豐年產糧僅可敷本地之用遇水旱則人民多逃荒於外工商業亦不發達礦產無

鄆城縣

政治

一 疆域形勢

境界 本縣縣城東南至鉅野縣城六十里西南至濰澤縣城一百四十里西至鄆城縣城九十里西北至范縣縣城九十五里北至壽張縣城一百里東北至汶上縣城一百十里

山川 縣境多屬平原並無著名山河惟東北邊境有梁山歸縣管轄之地甚少

土質 全縣膏田佔十分之七沙壓不毛之地佔十分之三
交通 東南部與鉅野接壤之處有汽車路一道縣鎮道已修治完竣長途電話線亦已架設

二戶口

二十八萬二千戶

六十六萬三千三百口

三關機

縣政府 一等縣分設五科一局公務人員計共五十三員附屬機關有合作社指導所一處民衆教育館一處

公安局 縣局一處分駐所一處警官警士計共八十一員名有雜式槍一百零三枝

民團 有民團一大隊官佐士兵夫計共一百五十員名均經訓練分防捍衛地方頗稱得力

聯莊會 總會以下設九分會由縣長兼任總會長區長兼任分會長鄉鎮長兼甲長凡二十至四十之男丁均有充當會員之義務

四自治

全縣共分九區三百零七鄉三十一鎮最大自治區五百八十方里最小自治區二百九十五方里

五行政概況

治匪 縣境並無股匪間有零星小匪團警聯莊會防範綦嚴不足爲患

衛生 縣城以內逐日由衛生警帶領清道夫掃除街道檢查公共廁所並分飭各鄉鎮一體講求清潔注重衛生

禁毒 縣政府派有專員在城內檢查吸食售賣鴉片毒品人犯並由公安局派警分赴各鄉鎮嚴密查緝以絕根株

禁止蓄髮纏足 城鄉男子蓄髮者早經剪除女子放足亦居多數並組織放足會剪髮隊分赴四鄉切實查檢以期禁絕

救恤 創設平民工廠一處收容貧民習藝遇有災荒臨時救濟

風俗

一生活狀況

職業概況 男多務農女多紡織墨守舊法饒有古風惟因地少人稠生活困難赴東北及海外謀生者甚衆每年由郵政匯來款項平均約在國幣五十餘萬元左右

主要物價 水線大粗布每尺約一角七分乾線小粗布每尺約一角三分小麥麪每斤約七分雜麪每斤約五分高粱每斤約四分六厘強黃豆每斤約五分八厘小米每斤約五分八厘

服飾習尚 男子着土布短襖或長褂如着馬褂則爲禮服女衣亦均以土布爲之多係左衽身長及膝頭戴銀簪或銅簪以壓髮髻若剪髮旗袍則絕無而僅有矣

飲食嗜好 食物以雜麵爲大宗（卽高粱黃豆混合壓成麵粉）好食辛辣如

葱蒜秦椒之類

居室情形 房屋多以土築屋頂覆以茅草以泥土抹之絕少磚瓦房

家族制度 仍係大家庭制度以五世同居爲榮家族權力操之家族長現以

人慾多趨自私大家族制行將破壞

錢幣及度量衡現狀 錢幣以當二十銅圓爲單位當十銅圓絕少銀圓最通

行紙幣有中央中交各銀行之圓票角票度量衡均依中央現行制改用惟

一時尙難普遍

二社會習尙

交際慣例 親友往來多以酒食相酬應投桃而報李如遇婚喪相互扶助不

取勞資

宗教情形 民衆知識簡單崇拜多神愚夫愚婦信之彌篤天主耶穌教堂各

一處信者甚少

農佃制度 農佃約分兩種一曰大種地主出田佃戶出力及籽種收穫後平均分配之一曰小種地主出田及種籽佃戶出力收穫後二八分配之

賽會 每至冬季年節農暇之時青年男子多化裝扮演戲劇人物歌曲名曰高躋會或抬歌會所謂鄉人儺者是也

訟爭 民多詐僞每因細故輒起訟爭

婚嫁情形 由男女雙方家長主持媒妁撮合以成婚約只換柬帖並無聘禮

迎娶時或用車或用轎新郎赴女家親迎結婚禮節仍依舊式結婚年齡男

在二十歲以下十八歲以上爲最普通女出嫁年齡較男爲大

喪葬情形 人當彌留之際先由親屬著以殮衣故後昇尸靈床停放堂中男

則卽日入殮女則待其生父母或胞兄弟親視含殮殮後卽行成服訃告用

舊式喪帖弔奠行叩拜禮發引安葬均依舊俗惟封墓時孝子用孝服包穴

土帶回家中以代守墓之意

附錄

一古蹟名勝

有舊縣城廩邱城高魚城陽晉城羊角城觀音塔琉璃井冉子墓徐侯墓徐績墓

二古物

徐侯墓前有唐貞觀碑一座

三外僑

城內天主堂駐有神傅係德國人

四財政特殊情形

地方財政僅敷開支尙無困難情形

五建設特殊情形

修治縣鎮道路架設電話均已完成先後開鑿新井六十四眼

六教育特殊情形

男小學一百六十六處女小學六處男女合校小學十六處男女師範學校各一處

七實業特殊情形

農產糧食豐年足敷本縣之用以小麥高粱棉花花生爲大宗製造品有本機手工織成土布繭綢產量甚少商業不見發達亦無礦產

聊城縣

政治

一疆域形勢

境界 本縣縣城東南至東阿縣城九十里南至陽穀縣城九十里西南至莘縣縣城七十里西至堂邑縣城四十里東北至茌平縣城六十里又至博平縣城四十里

山川 縣境地屬平原有運河徒駭周公等河

土質 境內東南鄉土質較肥其餘西北東北西南各鄉地多沙城

交通 聊地交通自運船停駛後修有東臨濟臨聊陽聊堂聊博等汽車路又有利荷支路電報郵政等局設置亦尙完備並設有長途電話及縣有電話交通稱便

二戶口

四萬五千一百九十九戶

二十三萬零二百五十六口

三機關

縣政府 一等縣分設五科一局公務人員計共五十九員附屬機關有民衆教育館一處合作社指導所一處

公安局 縣局一處分駐所一處警官警士計共八十三員名有雜式槍六十四枝

民團 有民團一大隊官佐士兵夫計共一百七十四員名先訓練後分防保衛地方頗爲得力

聯莊會 總會以下設九分會於各區縣長兼總會長區長兼分會長鄉鎮長兼甲長凡二十至四十男丁均有充當會員之義務

四自治

全縣共分九區一百七十二鄉十八鎮最大自治區七百六十五方里最小自治區二百九十六方里

五行政概況

治匪 縣內向無山寨聚匪且有駐軍常川駐紮足資鎮攝

衛生 縣政府時飭公安局掃除街道取締商民貪食生冷以免發生疫病

禁毒 縣內對於毒品嚴厲查禁並設戒烟所專事禁戒

禁止蓄髮纏足 縣政府迭諭民衆禁止蓄髮纏足並時令公安局努力宣傳

漸次剪放可望肅清

救恤 聊地連年水災奇重設有聊城卍字分會放飯捨衣由分會長及各會員捐募振恤

風俗

一 生活狀況

職業概況 聊城在曩年運河通時商業繁盛冠于魯西近年來屢遭匪劫運河失濬航船停駛商業以此凋敝人民以農爲業者約佔十分之八九

主要物價 聊城土產本無若何特色惟聊柏爲他縣柏木所不及故其價值高於一切

服飾習尚 聊地人民服飾古樸農人多以青藍布爲服平素多著短衣如有應酬則著袍衫其吉服男多衣藍女則紅綠

飲食嗜好 縣民飲食多以秫米爲饌其常食菜蔬多以蔥韭芥薑而鮮魚爛肉尤爲一般民衆所嗜好

居室情形 居室以土牆平房爲最多而富者或建瓦屋樓房近年來爲禦匪計多以土築礮樓以便防衛

家族制度 縣民多大家庭制度

錢幣及度量衡現狀 縣內以銀圓爲主要交易貨幣而中交鈔票亦頗流通
秤斗仍沿用舊式刻正推行新制

二社會習尙

交際習慣 民情古樸對於交際多尙質直平時應酬絕少

宗教情形 儒釋道及天主耶穌各教均有信者回教徒多駐城關鄉間罕有

農佃制度 年得利益佃戶分十分之三地主分十分之七

賽會 每屆春節居民有扮演高蹻龍燈船燈等會者

訟爭 民情好勝故多訟爭

婚嫁情形 訂婚辦法先由冰人說妥次換小簡再定期交換婚約婚約用龍

鳳簡帖富者以金錢首飾爲聘禮貧者或以錢幣爲禮選期手續遵照古禮

擇定吉日通知女家迎娶儀式由男家僱用花轎鼓樂親迎於女家結婚儀

式就院內開敞處設案新郎新婦行交拜禮成婚次日新郎隨新婦歸寧認

親三日廟見結婚年齡在十五歲以上二十歲以下爲最多續娶與新婚略同改嫁雖由翁姑或父母主張亦必得本婦同意而後擇吉成禮但男家例不親迎多夫習慣絕無多妻習慣或以年老乏嗣無人承祧而再娶童養媳習慣多因女家貧寒將女送養男家教養及笄卽爲合婚

喪葬情形 始喪舉哀焚紙馬訃告戚誼遺囑咸以口述並無若何形式繼承如無子嗣得由近支擇繼經親族證明立約始有承繼權人殮手續於逝後三日與死者更衣入殮孝眷皆號泣示哀成服禮節請禮價於靈前設祭行之喪服等差斬衰用極粗麻布齊衰用稍粗麻布大功用粗熟布小功用稍熟布總服用細熟布訃告形式沿用舊式弔奠禮節來賓備具香花行三鞠躬禮發引用儀仗鼓樂經孝子引柩至塋親友祭奠後安葬服喪期間遵照古禮以支派遠近而有等差

附錄

一古蹟名勝

縣東關有魯仲連台

二外僑

本縣東關雙街基督教堂住有美國教士

三財政特殊情形

財政悉遵照預算開支

四建設特殊情形

縣政府及城關道路修築平坦商民稱便

五教育特殊情形

全縣小學多完全仰賴縣款大劫後地方財政破產教育大受影響自二十年
鄉村小學概歸地方自籌學校頗見增加

六實業特殊情形

農產物五穀皆有而以麥佔多數製造品以紙鞭炮書筆燠棗等物爲最著名

堂邑縣

政治

一 疆域形勢

境界 本縣縣城東至聊城縣城四十里西南至莘縣縣城七十里西至冠縣縣城七十里西北至館陶縣城九十里北至臨清縣城九十五里東北至清平縣城一百里又至博平縣城七十里

山川 縣境皆平原並無山河曩有運河經流久已淤平

土質 西北兩面地多膏腴東南地多礮瘠

交通 縣境地處偏僻交通素稱不便近來長途汽車及電話已次第修設縣鎮道路亦皆竣工較前稱便

二 戶口

三萬九千八百七十戶

二十萬零一千六百九十二口

三機關

縣政府 三等縣分設五科一局附屬機關有民衆教育館一處信用合作社

二處

公安局 縣局一處警官警士計共五十一員名共有雜槍五十一枝

民團 有民團一大隊官佐士兵夫計共六十員名均經訓練分防以資保衛

聯莊會 總會以下設六分會由縣長兼總會長區長兼分會長鄉鎮長兼甲

長凡二十歲至四十歲之壯丁均有充當會員之義務

四自治

全縣共分六區二百十四鄉二十鎮各區公所早經成立關於自治事宜均依

次進行

五行政概況

治匪 縣境素稱匪區近年來因實行清鄉土匪稍覺斂跡而匿居鄉間者仍在所難免正在肅清間

衛生 由公安局負責督飭各街市撥夫隨時灑掃街道並在城區修設公廁
所多處

禁毒 各區早無種植烟苗情事惟販賣及吸食毒品者未能淨盡現在嚴厲查禁以期早日肅清

禁止蓄髮纏足 鄉民蓄髮者已不多見纏足者間或有之正在進行查禁中
救恤 設有平民工廠一處收容貧民習藝遇有災荒臨時救濟

風俗

一生活狀況

職業概況 業農者十之九業工商者十之一

主要物價 以棉麥爲主要物麥麪每斤約洋七分棉每斤約四角餘

服飾習尙 民衆素尙儉樸衣料多用土布無用外貨者婦女以簪環爲飾以銀或銅製之

飲食嗜好 鄉民食糧以土產爲限年來間有吸食紙煙者

居室情形 居民多編茅爲屋築土爲牆築磚瓦房者不過十分之一二

家族制度 仍係大家庭制度父母故後兄弟多析居

錢幣及度量衡現狀 以銀幣銅幣爲大宗各銀行鈔票亦可通用度量衡已改用法定惟尙難普遍

二 社會習尙

交際慣例 買賣田產多用中保買賣糧食牲畜多用牙紀各主對中保牙紀均有相當報酬親友遇有慶弔禮尙往來

宗教情形 鄉愚信仰多神不明宗教意義間亦有信奉天主耶穌各教者

農佃制度 地主與佃戶有四六分收及對半分收者亦有折成租價者

賽會 鄉民每遇年節間有演劇及演各種燈會之舉

訟爭 民性刁狡多有訟爭每因細故纏訟經年廢時失業不惜犧牲

婚嫁情形 男女結婚年齡以十七八歲爲普通訂婚時由男家配製裝飾品

送往女家無用聘金者多夫絕無多妻者間有之贅夫多因乏嗣童養媳多

出貧家

喪葬情形 父母死守制三年葬時堂祭點主款待弔客或延僧道誦經超度

更焚紙糊人物車馬殉之

一古蹟名勝

有樂平故城發干城古戰場宇文化及點將台

二古物

有明張養浩碑邱公碑泰山行宮漢白玉碑城內白衣堂有古銅佛三尊

三 財政特殊情形

地方財政豐年尙可敷衍一遇災荒即感不足

四 建設特殊情形

縣鎮各區道路及長途電話均已修齊

五 教育特殊情形

全縣設立各學校共百四十六處尙難普及

六 實業特殊情形

境內每年產糧尙敷本縣之用工商業素不發達礦產無

#572
22771/

2